

# **Badische Landesbibliothek Karlsruhe**

**Digitale Sammlung der Badischen Landesbibliothek Karlsruhe**

**Christenlich vnderrichtung des Hochwirdigen Fürsten  
vnnd Herren herrn Hugo Bischoffen zu Costantz, die  
Bildtnüssen vnd das opffer Mess betreffend**

**Hugo <Konstanz, Bischof>**

**[Freiburg], [1524]**

**VD16 K 2016**

**urn:nbn:de:bsz:31-72255**

80 A

8047

RH

Handwritten text, possibly a signature or date, in brown ink.

13

11

12

13

14

15

16

17

18

19


20

80 A 80.47 RH.

15


Copy

62



# Christenlich vnder

richtung des Hochwirdigen Für/  
sten vnd Herren hern Hugo Bischoffen zu Costantz/  
die Bildnüssen vnd das oppfer d' Wess betreffend/ Burs  
germeister vnd Rath zu Zürich/ vff den ersten tag Junij  
diß Vierundzweintzigsten Jars übersendte.



(1524)

ak

80 A 8047 RH

z. v.

**I**n Hugo von gottes gnaden Bischoff zu Costantz/ Empieten den Erwürdigen/ Würdigen/ Hochgelerten/ Ersamen/ vnseren lieben anrechtigen/ allen vnnnd vreden Prelatzen/ Pröbsten/ Decan/ Pfarrer vñ Seelsorgern vnnfers Bistums Costantz vnd anderen/ denen diß vffschreyben fürkompt heil in Christo vñ zu vernemen. Wiewol bey allen Christenlichen stenden der artickel halß/ die Bildtnüssen vnd Wess betreffend/ vnd sunder von wegen der mess/ bissher nye kein misuerstand gewesen/ od so die der Bildtnüssen halß erwachsen/ von der heiligen kirchen (wie vß nachvolgenden Conclijß oder versamlungen gehört wirt) allweg als irrig erkent vnd verworffen sind. Auch gemeyn Christenheit die selbigen/ wie vß grund götlicher geschriffte beuestnet ist/ in einmüttiger vergleychung gehalten. Dessen halß billich darwider nümals kein zweyfel gestattet/ noch einicher gestalt als zweyfelig geacht werden solten. Noch dan dieweyl bey den Strengen/ fürsichtigen/ weysen vnseren lieben freünden Burgermeister vnd Rath zu Zürich oder den iren (vnangesehen gegründe schrift/ vsachen vñ haltung) der Bildtnüssen vnd Wess ein zweyfel sein wil. Vnd die selbigen von Zürich vns vmb bericht innhalte ihres schreybens ernstlich angesücht. Haben wir vß begirigem vetterlichem gemüt/ fürgefasten zweyfel bey inen od den iren/ so vil müglich vßzereüten/ vnd die nachteyl vnd schaden so mit weyterem abfall Christenlichs verstands vnd haltung der geschriffte erwachsen würden/ zu fürkommen. Obgemelter artickel halß/ ein bericht vß grunde der

göttlichen geschriffte/ vnd dero bewertem angenömem ver-  
stand/ vff rhat etlicher Vniuersiteten vnd anderer der heil-  
ligen geschriffte verstendigen verfassen. Den selbigen ge-  
dachten Burgermeister vnd Rhat zügesandt. Vnd dies  
weyl obangerzogter artickel hatß auch bey anderen (wie  
wir leider vor augen sehen) gleychermaß zweyfel vnnnd ir-  
rungen entstanden seind. Seyen wir wie obgemelt vß ver-  
terlichem gemüt bewegt/ dise vnser vnderrichtüg in offen-  
lichem truck lassen vßgon/ der hoffnung mengtlich so sie  
wirt lesenn/ werde bericht empfaben/ die bildtüssen vnnnd  
Wess in der heiligen geschriffte gnügsam gegründt/ vnnnd  
deßhalb von der kirchen bissher Christenlich vnd wol ges-  
halten vnd braucht sein. Nach dem auch diser bericht als  
lein vff göttlich geschriffte/ vnd dero von der heiligen kirch-  
en vnnnd Christenlichen lerern gemeynem vereintem ver-  
stand/ vnd von anfang der kirchen vnd Christenheit  
allweg herkommer haltung gegründt ist. So wöls-  
len wir auch den selbigen/ der heiligen kirchen/ vñ  
allen Christenlichen lerern vnderworffen ha-  
ben/ der zünersicht/ das sunderer/ selb getrö-  
ster vnd vnerhörter verstand der ges-  
chriffte/ vnd ander neiwering da  
wider nit statt haben sollen.

\* \*  
\*



# B die bildnüss

sen/ so vns anzeygent oder  
bedeütent die heiligste menscheit Christi vnnsers erlösers  
vnd seligmachers/seiner allzeyt gebenedeyten mütter  
vnd juncdfraw Marie auch aller vserwölten  
heiligen gottes (bisher vil Hundert jar in  
der heiligen kirchen geweret) Wider  
die heiligen geschriff/ des Neuis  
wen vnd Alten Testas  
ments (vnd deshalb  
abzütün seynt.)

Zu vfflösung vnd entschliessung diser frage  
wölten notwendig sein Syben Punkten.

Zu dem ersten zwirt vast not sein  
zu wissen/wie vñ wofür Idola/Symulachra zc. bey Hei  
den vñnd Juden gehalten seyen worden.

Zu dem andern / wie vnd in was  
gestalt Idola/Simulachra zc. oder die abgötter/ wie dan  
dise wörtlin bisher allweg verteütscht worden seind/ Ju  
den vñnd Heiden vereret haben.

Zu dem dritten vsz was berweg  
nüss oder vrsach die heilig kirch die Bildnüssen zügelas  
sen/angenommen vnd vffgesetzt hab.

**Zu dem Vierden / wie lanng die  
Bildnüssen in der Christenlichen kirchen geweret haben.**

**Zu dem Fünfften / was grossen vn-  
terscheids sey zwischen den Idolis od abgöttern / bey den  
Heiden vnd Juden / vnd den Bildnüssen bey vns Chris-  
ten / der anzeigung vnd bedeutung halb.**

**Zu dem Sechsten / was sie auch  
haben für ein vnterscheid zwischen inen d vereerung halb**

**Zu de Bybenden werden kurtz  
verantwurt die Argumenta vñ Inreden / deren so zu vns  
fern zeyten mit der geschriffte ( als vermeynen ( die Bildes-  
nüssen der heiligen abzütühn vnterstond / wiewol doch  
kein geschriffte nyentert meldung thut von vnsern bildern.**

**Zu dem letzten vurt auff die frag  
ein endlich Schlusfred geben.**

**Nun volgt hernach der erst Punct  
vnd zeygt an / wie vnd wofür Heiden vñ Juden / die  
geschmizleten / gegosnen / oder ander materi götz-  
en gehalten haben. Auch wie die wort Ido-  
la / Simulachra re. vertheütscht solz  
len werden.**

\* \*

\*



In den ersten puncten/ dieweyl vnnnd  
Idola oder Simulachra zu teutsch  
(wo achter die wörtlin allein ston)  
bildnüssen/ den Juden im alten Tes  
tament/ von gott so hart vnnnd offte  
verbotten seind/ muß man erlernen/  
wo für Heiden vñ Jude die geschmiz  
leten/ gegosnen oder ander materi gözen gehalten haben.  
Vnd so darüber die geschriffte eigentlich besichtriget vnnnd  
ergründet würt/ vndt man darlich/ das gott der herr inen  
solliche gebott allein darumb geben/ vnnnd so sie die übers  
tretten haben/ allein darumb gestrafft hat/ das sie vß ver  
kerren willen vnd bosheit/ verlassen den waren lebendis  
gen gott/ den schöpffer aller ding/ vñ die gözen oder crea  
turen/ für ire rechte götter vffgeworffen/ gehalten vnd ver  
eret haben. Das aber dem also sey/ wöllen wir geschriffte  
hören. Exo. am xx. spricht der herr. Ir haben gesehen die  
ding so ich vom hymel herab mit eüch geredt hab/ darüß  
machent eüch nit sylberin oder guldine götter. Desgleich  
en Exo. am xxxviii. spricht er. Mach dir nit gossen götter  
Item Leuit. am xix. Ir sollt eüch nit wenden zu den ab  
göttern/ machent eüch auch nit gossen götter. Es erlagt  
sich auch der herr solliches durch den prophten Hieremia  
am andern capitel/ so er spricht. Sie haben mich verlassen  
den brunnen des lebendigen wassers/ vñ inen graben zer  
brochen vnd rünnent cisternen/ die nit wasser mügen haltē  
Sie haben sich von mir gewendt/ vnd zu der zeyt der wis  
derwertigkeit werden sie sprechen/ stand vff vnd erlöß vns  
So würd ich inen antwurten. Wo sind deine götter die  
du dir selber hast gemacht/ die selbigen standen vff vnnnd  
erlösen dich in der zeyt der trübseligkeit/ dan nach der zal

Die bild sind  
by heiden vñ  
juden für gde  
ter geschret.

Exo. xx.

Exo. xxxviii.  
Leuit. xix.

Diere. 6.

Deiner stett sind gewesen deine götter. Vß disen schrifftten  
wirt gnügsam verstanden/ das sie das werck vö iren henz  
den gemacht/ nit für bilder allein gehalten haben/ sunder für  
ire götter. Sollichß zeygt auch an der heilig prophet Da  
vid am cxvij. psalmen/ so er zu erkennen gibt/ das allein d  
gott Israhel/ vnd kein anderer sol gelobt vñ gebreyt wer  
den/ vnd spricht also. Vnser gott im hymel hat gemacht  
alles dz im gefallē hat. Aber die götter der Heiden seind  
nichts dan sylber vnd gold/ werck vö henden der mensche  
gemacht. Sie haben den mund/ vñ werden nit reden. Sie  
haben augen vnd oren/ werden aber nit sehen noch hören  
mögen zc. Inen werden gleychformig die sie mache/ schnitz  
len oder giessen/ vnd alle die in sie vertrauwē setzen. Das  
haus Israhel hofft in den herren/ vnd er ist ir helffer vnd  
ir beschirmer zc. Das seind die wort Davids. Wer auff  
disen puncten mer schrifft begert/ mag besche im cxxvij.  
psalmen. Item das büchlin der Weysheit am fünfftes  
henden capitel. Vnd den propheten Esaiam am xlvij.  
capitel/ gond vast all vff ein meynung.

Die wort Si  
mulachra/ ido  
la zc. miessen  
teütsch wer  
den nach dem  
juden vnd bei  
den sy vereret  
vnd gehalten  
haben.

Ero. xx.  
Ero. xxiiij.  
Leuit. xij.  
Hiere. ij.  
Gen. xxx.

¶ Sieweyl nun das wörtlin Simulachra mit seines  
gleychen hinfür oft gebrauch wirt/ so haben wir dasselb  
von ersten geteütscht/ wie wir dan glauben in diser mate  
ri müsse vnd solle verteütscht werden. Vnd wie im latin  
David schreybt/ Simulachra gentium zc. verteütschen  
wir also. Die götter od abgötter d Heiden/ nit wie etlich  
fürgeben/ simulachra (die bildnüffen) wölches teütsch dz  
Latinisch wörtlin wol zügeb/ wo es allein on züsatz stünde  
Zu disem verteütschen bewegen vns vier vrsachen.

¶ Sie erst. Gott der herr nennet sie selber götter/ wie  
nechst oben anzeygt ist Exodi am xx. vnd am xxxiiij.  
ca. Leuitici am xij. ca. Hieremie ij. ca. Item Genesis am

xxxj. werden Idola vnd Sij für ein Ding genommen.

Die ander vrsach. Es ist offembar/ das der heilig David in dem Psalmen den Juden vnd im geist vnns allen angetzeygt/ wie wir allein den gott Israhel sollen eren/ in den selbigen hoffen/ im allweg vertrauen/ vñ in kein andern dann in den gott (spricht David) hat Abraham/ Isaac/ Jacob/ Aaron zc. gehofft. Dieser gott (spricht David) hat eüwere fordern vß Egypto geführt/ vñnd mit die götter der Heiden/ in wölchen kein empfindlichkeit/ verstantniß/ trost oder hilff in keine weg gespürt werden mag. Sunder wiewol sie gestalt vnd gliedmaß haben als ob sie sehen/ hören/ schmecken zc. seind sie doch anders nichts mer dan wie ander gold/ sylber/ stein/ holtz/ daruß sie geschmützet/ graben oder gossen seind. Sie sehē nit/ hören nit zc. müßgen nyemants tröstlich oder hilfflich sein.

Die dritt vrsach. Solte das wörtlin Simulachra an diesem ort verreytcht werden die bildnißsen/ was wer dan not gewesen dem für vßerwelten propheten David so eygentlich vñ so mit vil worten zū beschreyben Simulachra gentium zc. Die bildnißsen der Heiden werdē nit reden/ nit sehen/ hören zc. so doch kein so klein verstendiger mensch ist/ er weißt sollichß. Darumb offembar ist/ dz er hie die Heiden strafft/ das sie die für götter vffwarffen vñ hielten/ in die ir hoffnung vñ vertrauen setzten/ wölche weder reden/ hören/ sehen künden/ auch gar kein einig zeichē des lebens in inen hatten.

Die vierd vrsach. Damit gātz kein zwysel sey was d̄ heilig David durch dise wort hab wölken zū versteen gebū/ so er spricht vnder andern. Inen werden gleych die sie machen/ vñ all die vertrauen in sie setzen. Nun wölcher mensch ist so blind oder thorecht/ der sein hoffnung od̄ ver

trauwē setze in ein anders/ D̄ er nit höher/stercker od̄ mechtiger achtet vñ glaubt/ dan̄ er an im selbst̄ ist. Darū̄ die weyl die Heiden in sie gehofft/ vñ ir vertrauwen in sie gesetzt haben/ muß̄ vō not wegen daruß̄ volgen/ das sie die selben nit allein für bilder gehalten haben/ sonder für ire gōtter. Wölches dan̄ auch der heilig Paulus clarer anzeygt

Ro. i. zū den Rōmern am ersten capi. so er spricht. Wiewol sie (meynt er die weysen d̄ Heiden) erkent̄ habē ein̄ einigē gott haben sie doch den selben nit als gott vereret vñ gebreyt̄ od̄ im deßhalb danck̄ gesagt/ aber sie sind ertel od̄ zū nichten worden in iren gedentē/ vñ ist verblindt worden ir vn̄ weyß hertz/ vñ wie sie sich v̄geschryen haben weyß vñ verstendig/ seind sie thoren vnd narren worden/ vnd habn̄ die glori vnd eer des vnzerstōlichen gottes veraberwandert/ in die gleychnīß oder gestalt ein̄ zerstōlichen menschen vñ der vōgel/ vnd der vierfiessigen vñnd kriechenden thieren. Was möcht vff disen puncten clarer von dem heiligen Paulo gesagt werden. Dan̄ so er spricht. Sie haben veraberwāert die glori/ wölche allein dem einigen vnzerstōlichen gott zugehört/ vnd haben sie zugelegt einer creatur einer gleychnīß vñnd gestalt ein̄ zerstōlichen menschen. Ja nit allein haben sie die bildnīß oder gestalt der menschen für ire gōtter vffgeworffen/ sonder zū sollicher blindheit vnd vn̄sinnigkeit seind sie kōmen/ das sie inen haben schnitzlen oder giessen lassen/ figuren vnd bildnīssen der vōgel vnd allerley thieren/ vñ die selben für ire rechte gōtter gehalten vñ vereret. Vnd hiemit sey verantwurt der erst punct/ das sie die geschnitzleten gōtzen nit für bilder allein haben gehalten/ sonder für gōtter/ deßhalb auch die wörtlin̄ Idola/ Simulachra/ in diser materi also verteytset werden sollen/ vnd diß von wegen des zūsatzes.

## Der Ander Punct.



**A**dem vergangen artickel ist gnugsam vß der geschrifft gehört: Das die Juden vnd Heiden ire geschmizten gegossen zc. götzen vnd bilder/ nit allein für bildnüssen/sonder für ire rechte götter gehalten haben/vnd daneben verlassen den waren ewigē gott. Jetz für den andern puncten/wöllen wir vß der geschrifft erfahren/wie vnnnd in was gestalt sie solliche götter vereret haben. So vinden wir das sie disen götzen vnnnd bildnüssen in fünf weg eer angethon haben. Zum erste/sie haben inen dienet. (seruierunt eis.) Zum andern haben sie hoffnung vnnnd vertrauwen in sie gesetzt. Zum dritten/haben sie die geschmizletē götzen vmb künsttliche od verborzne ding rats gefragt/vñ vß inen weyßgesagt. Zum vierden/haben sie die steininen vnd hölzinen götzen anbetet. Zum fünfften/haben sie inen geopffert. Duse fünf vererungen wöllen wir nach einander sehen.

**Z**um erste. Sie haben den götze dienet. Nun spricht aber gott der herr Deutro. am vj. vnnnd darnach am x. durch Mosen zu dem volck vß Israhel. Hüte dich fleysig dz du nit vergessest gottes deines herren/wölcher dich vßgeführt hat von dem erdtrich Egypti/vonn dem haus der dienstbarkeit. Den herren deinen gott solt du fürchte vñ im allein dienen. Dergleychen stat geschriben am ersten büch der König am vij.ca. Vnd Christus vnser seligmacher bestetiget das Matthei vnd Luce am vierde ca. Wie aber die Juden (wöllen yetzund d Heiden geschweygen) diesem gebott gehorsam gewesen seyen/wöllen wir hñ

In fünfferley  
gestalt sind die  
Simulachra  
od götzen by  
heiden vñ ju-  
den vereret  
worden.

Deut. vj. et x.

1. Reg. vii.  
Matth. iiii.  
Luce iij.

ren am andern capitel Judicum/ zu teutsch des büchlin  
Judic. 8. der Richter/ stat also geschriben. Es haben die sun Israhel  
ihkels thon vor dem angesicht des Herren/ vnnnd haben  
gedient dem abgott Baalim/ vnnnd haben verlassen iren  
Herren den gott irer vetter/ der sie hat vffgeführt von dem  
erdrich Egypto/ vñ seind nachgenolgt frembden göttern  
den göttern der völker die vmb sie wonten/ vnnnd haben  
die selben anbetet/ vnd haben bewegt zu zorn den Herren/  
Darumb das sie in verlassen/ vnnnd gedienet haben Baal  
vnd Aistharoch. Was Aistharoch/ Asinodrus/ Baal/ Bel  
Beelphegor/ Beelzebub zc. für ein vöcklin sey gewesen/ wirt  
hernach kōmen. Wer wil mag der gleychen Text besche  
Judic. iij. et p. Judicum am dritten vnd p. capi. Item vff die meynung  
ij. Reg. xvj. stat also geschriben am dritten Künigbüch am xvj. capi.  
Achab ein sun Amri hat ihkels gethon vor dem angesicht  
des Herren/ mer dan alle künig vß Israhel die vor im ge  
wesen seind/ dan in hat nit beniegt das er wanderte in den  
sünden Hieroboam des suns Nabath. Er hat über das  
genōmen zu einē weyb Jezabel ein tochter Metabaal des  
Künigs Sidoniorñ/ vnd ist hingangen/ hat gedient Baal  
ij. Reg. xvij. vnd in anbetet. Es dient hieher d gantz Text des xvij.  
Psal. cv. capitels am vierdē Künigbüch. Von diesem dienē schreibt  
auch der propheet David am cv. Psalmen/ vñ spricht als  
so. Die Juden haben sich gemüschet vnder die Heiden/ vñ  
haben gelernet ire werck/ vñ gedient iren geschmitzetē götze  
Ro. j. Paulus meldet das auch zu den Rōmern am eisten ca.  
i. Cor. v. Item in der ersten Epistel zu den Corinthern am v. cap.  
Wer wil mag es besche/ wir achte es sey gnügsam kwert/  
das die Juden disen götzen dienet haben/ vnd in rechten  
gott verlassen.

¶ Zum andern wöllen wir hören wie sie hoffnung vñ

vertrauwē in sie gesetzt vñ sie angerufft habē. Es spricht  
gott durch den propheten Hieremia/ Hieremie am xvij. **Hiere. xvij.**  
capi. **Benedeyet** ist der man/ der sein vertrauwen in den  
herren setzt/ vñnd der herr wirt desselbigen trost sein. **Aber**  
das vnangesehē/ haben sie zūm offtern mal/ mer vertrau-  
wen in die geschmizleten götzen gesetzt/ dan in gott selbs.  
Von dem stat geschriben am büch der weyßheit am xiiij. **Sapi. xiiij.**  
ca. Die vereering/ (spricht der weyß man) der vnredendē  
stummenden götter ist ein vsach (ja der anfang vñ end)  
alles bösen/ dan sie ir vertrauwē setzen in die abgötter die  
kein leben in inen habē/ schwörent sie bößlich vñ meynent  
es sol inen nit schaden. Item **Esaiē** am xliij. ca. spricht got **Esa. xliij.**  
durch den Propheetē. Es werdēt geschendt alle die ir ver-  
trauwen setzen in die geschmizlete götzen/ vñnd die do sagē  
zū dem goshnen werck ir seind vnser götter. Von dē ver-  
trauwen schreybt auch **Sauid** am cxiiij. Psalmen/ vñnd **Psal. cxiiij.**  
darnach am cxxviiij. ist zūm teyl gehört.

**Zūm drittē.** Sie haben die geschmizletē götzen vmb  
künfftige oder verborgne ding rats gefragt vñnd vs inen  
weyßgesagt. **Deutro.** am xviiij. ca. spricht got der herr al **Deutro. xviiij.**  
so. **Wan** du yngast in das land das dir d' herr dein gott  
geben wirt/ so hüt dich/ das du nit wöllst nachuolgē den  
verfluchten wercken der völker. Es sol vnder dir nit ers-  
funden werden d' sein sun oder sein tochter durchs feur gott  
lasse/ oder der do frage die weyßsager/ oder d' do acht neme  
der treum/ oder der vogel geschrey. Es sol auch vnder dir  
nit funden werden kein zauberer oder beschwörer/ oder d' do  
rats frage die warsager oder zeichen deüter/ oder d' do süch  
die warheit bey den todten. **Wider** das gebott haben die  
Jude zūm offtern mal gethon/ wie wir dan vnder andern  
lesen am drittē künigbüch am xviiij. ca. das dz böß weyß **iiij. Reg. xviiij.**

Jezebel Key dem abgot Baal in einer zal het vierhundert  
vnd fünffzig Propheten/wölche darnach vß keuelch He  
lie all zü tod geschlagen wurden. Item am vierden König  
büch am ersten ca. lesen wir. So d künig Ochozias tödt  
lich franck lag/wie er vßschicket seine botten/sprechend zü  
inen. GOND hin vnnnd fragent thats Beelzebub den gott  
Attaron/ob ich die franckheit überwindē werd vñ lenger  
lebē. Vnd d engel des herre hat geredt zü Helie sprechēde.  
Stand vff vnnnd gang entgegen den botten des künigs  
Samarie/vnd sprich zü inen. Ist sunst kein gott in Isra  
hel/das ir gangent rats zü fragē Beelzebub den gott At  
taron zc. die histori ist zü lang hieher. Wir hören auß den  
vorgonden texten/dz sie die abgötter rats haben gefragt  
vmb verborzne oder zütünffrige ding. Item Hieremie  
am andern Capitel/ beclagt sich gott ab den Juden vnnnd  
spricht. Lürwere priester haben nit gesprochen/wo ist d herre/  
vnd die das gesatz haben gehebt/haben mich nit gewist.  
Die Propheten weyßgesagt vß Baal/vnd seind nachge  
uolget den abgöttern. Darnach Hieremie am xxij. ca.  
spricht er. Ich hab gesehen die thorbheit in den Propheten  
Samarie/vnd wie sie weyßsagten vß dem abgott Baal  
vnd betrogen mein volck vö Israhel. Samit gnügsam  
bewert ist/das sie die geschmizleten gözen thats haben ge  
fragt/vnd vß inen geweyßsagt zc.

¶ Züm vierden. Sie haben die geschmizletē gözen zc.  
gözen anbetter. Wolan was sagt die geschriffte darüber.  
Exo. xx. vnd xxij. Deutro. v. v. ca. verbeüt gott  
den Juden Key hoher peen/ dz sie nit sollē anbetre frembde  
götter/vnd wer die seyen legt er selbs vß Exo. am xx. so  
er spricht. Du solt nit frembde götter habē vor mir. Du  
solt dir kein geschmizlet bild machen noch gleychnuß derē

iiij. Reg. 1.

Jerem. ij.

Jerem. xxij.

Exo. xx. et xxij.  
Deutro. v.

Exo. xx.

Ding die im Hymel/voff erd oder im wasser seind/ vnnnd solt  
sie auch nit anbetten oder eren. Vnnnd Michsee am v. Du  
solt nit anbetten das werck von deinen henden gemacht/  
sunder du solt anbetten den herzen dein gott vnd dem al  
lein dienen. Deutro. vj. Luce vnd Matthei am vierden.  
Wie aber das gebort die Juden haben gehalten/zeygt die  
schrifft auch an. Zum ersten Exodi am xxxij. spricht der  
Text. So das volck sahe dz Moses verlengeret herab  
zukömen vö de berg/ do hat es sich gerottet wider Aaron/  
vnd hat gesprochen. Stand vff vñ mach vns götter/ die  
vns vorgangēt/ dan wir wissent nit was Mose ( wölcher  
vns vßgefiert hat vß Egypto) begegnet ist. Vnd Aaron  
sprach zu inen. Nement die guldinen ringlin vö den oren  
eüwer weyber/ eüwer sün vnd töchtern/ vnd bringen mirs  
Das haben sie thon/ vnd hat daruß gemacht ein gossen  
kalb. So schryen sie/ diß seind die götter Israhel/ die dich  
vßgeführt haben vß Egypto ic. Der herr sagt zu Mose.  
Gang hinab/ dan es habent gesündet dein volck/ das du  
vß hast gefiert von dem land Egypto/ vñ seind bald ab  
gewichen von dem weg den du inen zeygt hast. Sie ha  
ben gemacht ein gossen kalb/ vnd dasselbig anbettet vnd  
opffer geken/ vnd haben gesprochen. Israhel diß seind dei  
ne götter/ die dich haben vßgefiert von Egypto ic. Von  
dem betten stat auch geschriben Exodi am xxxiiij. capi.  
Sollichs ist auch geschriben am cv. psalmen. Am dritte  
Künigbüch am xj. ca. wirt mit vil worten beschriben/ wie  
Salomon vß vnordenlicher liebe d̄ heidnischen weyber/  
den gott Sauids seins vatters verlassen/ vnd anbettet  
vnnnd geeret hab Astarten die göttin der Sidonier/ vnnnd  
Chamos den abgott der Moabiter/ vnnnd Moloch den  
abgott der Ammoniter. Sarnach am vierden büch der

Dichez v.

Deutro. vj.  
Luce iij.  
Matth. iij.  
Exo. xxxij.

Exo. xxxiiij.  
Psal. cv.

ij. Reg. xi.

**Künig am xvij. ca.** Wie sich die Kinder vñ Israhel gehalten haben gegen den abgöttern/ vñnd was ükels sie thon haben vor dem angesicht des herren/ mag lesen wer wil. Doch vnder andern stat im selben capitel geschribē. Sie haben verlassen alle gebott des herren ires gots/ vñnd haben inen gemacht zwey gosine kelber/ vñnd haben anbettet die gantzen herrschafft des hymels/ das ist nach vñflegüg des büchs Deutro. am vierden vñ fünffte capitel. Sonñ Mon/ Jouem/ Venerem vñnd ander sternen ꝛc. Item wie der künig Manasses über die abgötter der Heiden habe auch anbettet Sonñ/ Mon/ vñnd die ganzē herrschafft des hymels/ zeygt an das vierd büch der Künig am xxi. cap. Esaias spricht. Das gantz erdrich ist erfüllt mit abgöttern/ vñnd das werck irer hend/ vñnd das ire finger hand gemacht/ haben sie anbettet. Esaiē ij. Vñnd damit sey das vierde stücklin/ das sie ire gözen für den rechten gott haben anbettet/ beschlossen.

**Das fünfften.** Sie haben den geschmitzleten gözen geopffert/ vñnd nit allein den gözen/ sunder den teüfeln/ die in inen verborgen waren/ wie man hören wirt. Nun wenn man sol opffern zeygt Moses an Exo. am xvij. Ein yeglicher der opffert den göttern sol getödt werde. Nymāts dan allein dē herren sol man opffern ꝛc. Aber das schwer gebott vnangesehen/ haben die Juden geopffert den abgöttern in vilerley weg/ vñnd darüber wollen wir geschribt hören. Deutro. am xxxij. cap. beclagt sich gott ein langß vñnd ein breits/ über die sünd seines volcks/ vñnd vnder andern spricht er also. Israhel hat verlassen gott seine schöpfer/ vñnd ist abgewichen von seinem heil. Sie haben in gereizt in den frembden göttern/ vñnd in irem greüwel haben sie in zu zorn bewegt. Sie haben geopffert den teüfeln vñ

iiij. Reg. xvij.

iiij. Reg. xxi.

Esaiē ij.

Exo. xvij.

Deutro. xxxij.

nit gott/ den göttern die sie nit kanten. Vff die meynung  
schreybt auch David am cv. psal. Sie haben geopffert  
ire sün vnd töchtern den teüfeln/ vnd haben vergossen dz  
vnschuldig blüt/ das blüt irer sün vnd töchtern/ die sie ha  
ben geopffert den geschmizleten gözen Chanaan. Item  
am vierden büch der König am xvj. ca. spricht der Text  
Zweinzig jarig was Acham do er anfieng regieren/ vnd  
hat xvj. jar regiert in Hierusalem/ er hat nit thon dz do  
gefellig was vor de angesicht des herren. Aber er ist gang  
en in den weg der König von Israhel/ darüber so hat er  
sein sun consecriert/ vnd hat in durchs feür zogē nach den  
göttern der völder. Er hat geopffert vñ geröcht vff den  
hohen vnd niedern bergen/ vñ vnder allen grünen böu/  
men. Wie Manasses vnd sein sun Amon beid König zū  
Hierusalem den abgöttern habē geopffert/ zeygt an das  
vierd büch der König am xxj. ca. Vñnd das ander büch  
Paralip. am xxxij. Von disem opffern werent vil text  
ynzuziehen/ als Esaie am ersten. Hiere. am ersten/ am sy/  
benden/ am eylfften. am xix. am xliij. Danielis am xiiij.  
Dsee am xj. aber es würde zū lang. Ser heilig Paulus  
schreybt auch von disem opffern/ an der ersten Epistel zū  
den Corinthern am viij. ca. vñ spricht also. Von essenden  
speysen die den abgöttern werden geopffert/ wissen wir dz  
der abgott od geschmizlet gott nichts ist (müß verstanden  
werden zū der ewigen seligkeit dienende) vnd das kein and  
erer gott ist/ dan allein der einig gott. Sarnach am zer  
henden ca. der vorigē Epistel schreybt Paulus. Was sol  
ich sagen. Sol ich sagē/ das dz opffer der abgötter etwas  
sey/ oder das d abgot od götz etwas sey. Ich sag aber was  
die heiden opffern/ das opffern sie den teüfeln vñ nit gott.  
Nun wil ich nit das ir gesellen seyen der teüfeln/ ir mügēt

Psal. cv.

iiij. Reg. xvj.  
3de ij. paral.  
xxij.

iiij. Reg. xvj.  
ij. para. xxxij.

Esaie j.  
Hiere. j. vij.  
xi. xix. et xliij.  
Danielis xiiij  
Dsee xi.  
i. Corin. viij.

i. Corin. x.

C

nit trincken den kelch des herren vñ den kelch der teüfel.  
Ic mügent nit teylhafftig sein des tisches des herren vnd  
des tisches der teüfel. zc.

was sich i die  
göze der he  
den vnd iude  
habe verbor  
gen.

¶ Es wil hie not sein zu bessern verstandt/ der yetzge  
melten vnd nachfolgenden puncten/ein wenig zu erfahren  
ob in disen steininen/hölzinen/dünen zc. göze oder bildern/  
nichts anders sey gewesen dann wie in andern holz/ stein  
oder kupffer zc. oder wie in vnsern bildern. Vnd zu der frag  
bewegt vnns/ das in diesem fünfften artickel zum offtern  
mal gemeldet ist/wie die Juden habe offer geben (ja auch  
ir eygne kind) den teüfeln. Wolan dise ynfallende frag wöl  
len wir verantwurten mit etlichen Schlusfreden.

Esaię xliij.

¶ Die erst Schlusfred. Wie sich d teüfel von anfang  
erhebt hat in hoffart wider gott seinen schöpffer/ vñnd im  
gleich wölten werden/also wirt er in ewigkeit die selbigen  
nymmer verlassen. Der erst teyl diser Schlusfred ist des  
propheten Esaie am viij. Der ander teyl ist ketantlich  
von allen Christen. San also hat der teüfel gesündet/ dz  
er sein sünd nymmer mer reüwen mag.

Matth. iij.  
Lucę iij.

¶ Die ander Schlusfred. Die vnersettig ymmerwer  
rendt hoffart des bösen geists/macht dz er vö allen mens  
schen (als vil an im ist) begert vereret zewerden. Vnd das  
zeygt an Mattheus vñ Lucas am vierden/ do der teüfel  
vnsern erlöser firt vff einen hohen berg/ vñ im alle reych  
diser welt antzeygt/zü im sprechende. Dife wil ich dir alle  
geben/wann du niederfallst vñnd mich anbertest. Hat er  
nun den herren nit hingelassen/ von wem wirt er sollich  
nit begeren heimlich oder offenlich zc.

¶ Die dritt Schlusfred. Samit d teüfel die eer von  
dem menschen widerfar/stelt er sich vnd gibe für/ als müß  
er diß oder ihenes thün/ gehorsam sein zc. So er es doch

freywillig thut/ damit er den menschen betrüg. Dann on  
sunder miracel von gott/ mag in nyemants zwingen od  
nöten. Der erst teyl diser Schlusfred ligt am tag bey der  
nen/ die mit d Schwarzen Kunst oder zauberey vmbgeent  
wölche (als sie vermeyndt) den teüfel bannen/ yetz in ein  
kreiß/ yetz in ein glasz/ da in ein stein/ da in ein fingerring/  
dan in ein kunds nagel ic. vñnd fragent in da verborzne  
ding. Gibt er antwurt als vil er weist oder wil. Der anz  
der teyl. Das er nit müg zwungē werden/ ist clar/ dan wie  
er edel vnd frey geschaffen ist für alle creaturen/ also seind  
im dise gaben (so vil es die natur beriert) nye genommen.  
Es spricht auch Job am xli. Es ist kein gewalt vff erde/  
rich d im müg vergleycht werden. Doch wie da oben ges  
sagt ist/ in mag nyemants zwingē on sunder miracel vō  
gott. Christo vñ seine Aposteln hat er miessen gehorsam  
sein. Matthei am vierden/ am sybenden vñnd am achten.  
Marci am ersten vñnd am dritten ic. Ja vil heiligen bis  
vff den heütigen tag/ haben von wegen ires grossen glau  
bens vnd gütten lebens/ gewalt über die bösen geist. Wie  
dan Christus verheissen hat Marci am xvj. Senen die  
glauben werdent dise zeichen nachuolgen. In meinem na  
men werden sie vfstreyben die bösen geist ic. Aber das sie  
sunst gehorsam seyen von wegen d schwarzen Kunst/ mit  
segen ic. ist nit/ sunder sie thünd es allein darumb/ das inē  
die eer gedeybe/ so dann durch solliche menschen beschicht/  
mit fasten/ almüsen geben/ betten ic. vnd das solliche men  
schen vonn wegen ires mißglaubens inen endtlich zū teyl  
werden. Dise materi erforderte weyter erclerung/ aber als  
vil vns dienet hieher/ ist gnügsam antzeygt.

Die vierd Schlusfred. Der vnglaub vñnd andere  
sünd in got/ bey Heiden vñ Juden/ darzū wie vor gemelt

Job xli.

Mat. iij. vij.  
et viij.  
Mar. j. et ij.

Marci xvj.

Der bds gei/  
ste hat sich in  
die Simula/  
chra od götz/  
en verborzen.

ist/die vnersettig Hoffart des teüfels/ ist ein vsach/ das er  
in die geschmizleten oder gosnen bilder sich kerrüglich ver/  
borzen hat/ vs inen geredt vn̄ antwurt geben. Item wun  
derwerck thon/vnd sollichs noch heüt des tags thüt zc.

**D**iese Schlusfred hat drey teyl. Der erst/d vnghlaub  
vnd andere sünd bey Juden vn̄ Heiden zc. Das aber dis  
ein vsach sey der abgötterey/ bezeügt gott selbs Deutro.  
Deutro. iij. am iij. so er also spricht zü dem volck von Israhel. Hü  
dich das du nit vergessest des gedings des herren deines  
gots/ das er mit dir gemacht hat. Vn̄ du dir nit machest  
ein geschmizlete gleychnüß oder gestalt/ deren die der herz  
verbotten hat zü machen. Dan der herz dein gott ist ein  
verzerends feür vn̄ ein eyffriger gott zc. Darnach tröwet  
er in/ wo sie dz nit haltent/ vn̄ spricht. Der herz wirt eüch  
zerströwen in alle völker/ da werden ir dienē den göttern  
die gemacht seind von der hand der menschen/ holtz vnd  
stein/ die weder sehent noch hörent/ weder essent noch schme  
ckent. Dergleychen tröwung vündt man Deutro. am  
Deut. xvij. Diere. v. xxvij. Darnach Hiere. am v. spricht d̄ herr. Wie ir mich  
verlassen habent/ vn̄ habent gedient einem frembden gott  
in eüwern land/ also müssen ir dienen frembden göttern  
Diere. xvj. in einē landt dz nit eüwer ist. Item am xvj. ca. Siweyl  
ein yeglicher vs eüch nach bosheit seines böse hertze wan  
dert vnd/ mich nit hörent/ so wil ich eüch vstreyben von dē  
verheiffnen land/ in ein land dz weder ir noch eüwere for  
dern kennent/ daselbs werden ir dienen frembden göttern  
die eüch weder tag noch nacht kein rüw werden lassen.

**D**er ander teyl diser Schlusfred/ das die vnersettig  
Hoffart des Teüfels auch ein vsach sey/ ist gnügsam an  
zeygt in d̄ andern vn̄ dritten Schlusfred da oben gehöret.

**D**er dritt teyl/ das hierumb der teüfel in die götzen

sich betrüglich verborzge hab zc. offnet geschriffte gnügsam.  
Dan sie braucht die wort Idola/Simulachra/deos alie  
nos/demonia/on vnd scheidenlich für ein ding in diser ma  
teri/vnd sonderlich so sie anzeygt wie die Juden vnd Hei  
den geopffert haben/spricht sie ein mal. Sie habē geopffert  
den teüfeln zc. Deutro. am xxxij. Sarnach sie habē ge  
opffert ire sün vnd töchtern zc. den geschmizleten gözen  
Chanaan/am cv. Psal. Item j. Paralip. xvj. Verkünden  
die glori gottes vnder den Heiden/vñ seine wunderwerck  
vnder allen völkern. Der hertz ist groß vnd seer lobwirdig  
vñ erschrockenlich über alle götzer. Dan alle götzer  
der völkern seind geschmizlet gözen. Weyer am vierden  
Künigbüch am ersten ca. heist schriffte Beelzebub ein gott  
Accaron. Matthei xij. Luce xj. heist Beelzebub ein Für  
sten der teüfel. Vnd zu beschluß des andern puncten/was  
in disen gözen gesteckt sey/wem sie da dienet/anbietet vñ  
geopffert haben. Sagt mit kurzē wortē Paulus/wie vor  
auch anzogen ist j. Corin. x. so er spricht. Ich sag was die  
Heiden opffern/dz opffern sie den teüfeln zc. Item wer sie  
miteinander seyen/zeygt noch clarer an David am xc.  
Psal. so er spricht. Der hertz ist groß vñ seer lobwirdig/er  
ist erschrockenlich über alle götzer. Wan alle götzer d̄ Hei  
den seind teüfel. Wie die teüfel in den geschmizletē od̄ gos  
sen gözen sich gehalten haben/wer wil mag sehen Hiero  
nymū über den propheten Hieremā am xxxij. Vñ über  
Esaiam am xliij. Item Augustinū de Civitate dei an  
vil orten/vnd in sonderheit am achten vñ zehenden büch.  
Item Lactantium Firmianū de diuinis institutionibus.  
Dan in disen wirt vil anzeygt von der materi.

Deutro. xxxij.

Psal. cv.  
i. para. xvi.

iiij. Reg. I.  
Matth. xij.  
Luce xi.

i. Corin. p.

Psal. xc.

Hiere. xxxij.  
Esaię xliij.  
Aug. de ciuit.  
dei.

Lactantius.

## Der Dritt Punct.

C iij

Es was vrsach die bildt von der kirchen seyen zuge lassen vnd vff gesetzt.



Wen die bildt der Christen anzeigen.

Jeweyl in den zweyen ersten puncten gnügsam antzeygt ist der götzen oder bilder halb/wo für die bey heiden vnd Juden gehalten vnnnd vereret seyent worden/vnnnd was in inen verborzen sey gewesen. Wöllē wir in diesem dritten puncten besehen/vß was bewegē nüss oder vrsach vnser mütter die heilig kirch hab zügelassen vnd geordnet/das man müg vnd sol offenlich vnnnd heimlich/in kirchen/heüßern/vff den strassen vnnnd allenthalb/bildnüssen/figuren oder gestalten (wie die mügen genent werden)vffrichten vnd haben. Zum ersten die bildt nüss vnser ersölers Christi Jesu/in aller maß vñ gestaltet/wie die Ewangelia vnd ander heilig geschriffte von seiner menschwerdung/vnd von allem dē/so er in menschlicher natur gewürckt hat/oder würcken wirt am Jüngsten gericht/antzeyget. Zum andern/die bildnüss seiner für vßer welten gekenedeyten mütter/der hochgelobte künigin der reinen junckfrawen Marie/vñ dasselbig auch wie die geschriffte von ir sagt. Zum dritten/die bildnüss der lieben Aposteln vnd Jungern Christi/durch wölche das heilig Ewangeliū am ersten geprediget vnd pflanzt ist durch die ganzen welt. Zum vierden/die bildnüssen der heiligen Marterer/die durch ir sterben vñ blütnergiessen dem Ewangelio vnd lebendige wort Christi zeügnüss haben geben. Zum fünfften/die bildnüssen der heiligen Beyrtiger/vnd deren aller die gemeynlich von d̄ Christenliche kirchen seind angenömen/vnd von ir vereret worden.

Disen dritten puncten wöllen wir verantwurten mit vier herzlichē Zeügen. Seshalb sie billich von allen Christen sollen angenommen werden/vnd wiewol sie all

vier vast vff gleyche meynung schreyben (vß was vrsach die heilig kirch die bild hab zügelassen vnd vffgesetzt) wöllen wir doch eins reglichen vrsach setzen/ vnd damit den dritten puncten beschliessen.

Der erst Zeig ist der heilig Augustinus (am andern büch vß heimsüchung der krancken/ mer dan vor tausent jar geschriben.) Vnd vnder andern so er antzeygt wie vnd was ein sterbender mensch sol glauben/ schreybt er im dritten capitel also. Wiewol dise ding gnügsam seind zü der seligkeit/ seind doch nicht destminder etliche vßwendige zeichen/ wölche erwan die so sunst treg vnnnd langsam seind zü glauben/ bewegen oder fronwech machen/ ja innwendig zü einem hertzlichen andacht bringent vnd reizent. Dise vßwendige zeichen/ wil vnnnd begert die Christenlich kirch im brauch gehalten werden. Sefz gleychen wo die an einē sterbenden menschen erfüllt werden/ fröwent sich die so auß freundschaft solliche heimsüchen. Dise zeichen lieber sun solt nit verachten od versaumē/ dan sie werden dir fruchtbar sein/ vnd deinē freunden tröstlich. Also haben die Christen vnder andern das erwidig zeichen des Creützes/ wölches sie auch der bedeutung nach ein Creütz nennent/ vnd wir müssen bekennen/ das es aller eren widig sey/ vñ wir vereren es zü einer gedechtnüß vnnsers gecreützigten. Es wirt gewonlich vff ein sollich Crucifix gemacht die bildt nüss des der daran gelitten hat/ durch wölche vns teglich erneüwert vnd widerumb in gedechtnüß bracht wirt das leyden Jesu. Dise zeichē solt du demüttiglich vmbfahē/ vndertheniglich vereren/ doch allweg darbey gedencen/ das das bild nit gott oder mensch sey. Aber der den die figur oder das bild antzeygt ic. Vnd sprich darnach. O gürtiger Jesu/ der von meinen wegen also hangendt gelitten

Aug. de vitæ  
ratōe infirmo  
rum. c. 14.

Das zeichen  
des creützes  
bey den Chri  
ste in grossen  
eren gehalten

was man sol  
betten vor de  
Crucifix.

Aug. de doct.  
cvi. lib. iii.

Die bild hād  
von den Apo  
stelen her ge  
wert.

Damascenus  
lib. iij. c. xvij.  
de orthodosa  
fide.

Ein Ursach  
warū die bil  
der im altē te  
stament nit sey  
en zūgelassen  
od im brauch  
sien gewesen.

Im nit wē te/  
stament haben  
die bilder an/  
gefangen.

Ursach d bil  
der.

hast/wölfest dich mein erbarmen/ vñ d du vō meinen we  
gen ja allein darūß gestorben bist/ verleych mir d; ich der  
welt absterb vñnd dir leb/ O güttiger Jesu. Am dritten  
büch de doctrina Christiana schrybt diser lerer/ d; die bild  
vō d zejt d Aposteln her geweret habē/mag besche werde.

Der ander Zeig ist der würdig lerer Damascenus  
wölcher in Neinhundert jaren nit gelebt hat. Diser bewe  
ret Friechisch lerer im vierden büch so er geschriben hat vō  
dem Chriustenlichen glauben am xvij. cap. sagt vnder an  
dern also. Wer ist/ der do müg anzeygung thun od bildē  
nüss machen des vn sichtbarlichen/ vnleyplichē/ vn begrif  
fenlichen vñ vnfigürlichen gots. Darumb ist es ein thors  
heit vñ schwere entunrung/ wöllen figurieren oder bilden  
die gottheit/ deshalb auch der brauch der bildnüssen im  
alten Testament nit gemeyn ist gewesen. Aber nach dem  
vnd gott durch die glider seiner barmhertzigkeit in d wars  
heit ist mensch worden vō wegen vnser heils/ ist er nit als  
lein erschinen in d gestalt eins menschē wie Abrahē. Auch  
nit wie den Propheten. Aber nach der substanz ist er war  
lich mensch worden/ ist gewandert vff erdtrich/ hat gewont  
bey den menschen/ hat wunderwerck thon/ er hat gelitten/  
er ist creüziget worden/ begraben/ vfferstanden/ vnd gen hy  
mel gefaren. Vnd dise ding allesampt/ seind in der wars  
heit geschehen/ vnd von menschen gesehen worden/ vñnd  
seind vns zū einer gedechtnüss vñ lere beschriben. Sieweil  
wir nit gegenwürtig waren/ vnd die ding nit haben gese  
hen/ so wir sie nun hörten vnd glaubten/ das wir dan er  
langten die seligkeit gottes. Sieweyl aber nit alle men  
schen die geschufft wissent oder künden/ auch dem lesen nit  
yederman obligt/ so haben vnnsere vetter dise ding durch  
die bildnüssen anzūzeygen bewilligt/ wie man erwan ans

der triumph oder syg machen laßt/ vnd das zu einer berei-  
ten gedechtniß. Dan wie oft geschicht es/ d; wir vs far-  
lessigkeit nit gedechte an das leyden Christi. So wir aber  
sehen die bildniß des selbigen/ kömen wir als bald in die  
gedechtniß des leydens vnser heilmachers/ vnnnd fallen  
dann daselbs nider betten es an. Nit die materi/ holz oder  
stein zc. Aber wir betten den an/ d durch dise bildniß vns  
verzeichnet vnd bedüt wirt. Dann wie wir nit anbetten  
die materi/ von wölcher das Ewangeliu geschriben ist/  
also betten wir auch nit an das materlich bild oder Crucif-  
ix/ sunder allein das/ das durch die gestalt vnd figur des  
Crucifix anzeigt wirt. Dan was vnterscheids hat das  
Crucifix vō der materi daruß es gemacht ist/ wan es die  
bedütug Christi nit hat. In aller gestalt sol auch verstan-  
den werden von der bildniß der mütter gottes/ dann die  
eer die man ir anhöht/ zeücht sich alle miteinander in den/  
der vs ir mensch worden ist. Also auch bereiten vnns die  
Dapffern Christlichen werck der heilige/ zu stercke/ zu lies-  
ke/ zu nachuolgunng irer tugent/ vnnnd zu der glori gottes.  
Vnd wie wir im nechsten capitel gesagt habn/ das die eer  
so erbotten wirt den senfftmüttigen danckbare mitknech-  
ten den lieben heiligen ein anzeigen in vns ist der liebe vñ  
danckbarkeit gegen dem heren vnser aller. Also die eer  
des bils wirt gewendt in den/ d durchs bild bedüt wirt/  
in den rechten bildner/ in die warheit des bils. Dis sind  
die wort Damasceni auß dem latin verteütscht. Hie ist  
vnder andern ein vsach angezeigt/ warumb die bilder im  
alten Testament nit/ oder im gemeyn brauch seyen gewes-  
sen. Der würdig lerer Beda zeygt ein and vsach an/ war-  
umb die bilder im alten testament den Juden so hart ver-  
botten seind gewesen/ vnd spricht. Gott der herr (nach un-  
d

wir bette die  
bildcr nit an.

Die eer vor-  
den bildn zeit  
cht sich alle in  
gott.

D

halt der geschriffte) hat erkent/dz die Juden vñ bösem wil-  
len vnd verkerter natur gantz geneygt waren zu der ab-  
götterey vnd anbetung der Heidischen götzen/ darumb  
hat er sie inen verbotten. Aber yetzund im gefatz der gnas-  
den/ist die gefarlichkeit nit mer da/dañ wir wissent alle dz  
die bilder allein ein anzeygung vnd ermanung seind/des  
den wir da vererent.

**Sexta synod<sup>o</sup>** Der dritt Zeltz ist die Sechst gemeyn versamlung  
zu Constantinopel/als man zalt nach der geburt Christi  
ongefarlich sybenhundert jar/entstünd ein irthumb in der  
Frieichischen kirchen. Etlich waren die meynten es wer in  
Christo nit mer dann ein will vnd ein würckung. Dem  
zu beegne verschafftē Agatho dartzūmal bapst zu Rom  
vnd der keyser Constantinus des namens der fünfft/ das  
ein gemeyn Conclium gen Constantinopel berufft ward  
vnd kamen zusamen Zweyhundert vñ lxxxix. Bischoff/  
durch wölche in keysein des keyser/ dise meynüg ( vñ der  
schriffte) irrig vnd ketzerisch verdampft vnd verrufft wurde  
wie dan heit des tags Monotholite (also wurden sie ges-  
nennet) für ketzer vonn der kirchen geachtet werden. So  
nun in dem selbigen Conclio von etlichen gefragt ward  
warumb doch die bilder in d kirchen weren/ oder wie man  
sie solt halten. Gaben die veter einhelliglich die antwort  
so wir noch für ein Secret vnd sarzung haben. De cōse.  
**De cōse. dist. iij. c. Venerabiles.** Vnd sagten also. Sie erwidigen  
Bildnüssen nennent die Christen nit götter/ sie dienen inē  
nit wie den göttern. Sie setzent kein hoffnüg des heils in  
sie. Sie wartent auch nit vonn inen das künfftig vrtel.  
Aber sie vererent sie von wegen der gedechtniß derē ding  
die erwan durch die heiligen geschehen seind/ doch dienen  
sie weder inē noch keiner creatur mit götlicher eer erbietüg.

De cōse. dist.  
iij. c. Venera-  
biles.

Dise satzung bestertiget Adrianus der erst des namens  
in C. Sextam de conse. distinc. iij.

Der vierd Zeüg ist S. Gregorius der groß fürtrif-  
fenlich leter. Diser Gregorius vernam wie Serenus der  
Bischoff zu Massilia die bildnüffen der heiligen het zers-  
brochen vnd zerschlagen allenthalb in den kirchen. Hier-  
umb schrib er im vnder andern wie hernach volget. Vnns  
ist fürbracht worden/wie du auß vnbescheidner liebe ent-  
zündt/zebrochen vnuud zerschlagen habest die bildnüffen  
der heiligen. Mit der entschuldigung man sol sie nit an-  
betten. Das du verbotten hast man sol die bilder nit an-  
betten/loben wir dich/das du sie aber zerschlagen hast/bist  
du straffwirdig. Sag an brüder/ von wölchē priester hast  
du ye ein solliches gehört/wie du gethon hast. Wann dich  
nichts anders/solt dich doch das allein dauß zogen hon/  
das man nit het mügen sagen oder gedencen/ du hieltest  
dich allein für heilig/allein für weyß oder geleert/ vnd ver-  
achttest deine mitbrüder. Es ist ein anders dz gemeldt an-  
betten. Ein anders ist es durch die geschicht des gemeldts  
lernen vnd erfahren/was man sol anbetten. Dan wartzu  
die geschriff nütz ist denen die sie lesent/dartzu dienet den  
vngelereten das gemeldt/so sie es anschowēt. Im gemeldt  
sehent die vnwissenden/wem sie sollen nachuolgen. Am  
gemeldt lesent die so geschriff nit verstondt vnd wissent.  
Vnuud in sunnderheit ist das gemeldt den Heiden für ein  
letzgen vnd geschriff. Hierumb von dir (dieweyl du vn-  
der den heiden wonest) dise handlūg größlich solt betrachte  
sein worden/damit nit (so du vs rechter/aber vnbescheid-  
ner liebe verbrentest die bilder) ergerniß geberest in den vn-  
gezempten hertzen der Heiden. Das hat ye nit sollen zer-  
brochen werden/das nit von anbettens wegen/sunnder zu

S. Gregor.

Die sehen die  
zu so wid ge/  
meyn ordnūg  
d kirchē neu/  
werūg vnder  
stond zu ma/  
chen.

Die bild sind  
d leyen schriff

Die bild sind  
nit on merck/  
lich vsach zū  
gelassen.

Beseiden/  
heit ist in alle  
dingen not.

Das ampt el-  
nes treuwen  
huten.

Eren oder vnderrichten die vnwissenden vñ vngelereten in  
die kirchen verordnet ist. Sieweyl nun vnser altfordern  
nit on vsach zūgelassen haben/in die cerwirdigen stett od  
kirchen zū malen die geschichten der heiligen. Hettest du  
dan die liebe vermüschet mit bescheidenheit/so möchtest du  
heilsamlich erobert haben dein sūnemen/vnd wer durch  
dich nit zerströwet die herd key einander versamlet. Sun-  
der hettest vil mer die zerströwten scheslin widerumb mü-  
gen zūsamen bringen. Also das übertrossen het der vnbe-  
fleckt nam des hütens/vnnd nit vff dir were gelegen die  
schuld des zerströwers. Sieweyl du aber vast vnbeschei-  
denlich mit der that volstreckt hast die bewegniß deines  
gemüts/so vernym ich die deinen also verergeret sein/das  
sich der mererteyl entzogen hab von deiner gemeynsame.  
Wan wilt du also die irreden scheslin treybe in den schaff-  
stal des herren/so du die deinē nicht magst beware. Dar-  
umb vermanen wir dich du wöllest abston von der ver-  
messheit/vnd dich fleysen die so sich vō dir geteylt ha-  
ben/durch vetterliche senfftmütigkeit mit allem ernst wi-  
derumb zū dir zeziehen. Veruff widerumb die zerströwten  
sūn der kirchen/vnd zeyg inen an vs der geschriffte/dz sich  
nit zymme antzbetten das/so gemacht ist vō den hendern  
der menschen. Dann es stat geschriben. Den herren deins  
gott solt du anbetten/vnd dem allein dienen. Darnach  
ertzel inen/wie die bilder vnd das gemeldt zū nutz vñ güte-  
rem dem gemeynen einfeltigen menschen zūgelassen vnd  
geordnet seyen/damit vnnd die so geschriffte nit wissent/  
durch die bilder vnd das gemeldt mügen erkunden vnnd  
erlernen/was durch die heiligen geschehen sey/vnnd dem  
selbigen auch nachfolgen. Sieweyl du aber gesehen hat-  
test/das sie die bildtnüssen haben mißbraucht/die anbet-

tet zc. sehest du bewegt worden die bilder zu zerbrochen vñ  
abzürhün. Daber sag inen auch/wöllten sie die bilder hal-  
ten in der meynung wie sie von den alten angesehen seyn  
ent (das ist zu einer gedechtnuß der geschehen ding) zu vn-  
derwerfung dem einfeltigen) wölltest du sie gern zulassen.  
Zum ersten zeyg inen an/das dir nye mißfallen hab/wie  
sie die geschichten der heiligen/durch gemeldt od bilder her-  
ten erlernet/aber die vnzymlich anbetung hab dich geuro-  
sacht die bilder hinweg zürhün. Mit sollichen worten er-  
weich ire hertzen/vñ beruff sie widerumb zu einigkeit. Vnd  
wil yemants bilder mache/so verbeüt es nit/aber die bilder  
anbetten wör mit allem fleiß. Siß ist die meynung des  
heiligen Gregorij/vß dem latin zogen.

¶ Durch die vier Zeüigen erlernen wir gründlich/vß  
was ursach die bilder der heiligen von der Christenlichen  
Kirchen angesehen/zugelassen vñ vffgesetzt seind. Auch  
was nutz vñ frucht vns durch die anschouung der bild-  
er entstat. Zum ersten. Die bilder d heiligen erinnerent  
vnd ermanent vns/wie die lieben heiligen hie gelebt/was  
sie vmb gottes willen gelitten habñ zc. Das wir alsd an  
inen nachuolgē/wie sie Christo nachgenolgt habent. Der  
gestalt ermanet vns Paulus in der ersten Epistel zu den  
Corinthern am vierden vnd eylffte ca. so er spricht. Seind  
meine nachuolger/wie ich ein nachuolger bin Christi.

Zum andern/durch anschouung der bilder werden wir  
zum offtern mal zu andacht gereizt/dan dardurch lernē  
wir erkennen/wie wunderbarlich vñ wie gnadenreich gott  
ist/wölcher in seinen heiligen so grosse ding gewürckt hat.  
Zum drittē. Es wirt auch der glaub in vns dardurch  
gemert/so wir glauben was gott in seinē heiligē retz schon  
erfült hab/werd in künfftigem an vns auch erfüllt.

S iij

Bilder sollen  
nit verboten  
werden.

1 Corin. 2. 11

Zum vierden. Wir werden durch anschowung der bil-  
der übersich geführt in die hymel/ in dem so wir die vnzer-  
genglichen freud vnd glori betrachten/ darinn die lieben  
heiligen yetz seind. Zum fünfften. Die bilder der heilige  
engünzen vns zu der liebe gottes vnnnd seiner heiligen/so  
wir betrachten die vngemesinen liebe gottes gegen seinen  
heiligen/vnnnd herwiderumb der heiligen gegen gott.

Jacobi v.

Zum sechsten. Sie stercken vns in vnserm leyden vnd  
widerwertigkeit/so wir durch die bildniß Christi vnd sei-  
ner heiligen erinnert werden was sie gelitten habenn. Also  
helt vns für der heilig Jacobus die gedultigkeit Job vnd  
den todte Christi/so er spricht. Ir habenn gehört die gedult  
Job/vnd das end des herren haben ir gesehen. Es ist of-  
fensbar das wir durch die bildniß Christi oder seiner hei-  
ligen/mer vnd tieffer erinnert werden/irer werck vnnnd ired  
leydens/ dan durch die geschriffte. Zum sybendē/ wir wer-  
den gereizt zu verachtüg der welt vñ aller irdischen ding/  
so wir gedencen das allein die yetzundt triumphieren im  
hymel vñ vereret werden vff erdrich/wölche in irem leben  
alle zeyliche freud veracht haben/dartzu ir Creütz vff sich  
genömen vñ dem herren nachgeuolget. Vnd damit wöl-  
len wir disen drittē puncten auch verantwurt haben/war-  
umb die heilig kirch zügelassen vnnnd geordnet hab bildre  
nüßen vnd gemeldt in den kirchen 2c. zü haben.

### Der Vierd Punct.

wie lang die  
bildnißen in  
der kirchē ge-  
weret haben.

**W**ie ist nit zweyfel wer diser vierer zeygē wort vnd  
vrsachen recht vnnnd Christenlich ermist/vindt er  
gnügsamen Bericht warumb die bilder der heilige  
zügelassen vnnnd geordnet seyen von der heiligen kirchen/  
vnd das diß ansehung vnd satzung Christenlich vñ göte

lich sey/ auch dem gemeynen mensche ein grosse fürdeniß  
zu erkantniß deren ding die Christus in menschlicher na-  
tur von vnserer wegen/ vnnnd darnach die lieben heiligen  
von Christi wegen gewürckt vnnnd gelitten haben/ durch  
wölche dan weyter der gemeyn mensch bewegt wirt zu  
liebe vnd glori gottes vnd zu yebung der tugent. Dann  
alle erfarniß gibt zu/ das die so etwas lernen wölten/ an-  
fengtlich durch schlechte grobe vffwendige ding anbracht  
vnd geletet werden/ so lang biß sie die hohen vnd subtylen  
ergreyffen mügen vnnnd zu dem rechten end kömen. Also  
schreybt Paulus zu den Corinthern in der ersten Epistel  
am iij. ca. Zu den Hebreern am v. Vnd Origenes super  
Mat. ca. xxviij. xxxij. xxxij. Homel. xxiiij. Nun volgt her-  
nach der vierd punct wie lang die bilder in der kirchen ge-  
weret haben. Vff dise frag wölten wir wie in der nechsten  
antzeygen/ was etliche heilige lerer vnd geschicht schreyber  
darnon sagen. Eusebius Pamphili ein treffenlicher war-  
haffter geschicht schreyber/ wölcher in eylffhundert jaren nit  
gelebt hat/ schreybt an dem viij. büch genant Ecclesiastica  
historia/ das die fraw (von der die Ewägelia sagen/ wie  
sie zwölff jar mit weypllicher franckheit beladen/ von dem  
herren gesunderheit erlangt habe/ da sie im den som seines  
cleids anrühret) sey gewesen vß der statt Cesarea Philippi/  
sunst Paneada genennt) vor dem hauß darinn die fraw  
erwan gewonet hat (schreybt Eusebius) ist zügerüst ein er-  
hebter grundt oder fundament/ auff wölchem zwey drine  
gofne bilder stond/ das ein wie ein fraw die knüwend mit  
vffgehebeten henden kettet. Das ander wie ein mann der  
dise fraw darstreckt die gerechte hand zc. Wölches bild  
gemacht sol sein nach der gestalt des herren Jesu/ ist belis-  
sen biß zu vnsern zeytē/ wie wir es dan selbs gesehe habē.

Eusebi<sup>us</sup> Pam-  
phili. lib. vii.  
Ecclesiastice  
historie. c. xiiij

Matheus ij.  
Lucas iij.  
Marcus v.

Vnd nit zu verwündern ob die/so vß den Heiden zu dem  
glauben seind kōmen/von wegen der gürt hat/die sie von  
vnserm heilmacher empfangē haben/ein solliche vererüg  
dem herre haben angethon. So wir auch bey vnsern zeyt  
ten sehen bildnüssen vnd gemeldt/mit allein vnfers erlö  
fers/sunder auch der zweyer zwölffboten Petri vñ Pauli.  
Sis seind die wort Eusebij (doch etwas ynzogē) vß wöl  
chen wir wol mügen nemen/ das vnserm herren Christo  
Jesu/bildnüssen vffgericht seind worden/die weyl er noch  
gelebt hat/od bald nach seiner vstēde. Siser lerer schreybt  
auch am x. büch Ecclesiastice historie/am vij. vñ viij. ca.  
mit was ernst vnd andacht durch die keiserin Helenam  
ein mütter des grossen keisers Constātin/dz Creütz Chri  
sti gesücht vnd erfunden. Mit was lobes vñnd eren es er  
höcht vñ gehalten sey worden. Item was grosser wunder  
werck gott der herz durch das materlich Creütz daselbs  
gewürckt hab. Wer wil mag die Histori kesehen.

Idem lib. p. c.  
vij. et vij.

Arhanasius  
in Exhortatō.  
ad monachos

Sarnach Arhanasius nit minder ein hochgeachter  
lerer/mit Eusebio gleychs alters/schreybt ein schöns büch  
lin/in latin Exhortatio ad monachos/von einē bild das  
Nicodemus (wölcher in der nacht zu dem herren Jesu ka  
me/wie Johānes am dritten anzeygt) sol gemacht haben  
nach aller gestalt vnd bildnüs/wie der herz Jesus ist ge  
wesen. Sif bild ist ein zeytlang zu Hierusalē in grossen  
eren gehalten worden vō etlichen andechtigen/ als Gama  
liele/Jacobo/Simeone/Sacheo vnd andern. Aber ee vnd  
die statt Hierusalem vō Tito vnd Vespasiano Belegert  
ward/offnet gott (wie Josephus/ Eusebius/ Arhanasius  
vñ ander schreyben) den andechtigen frōmen Christen da  
selbs wonende/sie solten hinweg ziehen/vnd vnder andern  
gots zierden/sürten sie das vorgemelt bild auch mit inen

in Syriam/in ein statt gelegen zwischen Tiro vnd Sidone/genant Berythus/dasselbs in nachgeender zeit gott der herz vil vnd grosse wunderwerck gewürckt hat durch das bild/dan ein grosse menge volcks der Juden/wurden bekört zu Christenlichem glauben/wie die histori anzeygt/zü lang hie zemelden.

**D**amasceus in de vorgeanten büch/wie im dritten puncten gehört ist/zeygt an wie er geschriben sind/das der künig Abagarus (vö dem Eusebius am ersten büch Ecclesiastice historie auch meldung thut) habe gesant ein Maler zü dem herren Jesu in ab zü malen. Aber von wegen des götlichen glantz/der vß seinem angesicht hab geschinen/sey dem Maler das vnmüglich gewesen. Doch so hab d herz Jesus angesehen den andacht des künigs/vnd ein tüch genommen/das getruckt an sein angesicht/vnnd die bildnüß in das tüch empfangen/dem künig Abagaro zü einer ergetzung geschickt. Wie das gebildet tüch so wir nenen Veronica gen Rom sey kömen durch Tiberium/oder in was eer sie vil hundert jar gehalten sey/ist mengtlichem wissend. Wöllent auch hie nit verfechten/ob Lucas der Ewangelist (wie etlich historien sagen/vñ noch zü vnsern zeiten an etlichen orten anzeygt wirt) die bildnüß vnnsers herren vnd seiner heiligen gebererin Marie/vff tefelin hab gemalt oder nit.

**E**s ist aber offembar das die bild vor achthundert jarn in Latinischer vñ Friechischer kirchen in gemeynem bruch sind gewesen/vñ des geben gnügsam kundtschafft die nachbestympten Concilia oder versamlungen.

**D**ie erst versamlung ward gehalten zü Constanti nopel vnder Constantino dem keyser de fünfften des namens vnd dem bapst Agathone/mer dan vor achthun-

Damasceus  
lib. iij. de or-  
thodora fide.  
c. xvij.

Veronica  
zü Rom.

Die bildnüß  
Christi vnnd  
Marie/ von  
sant Luz ge-  
malt.

Die erst ver-  
samlung d bil-  
der halb.

¶

vert jaren/wie das antzergt ist im dritten puncten.

Die and ver-  
samlung.  
Platina est  
author.

Die ander versammlung ward gehalten zu Rom vnder dem bapst Constantino dem erste des namens. Der Keyser Philippus ließ in schmachweyß zu Constantino pel in der kirchen (geweycht in der eer der höchsten ewigen weyßheit) (sunst templum Sophie) hinweg thun vnd abschaben alle bildnüssen der heiligen ic. Deshalb Constantinus zu Rom ein versammlung von vil Bischoffen ließ halten/ward da einhelliglich beschlossen/wie auch in de nechst gehörten Concilio/dz die bild der heiligen solte zügelassen vnd gehalten werden/vnd der Keyser seins freuels halb/auch das er nit wolt abston von der irthumb/ward verbanner vnd für ein ketzer erkent. Dis ist geschehen do man vngesfarlich zalt nach Christi geburt/Syben hundert vnd Dreyzehen jar.

Vnlang darnach do man zalt dcc. vñ xxj. jar ward zu Keyser erwelt Leo der dritt des namens/ ein grymmer durchechter vnnnd betrüber Christenlicher einigkeit. Sifer ließ ein offen Edict vsigon/das alle die so de Römisch reych vnderworffen weren/solten die bilder der heiligen hinweg thun/ja auch das gemeldt von den wenden abschaben/vnd das (also gab er es in einem günnen schein für) zu vermeyden die abgötterey. Wölcher aber disem edict vnd gebott nit gehorsam erfunden würd/den wölte er haben für ein offentlichen feyndt. Sifem vnechristenlichen gebott was Gregorius der ander des namens/ dazumal bapst nit allein nit gehorsam/sunnder hielt ein versammlung zu Rom der bilder halb/erneuwert vnd bestetiget das Secret seiner vorfare. Er mant auch alle Christe/dz sie keins wegs in disen irthumb wölten bewilligen. Darneben schrib er zum offtern mal dem Keyser/ er manet in er wölte von

Die dritt ver-  
samlung.

r  
b  
r

den irtthumben mit wölchen er beffast wer abston/ vund  
widerumb kōren zū Chriſtenlicher einigkeit. Vnd in ſun-  
derheit hat Gregorius den Keyſer/er wölte die bilder d̄ heil-  
ligen (durch wölcher gerechtneiß vnd vorbild die menſche  
gereizt würden zū nachuolgunꝝ irer tugēt) laſſen keycken  
Aber darab beffert ſich der Keyſer ganz nichts/ ſunnder er  
gebodt vff ein neuwes im alle bilder ( ſie weren hölzlin/ ſtein  
nir oder örin) zū überantwurtten/ vñ als bald ließ er ſie ver-  
brennen. Etlich vñ denen die diſem mādat nit gehorſam  
wolten ſein/ließ er enthauptē/ etlich in dz ekkend verſchickē  
wie wir nun ſehē/ es mag leycheleich ein irtthumb ein wenig  
ynwurtzle/ er wirt als bald nit vñgereütet/ also beſchach in  
diſem auch. Dan von der zeyt Philippi vnd Leonis der  
Keyſer/ biß auff künig Carle/ den wir nennen den groſſen  
(key den hundert jaren) hat diſe irtthumb geweret/ wie wir  
vñ den Historien hören wölken. Vnder Gregorio dē drit-  
ten des namens/ ward auch ein verſammlung gehalten zū  
Rom/ vnd vff die vorgend Sinodos beſchloſſen/ die bil-  
der nit abzūthū. Seß gleychen dieweyl der keyſer Leo vñ  
ſeiner irtthumb nit wolt abston/ ward er verbannt/ vnd als  
ein abgeſchnittens glied erkennt/ ſtarb bald. Darnach ſein  
ſun Conſtātinus der ſechſt des namens/ gieng in die füß-  
ſtapffen ſeins vatters/ bracht zūwegen ccc. vnd xxx. Bi-  
ſchoff die er wiſte im gleych vnd völgig ſein/ beſchloß mit  
inen/ das die bildneißſen allenthalb vñ den kirchen ſoltē  
gethon werden/ wie dan das als bald darnach vñ gebodt  
des Keyſers an vil ortē mit gröſſem freuel beſchach. Paul-  
lus der erſt des namens d̄ zeyt Papſt zū Rom/ ſchrib im  
gen Conſtantinopel/ er ſolte die bilder widerumb in die kir-  
chen thū/ es halff nit. Darnach Srephanus d̄ dritt des  
namens/ nach Paulo erwelter Papſt/ hielt ein groſſe ver-

Die viert ver-  
ſammlung.

Die fünft ver-  
ſammlung.

Die Sechst  
verfammlung.

sammlung zu Rom von wegen der bild. In diesem Concilio ward verworffen die versammlung so der Keyser Constantinus het gehalten/ vnd einhelliglich erkent/ das der Keyser mit sampt den Bischoffen in diser versammlung geirt hetten/ vnd übel gehandelt/ dz auch die bilder so freuendlich vß den kirchen entwert werent/ widerumb solten vffgericht werden. Aber dis alles verachtet Constantinus/ vñ verharret in seinem irthumb bis an das end/ starb effentlich. Leo der vierd des namens/ des ytzgemelten Constantini sun/ empfieng das Keyserthumb/ vergleychet sich vast seinem vatter in wercken/ starb aber bald. Hircne ein weyse geistliche fraw/ des Leonis verlassner celicher gemahel/ mit sampt ihm sun Constantino de sybenden des namens/ regiert darnach das Keyserthumb/ vnd im anfang ired regiments/ ließ sie dem Christenlichen glauben zu güte ein Concilium halten zu Nicea/ von Dreihundert vñnd Fünffzig Bischoffen. In wölcher versammlung nach ernstlicher handlung ob die bildnüssen (von etlichen vorhüt verworffen) solten widerumb zügelassen werden oder nit. Ward einmüttig beschlossen vnd verordnet/ die bildnüssen der heiligen solten gleych wie in der Römischen kirchen zügelassen vñnd gehalten werden. Samit aber das gantz kein argwou der abgötterey da were/ vnd ein yeder wiste wie vñnd warumb die bild von der kirchen weren zügelassen/ gaben sie das züerkennen in zweyen versen/ wölche im latin also lauten. Nam deus est/ quod imago docet: sed non deus ipsa. Hanc videas: sed mente colas: quod cernis in ipsa. Wölches im teütsch so vil ist. Das bild bedüt gott vnsern herren/ den sol man in seinen heiligen eren. Nit das das bild gott selber sey/ nun das man gottes gedent darbey. Doch nach disen versamlungen

allen mocht der irtthumb nit ganz vſgerelit werden in 8  
Kriechiſchen Kirchen/weret für vnd für vnder vier Keyſern  
als Nicephoro/Stauratio/Michaele/vnd Leone Arme-  
nico/wiewol nit als grym als am erſten. Am leſten zu  
den zeytē des groſſen Königs Caroli/ward diſer irtthumb  
auch in Teütiſchen landen geſect vnnnd vſgeſpreit/durch  
ein der ſich Felice nennet/daher dann diſer irtthumb noch  
heüt des tags in der Kirchen den namen hat/heresis Felis-  
ciana. Aber der Chriſtenlich König Carolus/mit bewillig-  
ung Adriani des Papſts des erſten diſs namens/ver-  
ſchafft als bald ein Conciliū gehalten werden zu Franck-  
fort an dem Rheyn/dahin kamen alle Biſchoff des gan-  
zen Reichs/auch zwen Biſchoff Theophilactus vnnnd  
Stephanus von Adriano/als Statthalter vnd Presi-  
denten des Conciliums. In diſer verſammlung in Keyſer-  
des Keyſers/ward die offtgemele vor verdampft irtthumb  
zu dem leſtē mal verworffen/darüber ein büch gemacht/  
in dem ſich alle Biſchoff vnderſchrieben. Vnnnd diſs iſt ge-  
ſchehen do man zalt Sybenhundert vnd Vierundneins-  
zig jar. Seyderher (biß yetz in das vierd jar vergangen)  
hat ſich nyemāts in der Latiniſchen Kirchen offenlich vns-  
derſtanden diſe Keyzerrey widerumb zu erwecken. Vff diſen  
vierden puncten ſeind darüb ſo vil hiſtorien oder geſchich-  
ten dartzon/darmit offembar werd/den brauch mit den  
bildern nit neuw ſein/ſünnder geweret von den Apoſteln  
vnd anfang der Kirchen her/biſ vff vnſer zeyt. Auch das  
diſe irtthumb/die bilder abzerhün/vor oft vnderſtāden vñ  
vff der ban gewesen/aber nye erobert ſey.

Die ſybet ver-  
ſammlung.

## Der Fünfft Punct.

℞ iij

was vnder/  
scheidet syge  
zwischen den  
götzen der hei-  
den vnd juden  
gegen vnsern  
bildern.



Den zweyen ersten puncten ist gnügsam anzeygt wie vnd wofür Heiden vnd Juden ire geschmizlete götzen gehalten vnd vereret haben. Darnach in den andern zweyen wie lang vnd vß was vrsach die bild der heiligen in der kirchen geweret vnd zugelassen

seind. In diesem fünfften puncten wölten wir sehen was grossen vnterscheidt sey zwischen vnsern vnd iren bildern müssen der bedeutung halb. Die götzen der Heiden seind gewesen in zweyerley gestalt. Etlich in menschlicher/ etlich in gestalt d' thier. Wie Paulus clar anzeygt zu den Römern am ersten ca. so er spricht. Sie haben die glori vnd eer des vnzerstörlichen gots veraberwandert in die gleichniß oder gestalt eines zerstörlichen menschen/ vnd der vögel/ vnd d' vierfüßigē vñ kriechenden thier etc. Der menschliche bild halb/ was Saturnus/ Jupiter/ Appollo/ Mars/ Mercurius/ Hercules/ Venus/ Lupa/ flora/ vnd d' gleichen/ die ein vnuerschempt schentlich sündig leben haben geführt/ dieweyl sie menschen waren vff erdrich/ zeygēt alle geschicht schreyker Christen vñ Heiden offentlich an. Solliche menschen nach irem absterben haben die Heiden für ire götter vffgeworffen/ deren bildniß vffgericht/ sie ankerret/ vnd in mancherley weg vereret. Vnd ob sie schon die allein für bilder hette gehebt (als nit ist) was nutz oder frucht hat der mensch mügen empfaben/ so er sie angesehen hat/ wartzu hat er müge erinnert werde. Was hat er mügen lernen/ dan vnuerschampte (ja vngenant) vnkeuschheit/ mordschleg/ mördercy/ diebstal/ rauberey/ vnd der gleichē schwere hauptlaster/ mit wölchen sie offentlich besleckt sind gewesen in irem leben. Darnach so haben sie inen lassen

wer die götter  
d' beide seyen  
gewesen/ vnd  
nachgendigs  
der juden.

wem sy habē  
bildern auffge-  
richtet.

schnitzlen/gestalten vnd gleychnüssen allerley thier/die für  
ire götter vffgeworffen vnnnd vereret/ja es ist kein thier so  
vngestalt/grausam oder abscheylig gewesen/es hat sein  
man funden (wie im spruchwort ist) der es für sein gott vff  
geworffen hat/ sein bildnüss vereret vnnnd anbettet. Sie  
seind zu letzt kömen zu sollicher blindheit vnnnd thörheit/  
das der zwibel vnd knobloch im erdrich/der stern am hy  
mel/vnd anders das on verletzung der keuschen oren nit  
zu nennen ist/hat müssen ein gott werden. Wie der heilig  
Augustinus de Civitate dei durch vß meldet. Lactarius  
am ersten büch diuinarum institutionum. Origenes con  
tra Celsum. Athanasius contra gentes/vnd ander. Sol  
lichen menschen/thieren/vnd andern creaturen haben die  
Heiden/vnnnd darnach die Juden bildnüssen vffgericht/  
sie vereret vnd anbettet.

¶ Wolan dargegen lassen vnns ergründen/wem die  
Christen zu eren bildnüssen machen vnd vffrichten. So  
sehen wir zum ersten vor vns die bildnüss Christi/wie er  
von vnser heilmachung wegen in diß jamertal mensch  
geboren ist/wie er vß vnser wegen vff erdrich in hunger/  
durst zc. gewandert vnd geprediget/wie er von vnser we  
gen gelitten hat/gestorben ist/widerumb zum leben erstan  
den/vnd gen hymel gefaren/vnd zu letzt wie er widerumb  
kömen wirt/ein gemeyn vrteyl zu sellē über alle geschlecht  
der menschen. Nun wer diese geschichte wölte vndersteen  
zu wören/das sie den Christen menschen nit solten vorge  
bildet werden/durch gemeldt oder bilder/würd sich arg wē  
nig machen/als wölte er vnderston mit d zeyt die geschriffte  
auch abthün/oder zum wenigsten die nach seinem willen  
vnd gefallen vßlegen vnd predigen. Es ist im drittē pun  
cten gnügsam anzeygt/warzu die geschriffte nütz sey dem

Allerlei thier  
habent sie für  
götter gehabt

Aug. de ciuit.  
dei.  
Lactantius  
Orig. contra  
Celsum.  
Athanas. contra  
gentes.

wem die chri  
sten bilder vff  
richten.  
Zum ersten  
Christo.

Der sie liſet/ Dartzü diene das bild/ Dem ſ es anſicht. Was iſt vnderſcheids/ man lerne ein ding durch geſchriſt oder durch zeichen vnd bild. Wie Auguſtinus ſchreybt de doctrina chriſtiana. Wir wöllen hie einem yeglichen menſchen in ſeiner eygnen gewiſne zü erkennen geben/ wie oft er an gott oder ſeine heilige nye gedacht/ wie oft er nye ketzet het/ oder ander güte gedanken empfangen/ wann er nit het vor im geſehen (es ſey in kirchen/ in heüſern oder vff dē veld) die bildnüß Chriſti/ ſeiner würdigen mütter/ oder anderer lieben heiligen/ on andere frucht die daruß entſpringē im dritten puncten erzelt.

Zum andern  
Marie.

Zum andern ſo ſehen wir vor vns die bildnüß Marie der hochgelobten Künigin vnd allweg juncſraw der gebererin gottes/ wie ſie der Engel gegrüßt hat/ ſprechend Begrüßt ſeyest vol gnad der herr iſt mit dir ꝛc. Vnd darnach alles ſo die heilig geſchriſt von ir ſagt. Vnd ſo wir durch ſollich bildnüß die ding lernen/ vnd deren ermant werde/ was iſt es anders/ dan ſo wir leſen was die Ewangeliſten von ir ſchreybent/ vñ darneben gott dem almechtigen dancksagen/ das er menſchliche natur in dem reinē leyb Marie hat angenömen. Sie darnach bitten vnſer fürbitlerin gegen irem lieben ſun züſein ꝛc.

Zum dritten  
den Apoſteln  
Martern/ Beyerigern/  
Beyerigern  
jückſrawē ꝛc

Matthel. 23.  
Luce 11.

Zum dritten ſo ſehen wir vor vns die bildnüß der heiligen Apoſteln/ Martern/ Beyeriger/ Juncſrawen/ vnd ander vſerwelten gottes heiligen/ wie ſie vatter vnd mütter ꝛc. vñ alles das ſie gehebt verlaſſen. Ja ſich ſelbs verleugnet/ ir creütz vff ſich genömen/ vnd dem herrn Jeſu nachgenolgt haben. Warin/ gegen gott in ein rechten gezierten glauben/ in einer veſten güten hoffnung/ in volkō mner ynbrünſtiger liebe/ in tieffer demütigkeit ꝛc. Gegē irem nechſten. In ſenffmütigkeit/ in friden/ in warheit/ in

mitleyden/in barmhertzigkeit/vnd allem dem das brüder  
liche liebe erheischt. Gegen inen selbs in vil ketten/vil fastē  
vil wachen. Wie Paulus schreybt in der andern Epistel i. Cor. ii.  
zū den Corinthern am Zylfften capitel. In demüctigkeit  
in keüschheit/in bestigung des leybs/vnd vil andern gücten  
tugenden/die sie in irem leben geybet haben/ darumb sie  
dan freünd. Ja nit allein freünd/sunder sün/vnd deshalb  
wie Paulus sagt/erken gottes vñ miterken Christi in ewi  
ger seligkeit worden seind.

**H**ie wöllen wir abermals einem yeglichen Christē  
menschen zū ermessen gebñ was nutz daruß volge so wir  
dise bildniß der heiligen vor vnns sehen/ werden wir nit  
zūm offtern mal inwendig durch solliche ansehē ermant  
vnd bewegt/dieweyl sie in allweg menschen seind gewesen  
wie wir/ vnd aber die ewigen seligkeit zū erlangen/ vs der  
gnad gottes solliche tugendt geybet/souil gelitten/also ge  
lebt habent zc. das wir iren süßstapffen auch sollen nach  
uolgen zc. wie wir dan in einem yeglichen heiligen etwas  
sunderer tugent vünden/damit er für ein andern begabt ist.  
Vnd ob vns ganz kein frucht von den bildern entständ/  
als sich nymmer wirt erfinden. Dieweyl aber ire namē ge  
schriben seind in dem büch der lebendigen in den hymeln.  
Wie Lucas am v. Paulus zū den Philippēsern am iij.  
schreybent. Vnd David sagt. Der gerecht wirt sein in  
ewiger gedechtniß psal. cxi. Was möcht man anders vñ  
vns sagē wir hertent ein mißglauben ob sie im hymel wes  
ren oder nit/wir mißgündten in der eer so in von den an  
dechtigē mensche beschicht/vñ allein vs neyd/damit d heil  
ligē gar vergessen würd/vnd stünden wir ire bildniß vnd  
durch sie ir gedechtniß gar abzūthün. Das sey weyt von  
vns/das wir von yemants gegen vnsern mitbrüdern (die

wiewol d ge  
laub im hertz  
en ist/ so spirē  
wir i doch ge  
gen anderen/  
allein in wer  
cken. Sic lu  
ceat zc.  
Berlon in Al  
phabeta diui  
ni amoris.

Zucep.  
Pbilit. iiii.  
Psal. cxi.

wir werē vn  
danckbar ge  
gen den heili  
gen/wañ wir  
die bildt hin/  
weg theren.

on vnd: laß gott für vns bitten) so vndanckbar verargt  
wont oder gescholten werden. Vnd so wir also der Chri-  
sten/ Heiden vnd Juden bilder gegen einander erwegen  
vinden wir gar nichts/ darñ sie einander gleych seyen oder  
gemeynschafft haben/ dann wie ire auß holtz/ stein/ sylber/  
gold zc. gemacht warē/ also seind die vnsern auch. Sunst  
habenn sie die iren für götter gehalten/ wie im ersten pun-  
cten gehört ist/ wir aber die vnsern nit. Böse vnglaubige  
menschen diener des teüfels/ auch erdicht figuren oder ges-  
taltten vnd allerley thier zc. seind durch ire bild bediit vñ  
anzeigt worden. Aber durch die vnsern nit/ wie yetzunde  
gehört. Sie haben in iren gözen die teüfel vereret/ die an-  
bettet/ inen geopffert zc. Wir aber betten vor vnsern bil-  
dern/ allein den einigē ewigē gott an/ den bitten wir durch  
sein heiligen/ das er vnns wölle geben alles das so vnns  
not ist zu seel vnd leyb. Vergleichne nun wer wölle vns  
sere bildniüssen oder die vererung so wir Christo/ Marien  
den heiligen vor den bildern thuen/ gegen dem das die  
Heiden vnd Juden mit den iren gebraucht haben. Pau-  
lus spricht an der andern Epistel zu den Corinthern an  
Sechsten Capitel. Was gemeynsame mag haben die ge-  
rechtigkeit mit der bosheit/ oder was gesellschaft ist zwis-  
schen dem liecht vnd der finsterniß. Item was vereini-  
gung hat Christus mit Belial zc. Deshalb die bild der  
Christen mit den gözen oder abgöttern der Heiden vnd  
Juden in keinem verbott vß der geschriffte mügen begrif-  
fen werden. Es thüt auch die heilig geschriffte nyender mel-  
dung von den bildern der Christen zc. Vnd damit sey der  
fünfft punct auch verantwurt.

1. Cor. vi.

## Der Sechst Punct.



**A**nndern puncten diser materi ist durch vil schrift anzeygt/ in was gestalt die Heiden (vnd so inen nachgezuoigt) die Juden ire gözen vereret haben. Vff dz wöllen wir in disem sechsten puncte beschen/was vnderscheid vnsere bild in dē sal gegen iren gözen haben. Vnd so wir alle vsachen (warumb die bilder von der kirchen zügelassen vnd vffgesetzt seind) eygentlich ermessenn/vinden wir clarlich/das diser vererung keine vnsern bildern von der gemeynen kirchen zügelegt oder nachgelassen wirt. Wir dienen inen nit/wir setzen kein vertrauen in sie/wir fragen sie nit rats vmb verborzne ding zc. Wir betten sie nit an/wir opffern auch inen nit/wie vß dē dritten vnd vierden puncten ein yeglicher rechtuerstendiger wol möcht erlernen. Soch dieweyl der vßwendigen sichtbaren vererung halb vor den bildern vil ding beschen/als wer vnser erlöser Christus Jesus/sein vßerwelte mütter Maria/oder andere lieben gottes heiligen selbs da dan wir ziehen vnser hüt ab vor den bildern/wir neygen vns/wir knüwen nider/wir heben die hend vff/wir betten vor inen/wir stecken liechter vff/wir henckent wachs/cleinet vnd anders für sie zc. So wil notwendig sein in einer kürze zü ercleren/wohin dise ding miteinander reichen od dienen. Hierumb ist zü wissen. So oft vnd dick wir vor den bildern der vorgeantten vßwendigē zeichen od stuck eins oder mer brauchen oder thün/ das wir sie den bildern nit thünd/sumnder denen die durch die bildniß anzeygt vnd bedeiit werden. Wir wissen alle das geschriben stat. *Sominum deum tuum adorabis. Tu solt den herren dein gott anbette* Darumb wañ wir vor den bildern bett

Sie habē vn-  
terscheid der  
vererüg halb.

wañ wir vor  
den bildn ni-  
der knüwen/  
bette zc. wo/  
hin das alles  
diene.

ten/setzen wir vnser hertz vñ gemiet nit in das so wir vor  
vns sehen holz oder stein/sunder wir betten mit vfferhebtē  
gemiet in die hymel den an/ der vnns durch die bildnüß  
bedeut wirt Christum/den künig aller heiligen den loben  
wir/den breyßen wir/den rieffen wir durch seine heilige an.  
Also wann wir vnns vor dem Crucifix oder ander bildes  
nüß Christi neygen/niderknüwen zc.zeygen wir an wie die  
leytlichen knyge gebogen seind vor dem bild/das also das  
knye vnser gemiets gebogen sey vor Christo Jesu im hy  
mel/wölcher erwan vff erdtrich von vnnsert wegen am  
Creütz gelittē hat/den eren wir (alsdan) inwendig im her  
zen/gegen dem demietigen vnd neygen wir vns inwens  
dig/den erkennen wir im hertzen/den bettē wir an/als vns  
sern schöpffer vnd erlöser. Vnd vff die meynüg redt Pau  
lus von dem creütz Christi ad Gala. vj. Es sey weyt vō  
mir das ich mich rieh oder glorier erwarin/anders dan in  
dem Creütz vnser herren Jesu christi/durch den mir die  
welt creütziger ist/vnd ich der welt. Das bild aber an im  
selbs halten wir nit höher oder mer dann ein güte nutzlich  
zeichen (wie Augustinus sagt) dz vns deren ding erinnert  
vund ermanet in aller form/wie die geschriffte thut denen  
die sie lesen. Das aber die vereerung dem bild nit gesche  
he/auch vnser hertz vnd gemiet nit stand in die bild in kei  
nen weg/mügen wir mercken vß allem gebett/so wir vor  
dem Crucifix zc.brauchen. Dann was die gemeyn kirch  
für gesang vnd gebet hat vff den Stillen freytag/vff die  
fest der erfindung vnd erhöhung des heiligen Creützes/  
vnd sunst durchs jar. Ist offembar/das sie allein dahin  
dient/das wir nach hertzlicher betrachtung des leydens  
Christi/gott dancksagent seiner vilfaltigen barmhertzig  
keit in allein erkennen/erent vñ anbetent als das höchst

wo; gebett die  
gemein kirch  
auch sunnder  
personen vor  
dem Crucifix  
brauchen.

güt/ als vnsern erlöser vnd seligmacher. Der gestalt seind  
andere gebett/ die von sundern personen in latin gesprochen  
werden/ so sie für Crucifix zc. wandern od kniwen. Einer  
spricht. Omnis terra adoret te deus zc. Der ander. Adora  
mus te Chriſte zc. Der dritt. Veniat oēs gētes quascūqz  
fecisti/ et adorent corā te dñe/ et glorificēt nomen tuū. Oder  
D crucy signum triumphale. Oder. D crucy aue spes vnica  
Erwan. Chriſte qui passus es pro nobis miserere nobis.  
Vnd dergleychen/ wie dan einem yeglichen der geist gots  
tes yngibt. Item der gemeyn mensch spricht ein Pater nos  
ter. Oder. Herz dir sey lob vnnnd danck in ewigkeit. Oder  
Herz biß mir armē sūnder gnedig. In summa/ so alle ges  
bett (die man vor dem Crucifix oder andern bildnüssern  
Chriſti pflegt zū sprechen) durchsehen werden/ diener keins  
vff dise oder andere bildnüss/ sunder allein vff Chriſtum  
vnsern herren/ der gebenedeyt ist in ewigkeit.

In aller gestalt sol auch verstanden werden von al  
len andern bildnüssern der heiligen. Vor der bildnüss  
Marie sprechen wir gewonlichen den Engelschen grüß/  
Aue Maria. Das Salve regina/ oder andere andechtige  
gebet/ von der gemeynen kirchen zūgelassen/ durch wölche  
wir die Königin hymels vñ erdtrichs loben/ das vß irem  
junctfröwlichen leyb geboren ist der heilandt der ganzen  
welt zc. Wir ermanē sie alles des so gott vß sundern gna  
den durch sie gewürckt hat/ vnnnd ruffen sie an als vnser  
mütter (wie sie Johanni/ vnnnd in im vnns allen zū einer  
mütter geben ist) dz sie wölle ein treuwe fürmünderin sein  
gegen irem lieben sun Chriſto vnserm herren.

Vor den bildnüssern d Aposteln betrachten wir/ wie  
sie auff erdtrich nachgeuolgt haben dem herren Jesu/ yetz  
vndt im hymel besitzend vñ niessend ewige seligkeit. Item

Wz man pfleg  
zū betten vor  
der bildnüss  
Marie

Johan. xij.

Itē was mē  
bette vnd bet  
trachte vor el  
nes yeglichē  
heiligen bildē  
nüss.

Ro. xij.  
I. Cor. vi.  
Ephc. iiii. et v  
I. Cor. xij.

wie wir durch ire predigen können seyn zu erkantniß des  
waren gottes zc. Sarnach betrachten wir nach vñ nach/  
vor eines yeglichen heiligen bild/was er vff erdtrich gelie-  
ten/oder durch in gott gewürckt hat. Vñnd dieweyl sie les-  
kendige glider seind an dem geistlichen leyb Christi/ vñnd  
desßhalb sorgfeltig sollen sein für vns/als ire mitglieder/ so  
rüssen wir sie an/wir ermanen sie brüderlicher liebe/ das sie  
gegen gott( von dem alle vollkommenheit fleußt) vnnsere  
fürsprechen wöllen sein/damit wir hie wid den bösen geist  
die welt vñnd das fleisch streyten vñnd gesigen mügen/vñnd  
(wie sie) in dem willen vñnd gebotten gottes also leben/  
das wir endlich mit inen besitzen mügen die ewigen selig-  
keit. Also hören wir/wiewol dise außwendige zeichen/ als  
neygen/kniuwen/betten zc. vor disen bildern leyplich gesche-  
hent/beleybt doch vnser gemüt da nit cleben/ sunder es er-  
hebt sich über sich in die hymelschen vnsehbarren bildner/  
bedenckt/betrachtet/vñnd schowet geistlich an/alles das so  
durch die vff erdtrich geschehen ist/wölche die bildtneüssen  
bedeüten vñnd anzeygen.

Die bild ma-  
cheyns nit zu  
abgötterem.

¶ Vß wölchem zum ersten volgt/das wir von wegen  
vnser bild nit sollen noch müge Idolatre/ das ist vererer  
oder anbetter der abgötter oder gözen genant werden/ wie  
die Heiden vñnd Juden. Dann nit allein mit vßwendig-  
gen zeichen/sunder mit hertz vñnd gedanck seind sie an den  
bildern erstarrt vñnd erblinder. Haben gemeynt/ dz so wir  
gott dem almechtigen/vñnd durch in seinen heiligē im hys-  
mel zulegen/sey in iren gözen verborzen gewesen/vñnd vß  
inen gangen. Wir aber ordnen vñnd leiten im hertzen alle  
vererung in gott/vñnd durch in in seine heiligen/ nit in die  
bild. Wir bettē vor den bildern gott an/sie aber haben got-  
tes vergessen/in verlassen/vñnd die bilder anbettet.

¶ Zum andern volgt darnuß/so wir also durch die bil-  
der vnderwisen vñ ermant werden zu bette/ seyen wir nicht  
destminder war anbetter/vñ bette an den vatter im geist  
vnd in der warheit. Dan wiewol wir mit de leyb in der  
kirchen oder anderßwo vor dem bild kniwen :c. ist doch  
vnser gemüt mit der innwendigen verering oder anbet-  
tung weder da noch an keiner andern leyplichen statt/ sin-  
der im geist vñ in d warheit. Wie vns dan der herr selbs  
geleert hat betten/so er spricht also sollen ir betten. Vatter  
vnser der du bist in den hymeln :c. dabey er antzeygt/ das  
sich vnser gemüt sol abziehen von allen leyplichen dingē  
das es an keiner sichtbarlichen irdischen creatur cleben od  
hangē beleyb/ sinder das es sich erhebt in die vnsichtbaren  
hymelschen ding/ die zu betrachten. Wer aber durch die  
wort Johānis am vierde vermeynte die bilder abzütün  
mießte auch abtün das mündlich gesang vnd gebett ja  
alle gesch:iff/ durch wölche wir wie durch die bild gereizt  
vnd ermant werden gott anzubetten im geist vnd in der  
warheit. Vnd in sunderheit mießte man abtün alle Les-  
genden der heiligen/ dan wo wirt clarer vnd heller ir bilde-  
nuß antzeygt/ dan in iren wercken/ leben vñ wandel. Item  
wo würd also bleyben das wort des herren Matthei am  
fünfften/so er spricht. Also sol eiwer liecht scheinē vor den  
menschen/ damit sie sehent eiwere güte werck. Solten  
wir nun die güten werck der lebendigen ansehen/ waruñ  
nit auch d todte/ ja deren die yetz in Christo leben vñ glo-  
rificiert seind/ durch wölcher bildnuß/ir lebē vñ leyde vns  
antzeygt wirt/ vñ wir ermant werden inen nach zu volge.

¶ Zum dritten volgt darnuß/so wir also vor den bildn  
betten/ das wir kein gott haben neben dem waren leben-  
digen gott/ wie die Juden vnd Heiden/ das vns auch die

Ob wir selbs  
bilder haben/  
seyen wir nie  
destminder  
war anbetter  
Johan. iij.

Es ist ein ver-  
sach bild ab-  
tün/ od/ gtag  
vñ geschufft.

Der bild hat  
den haben od  
vererenn wir  
kein got nebe  
den rechten.

Alles gebett  
der Christen  
wacht in gott  
an vnd endet  
sich in gott.

Bilder nit von gott abfieren/ dan wir bekennen vnd verles  
hen in allein sein den weg/ durch wölchen wir miessen yn  
gon zu der seligkeit. Die warheit/ an wölcher nyemants  
irren oder betrogen mag werden. Das leben/ in wölchem  
nyemants ewiglich sterben wirt. Unser glaub/ hoffnung  
vertrauwen stat auch nyendert hin/ dan allein in got/ als  
in das vrsprünglich vngemessen güt. Vnd ob wir schon  
vß andacht knüwen für die bildniß Marie oder anderer  
heiligen/ so betten wir doch allein gott an. Allein schreyen  
wir zu im vmb hilff/ allein bitten wir in/ das er die lieben  
heiligen wöll in vnserm namen erhören. Alles vnser ges  
bett von den heiligen/ sacht in gott dem vatter an/ vñ en  
det sich in Christo Jesu seinem eingebornē sun/ der mit im  
lebt vñnd regiert in einigkeit gottes des heiligen geists in  
ewigkeit Amen. Vnd das dem also sey/ bezeugē wir vns  
mit allen Collecten so durch das ganz jar die Christens  
lich kirch von den heiligē braucht. Ob aber yemants wole  
ein ynred haben/ als zympte sich solliche vererung wie ge  
hört ist/ auch den heiligē selbs nit/ die gesehen die geschriffte  
wie oft sie zügeb/ das Abraham/ Jacob/ Moses/ David  
vnd ander/ den engeln vñ menschen/ dergleychen vererung  
erbotten haben. Sann Gen. am xviiij. spricht der Text.  
So Abraham het vffgehebt seine augen/ seind im erschis  
nen drey menner/ wölche so er gesehen hat/ ist er inen entge  
gen gangen von der thür seines hauses/ vnd hat sie knü  
wend vereret. Im latin seind die wörtlin. Adorauit in ter  
ram. Genesis xxxviij. spricht d Text. Et ipse progrediens  
adorauit pronus in terram. Exodi xviiij. spricht der text  
von Mose. Qui egressus in occursum cognati sui adora  
uit. j. Reg. xv. stat desgleychen geschriben von David/  
wie er solliche eer erbottē hab Jonathē. Wie aber Heiden

vnd Juden die bilder vereret/ vnd wo sie geirret haben/ ist  
durch die geschriffte gnügsam erzelt am andern puncten.

Zum vierden. Es ist war vil mißbreüch sind vnder  
den einfaltigen vnd abergläubigen Christen d' bilder halb  
Darau ist aber die Christenlich kirch in keine weg schuldig  
Sie braucht (als vil an ir ist) die bild wol/ sie hat sie auch  
wol angesehen/ wie yetzund oft gehört ist. Sie muß in dē  
vnd andern das grösser ist gedult haben/ weizen vnd  
vntkraut miteinander vffwachsen lassen/ mag es on scha-  
den nit als vfreüten. Es sollen auch die ding (so an inen  
selbs güte vnd fruchbar seind) darumb nit abthon wer-  
den/ das sie diser oder ihener mißbraucht/ sunst würd wer-  
der Sacrament noch anders in d' kirchen bleyben. Was  
ist yetzundt in der Christenheit/ das man mer vnd übler  
mißbrauch vnd vertere/ dan das wort gotes/ die heiligen  
geschriffte. Wievil sind Prediger zū vnsern zeyten/ die das  
wort gottes felschen/ zwingen vnd biegen vff irn kopff/ da-  
mit sie den gemeynen mann betriegen. Wievil predigent  
das wort gottes allein von gewinns oder hoffart wegen.  
Wievil vß neyd vnd sich selbs zū rechen. Wievil ziehent  
das wort gottes allein dahin/ damit vngheorsame/ wis-  
terwill vnd vffrür entspring vnder den vnderthonen gegē  
iren obern. Darumb sol aber das wort gotes nit veracht  
oder verworffen werden. Item wie manigfaltiglich miß-  
brauchen wir den namen gotes mit falschem vnzymliche  
schwören/ solt darumb der nam gottes verbotten werden  
welchen die frömen wol vnd heilsamlich brauchen. Solt  
auch ein ding darumb verbotten oder abthon werden/ so  
es durch mißbrauchung vsach gebe zū bösem/ müst man  
warlich frawen vnd junckfrawen absünden in der kirche  
von den mannen/ vnd inen eygen kirchen zū ordnen/ das

Dißbreüch  
d' bilder halb

mit so sie einander ansehen/nit etwan zū sünden gereizt  
würden/wie der herr sagt. Wölcher ein frawen sieht sie zū  
Begeren/der hat yetzund den ebruch volbracht in seinem  
hertze. In summa man müst also alle waffen/durch wöl  
che vil todtschleg geschehen/abthün. Itē alle hüpsche cost  
liche cleider. Item allen costlichē wein ꝛc. Es ist kein ding  
so güt/es mag mißbraucht werdē. Herwiderumb/d from  
gerecht mensch braucht alle ding wol. Doch müge kurz  
lich vier vrsachen antzert werden/woher diser mißbruch  
bey den einfeltigen entspring.

**Ursach d miß  
breich.**

Esā. ii. et xxxj.  
Ezechielis  
vi. et xxx.  
Tobie xiiij.  
Zachā. xiiij.

**D**ie erst. Siweyl durch die zükunfft Christi vnns  
fers erlösers/der böß geist hat müssen raumen vß den gö  
zen/nit mer so offenlich betriegen/vnd im deshalb die eer  
entzogē ist. Wie durch Esaiā/Ezechia/Tobia/Zacharia/  
vorhin langest geweyßagt ist. So verwandert er sich yetz  
in ein engel des liechts/vnd in einer gestalt des güten/ars  
beit er sterigs/bis er die einfeltigen schlechten menschen vō  
der rechten geistlichen inwendigen vererung abzeücht/da  
mit aller andacht/glaub vñ vertrauen in die bildeniß  
zogen werde. Deshalb zū lest nichts anders bey sollichen  
dann abgötterey daruß entspringt. Wie leider bey teüfels  
schwörern/zaubern/hexen vñ dergleychen oft erfarē ist.

**D**ie ander ist hinleßigkeit/oder etwan zū besorgē eyg  
ner nutz vnd geytrigkeit/deren die dem gemeynen mannt  
d̄z vnd anders solten sagen. Es möcht d̄ gemeyn mensch  
mit kurzem vnderricht werden der bilder halb/wan man  
im antzert/das er die vererung vor den bildern nit in sie  
wandret/sunder in den/der durch sie bedēit wirt. Oder das  
er nit zū lang verharre in dem vßwendigen gegenwurff.  
Aber das er d̄ bild brauch für ein zeichen/durch wölches  
er vnderricht/ermanet vñnd bewegt werde mit seinem ges

mit im geist über sich zu fliegen/ die hymelschen unsichtba-  
ren ding zu betrachten. Oder zum dritten/ das er in alweg  
sein meynung setz vnd vergleyche mit der kirchen/ so mag  
er nit irren/ wie im dritten puncten gnügsam anzeygt ist.

**S**ie dritt ist vngheorsame des gemeynen einfaltigē  
oder fürwitzigen menschen. Dann wievil inen geprediger  
wilt vō vnzymlicher vererüg d bild/wan̄ erwā neüw wal-  
sartē entstand/lassen sie sich nit vnderrichtē/wöllēt es auch  
nit leyden d̄z man sie straff/wie zum offternmal gesehē ist.

**S**ie vierd ist d̄z die/so die bild schnitzlēt od̄ malēt zc.  
zum offtern mal zu vil kunst daran legen/dardurch dan̄  
der gemeyn mensch/mer sinnet vnd betrachtet/was kunst  
an dem bild sey/dan̄ wen es bedēute oder anzeyg. Item es  
werden auch etwan durch ire werckmeister die bilder so üp-  
pig vnd schön̄d gemacht/das die/so sie vfferlich ansehen  
in üppig vñ vnzymlich gedancken fallen. Deshalb sol-  
lich üppigkeit verbit vñnd verboten werden sol/mit den  
bildern der heiligen zebrauchen. Auch der gemeyn mensch  
nit sich zelang ynlassen/so er sollich böse gedancken in im  
empfindt/sunder wie oben anzeygt ist/in die unsichtba-  
ren hymelschen bildner sein gemüt erheben. Wie der Chri-  
stenlich lerer Gerson nach der lēnge anzeygt/ de exercitijs  
secre. deuot. simpliciu. Vnd so also diser Sechst punct  
gegen dem andern eygentlich ermessen wirt/sehen wir au-  
genscheinlich/das vnserē bild mit den götzen oder abgöt-  
tern der Heiden vñ Juden/auch der vererüg halb kein ge-  
meynschafft haben/inen auch gar nit gleych sind/deshalb  
sie vß der geschriff mit inen nit mügen verboten werden  
wie dan̄ die geschriff ir auch nyendert gedenckt.

## Der Bybendt Punct.

Antwort vff  
die ynredē vñ  
argumentē.



Jewol in mancherley weg anzeigt  
ist/ was vnderscheidt vnser bild ha  
ben von den gözen oder abgöttern  
d̄ Heiden vnd Juden/ Deshalb die  
geschrifft sie nyendert verbeit/ auch  
ir nit gedenckt. Damit aber meng  
lich sehe/ von welchen gözen vnd  
in was gestalt geschrifft meldung  
thū sie zū verbieten oder verspotten. So wollen wir vff  
das aller kürzest die selbigen erzelen/ wie sie in eiuern  
büchlin anzogen ist.

**Exo. xx.** Du solt nit haben frembde götter vor mir  
Du solt dir nit machen geschnitzlete götze oder bild. Du  
solt sie nit anbeten. Item ir sollent eüch nit sylbere od guld  
dine götter machen. Hie sehen wir wie geschrifft sich selbs  
so schon erclert/ das sie ire gözen für götter haben gehalten  
wie im ersten puncten gehört ist. Darnach das sie ire gö  
zen anbetter haben/ wie im andern gehört ist. Vñ aber vn  
sere bild weder für götter gehalten noch anbetet werden/  
wie im fünfften vnd sechsten puncten anzeigt ist.

**Exo. xxxiii.** **Exo. xxxiiii.** Du solt dir nit gossne götter machen  
Hie geschicht kein meldung von den bildern.

**Leuit. xix.** Du solt dich nit wenden zū den gözen.  
Ir sollent eüch auch nit gossne götter machen. Meldet ab  
ermals gözen vñd götter miteinander/ zū einem zeichen  
das sie die gözen für ire götter haben gehalten/ vñd den  
rechten gott verlassen.

**Leuit. xxvj.** Ir sollent eüch nit gözen machen/ sollēt  
auch nit seil vffrichten oder marckstein in eiuern landt/  
vff das ir den anbetent. Hie meldet aber die geschrifft gö  
zen vnd anbetten beyeinander/ vß vorgemelter vrsach.

Numeri xxx. Der zeyt wonet Israhel in Sethim/  
vñ dz volck hat vnterscheit tribē mit den töchtern Mo/  
ab/wölche sie beriefft haben zu iren opffern/ vnd sie haben  
geessen vnd ire götter anbettet. Hie wirt der bild oder gö/  
zen nit gedacht/allein der abgötter vnd des anbettens.

Num. xxx.

Deutro. iij. Ir habent kein gleychnuß gesehe des ta  
ges/da der herr mit eüch redt vß dē feur vff dē berg Dreb  
vff dz ir nit betrogē/eüch machet bild in gestalt eins mans  
od eins werbs/od vichs vff erden/oder vogel im lufft/oder  
wurm vff erdrich/od visch im wasser/ das du auch dein  
augē nit vffhebest gen hymel/vñ sehest Son/ Mon/ vnd  
alles gestirn des hymels/vnd werdest betrogen/vñ betrest  
sie an/vnd dienst inen. Hie meldet geschriffte wer ire göt/  
ter seyen/vnd wen sie haben anbettet/wie im fünfften pun  
cten erclert ist. Dienet in keinen weg vff vnser bild.

Deutro. iij.

Deutro. v. Du solt nit frembd götter han in mei/  
nem angesicht. Du solt dir nit machen geschmizlet götze/  
noch gleychnuß allen derē ding die oben seind/vñ die erni  
den vff erdrich/vñ ire wonung haben im wasser vnder dē  
erdrich. Du solt sie nit anbetten oder vereren. Geschriffte  
meldet aber wie am nechste/wem sie haben bildnüssen ge/  
macht/wen sie haben für götter vffgeworffen od vereret.

Deutro. v.

Deutro. vij. So dich der herr dein gott wirt führen  
in das land dz du würdest besitzē. so solt du kein bündt  
nüß mache mit den völkern des erdrichs. Erbarm dich  
auch nit über sie. Nach nit heyrat mit inē/dein tochter gib  
nit iren sünē. Herwiderumb gib dein sun nit iren töchtern  
eine/ dan sie würd dein sun verführen/ das er mit nit würd  
nachfolgen/aber mer das er würd dienen frembden göt/  
tern. Hie meldet geschriffte allein götter/ zu einem zeichen  
das allweg verstanden sol werden/ das sie ire geschmizlete

Deutro. vij.

G ij

götzen für götter haben gehalten.

**Deutro. xj.** ¶ Deutro. xj. Hürrent eüch das villycht eüwer hertz nit betrogen werd/ vnd weychent ab von dem herren/ vñ dienen frembden göttern/ vñ ketten sie an. Geschicht aber kein meldung der bild halb.

**Deutro. xij.** ¶ Deutro. xij. So vnder dir vffstat ein Propheet/ od der sich vfgibt wie er im schlaff hab gesicht oder tröm ge-  
habt/ vnd sagt vorhin zeichen vnd erschrockenliche ding/ vñ es geschicht wie er gesagt hat. Darnach sagt er zü dir wir wöllent gon vnd wöllent nachuolgen frembden göt-  
tern/ die du nit kennest/ vnd wöllent inen dienen. So solt du die wort des Propheeten nit hören/ dan der hertz erfart ob ir in vß ganzem hertzen vnd ganzer eüwer seel liebha-  
kent. Ser bild wirt hie nit gedacht.

**Deutro. xxvij.** ¶ Deutro. xxvij. Verflucht sey d mēsch/ d ein geschnitz-  
letē od gossen götzē macht. Ein abscheühüg vor dē herze.  
Ein werck von henden der werckmeister/ vñ setz es in ein  
finstere verborgne statt. Hie meldet geschriffte die dritten  
dienstbarkeit/ das sie ire götzen rats haben gefragt/ dann  
das geschach allein in der finstere an heimlichen orten.

**Josue xxij.** ¶ Es wirt hie verzeichnet Josue am xxvij. capi. Nun  
hat aber dz büch nit souil cap. Am xxij. stat wol also ge-  
schribē. Nach dē vñ ir seind yngangē zü den völkern/ die  
vnd eüch beleybē werde/ so seyt sorgfeltig dz ir nit schwörē  
bey den namen irer götter/ oder inen dienen/ od sie anbet-  
tent. Aber hangēt an dē herren eüwerm gott/ wie ir bissher  
gethon haben. Hie geschicht kein meldung der bild.

**Judi. v.** ¶ Judi. v. Sie sün Israhel habēt neuwe sünd zü den  
alten begangē. Sie habēt übels gethon vor dē angesicht  
des herze/ vñ habent gedienet den abgöttern Baalim vñ  
Astharoth/ vnd den göttern Sirie/ vñ dē Sidonier/

vnd Moab/ vnd der sint Ammon vnd Philistin/ vnd  
habent verlassen den Herren vnd in nit geeret. Sie wirt  
anzeigt/wie die Juden gott verlassen/wen sie für götter  
vffgeworffen habent/ den selbige dienet/sie anbetet/ mag  
vff vnser bild nit zogen werden/vs vil erzelten vrsachen.

¶ I. Reg. vij. Thund von eüch hinweg die frembden  
götter Baalim vnd Astaroth/vn bereiten eüwere hertze  
dem Herren/vnd diene im allein/vnd er wirt eüch erlö-  
sen von dem gewalt Philistin. Was geschriff züm nech-  
sten Idola oder gözen genent hat/heißt sie yetz deos oder  
götter/damit clar verstanden wirt/das die wörlin Idola  
Simulachra/Sij zc.on vnderscheidlich für ein ding ge-  
nomen werden. Concordat textus iij. Reg. xvij. et Amos  
v. vbi Moloch in altero ponitur Idolum: in altero deus.

¶ Iij. Reg. v. Jehu hat abthon den abgott Baal vff  
Israel/ doch vō de sündē Jeroboā des suns Nabath (de  
Israel hat gelet sünden) ist er nit gewichen. Er hat auch  
nit verlassen die guldinen ketter/ die do warēt in Bethel/  
vnd in Dan. Sie wirt der bild nit gedacht. Es stat wol  
idolū Baal/ das sie aber Baal für ein gott haben gehebt/  
zeygt geschriff an iij. Reg. xvj. vnd am xvij. Hiere. ij.  
vij. xxvij. vnd andern orten. Deshalb dise geschriff nit  
mag zogen werden vff vnser bild.

¶ Iij. Reg. xvij. Ezechias hat zerbrochen die höhinē  
od die tempel. Er hat zerschlagen die scül. Er hat abge-  
hawen ire finstere weld/vnd hat zerbrochen den Erinen-  
schlangen den Moses hat gemacht. Warum er in aber  
zerschlagen hab/volgt im text hernach. Dan bis vff die  
zeyt habenn im die kinder Israel geröcht/ dabey angezeigt  
wirt/ das sie den schlangen für ein gott geeret haben.

¶ Iij. Regū xvij. Der künig Josias hat zerstört die

Hösinen oder tempel/ die do waren in Hierusalē zc. welche der künig Salomon hat bauwen dē gott Aſtharoch der Sidonier zc. Item Josias hat hinweg thon die zauskerer vnd die zeichendeüter/ vñ die gestalten der abgötter. Das dise Idola oder gözen für gott seyen gehalten gewesen/ zeygt das drit Künigbüch dar an am xj. ca.

4. Para. xxxj.

¶ 3. Para. xxxj. Alles Israhel so fundē ward in den stetten Juda/ ist vßgangen vñ haben zerbrochen die gözē die funstern weld nidergebauwen/ die tempel zerstört/ die altar zerbrochē. Sifer text zeygt dar an/ d̄z Idola od gözē ire götter seind gewesen/ vñ d̄z in dē so er spricht/ sie haben die tempel vñ altar zerstört/ in denen sie die götter vereeret haben. Wir bauwen keiner bild tempel oder altar/ aber allein dē lebendigē gott/ vñ im zū eren d̄ heiligen im hymel.

¶ Zwen Psalmen/ als der lxxij. vnd der cxiiij. sind verzeichnet/ aber es thüt ir keiner meldung von diser materi. ¶ Psal. cxvj. Wol im xvij. spricht David. Es werde geschendt alle die so anbetten geschmizlete gözen/ vñ die glorierent oder sich rüment in iren abgöttern. Ist dar das Idola vñnd Simulachra für götter genömen werden/ vnd d̄z bey den zweyen wörtlin Adorant/ Gloriantur zc. Wie d̄z sol verstantanden werden so David schreybt im cxiiij. Psalmen/ ist nach der lēnge anzeygt im ersten puncten.

¶ Psal. cxliij.

¶ Esa. xliij.

¶ Esaie xliij. Mein glori wird ich keinem andern gebē/ vnd mein lob nüt den geschmizleten gözen. (Im selbē capitel.) Es werde geschendt mit schand/ die ir vertrauwen setzent in ein geschmizleten gözen/ vnd die zū dem goßnē werck sagen/ ir seind vnser götter. Hie erclert sich d̄ text also offembar/ das sie Idola vñ Simulachra (zū teütsch bild oder gözen) für ire rechte götter haben gehalten/ das nit not were die andern zū besichtigen.

**E**saie xliij. Ist auch ein gott vfferthalb mir/ ob der  
ein welt mach vnd ich in nit kenn. Sie weckmeister der  
götzen seind nichts/ vnnnd ire geliebtesten werdent inen nit  
nütz sein. Sie seind selber zeügen über sie/ das sie weder ses  
ben noch verstond/ damit sie geschendt werden. Wölcher  
hat gemacher den gott/ vnd wer hat gossen den götzen d  
nit nütz ist. Nym war alle die gemeynschafft mit inen has  
kent/ werdent geschendt. Hie stat götter vñ götzen durch  
einander/ darumb sie für ein ding genömen werden.

Esa. xliij.

**H**ieremie x. Also sagt der herr. Bey dem weg d völ  
cker sollen ir nit lernen/ vnd vor den zeichen des hymels  
sollen ir eüch nit fürchten wie die vöcker ic. Aber also sol  
len ir sprechen. Sie götter so die hymel vnd das erdtrich  
nit habē geschafft/ werden zü nüt vff erdtrich ic. Das capi  
tel ist zü lang. Aber in summa Hieremias zeygt den Jus  
den allein an/ wie der gott Israhel der sey/ d alle ding bes  
chaffen hab ic. Hierumb sey er allein zü fürchten/ zü eren  
vnd nit die götter der Heiden ic.

Hiere. x.

**H**ieremie viij. Also spricht der herr. Ich wil machen  
erfaulen die hoffart Juda/ vñ die grossen hoffart Hierns  
salem. Siß böß volck die nit wöllent hören meine wort  
vñ wäden in üppigkeit irs hertzen/ vñ haben sich von mir  
gewendt zü frembden göttern/ dz sie den selbigen dienten  
vñ sie anbeteten. Sifer text thüt kein meldung vō bildn.

Hiere. viij.

**A**m sechsten Capitel Ezechielis/ tröwet gott durch  
den Propheten dem volck von Israhel vilerley plagen/  
darumb das sie in verlassen/ vereret vnd anbettet haben  
die götzen ic. Zeygt allein an/ das sie ire götzen für götter  
gehalten vnd vererent haben.

Ezechiel vi.

**E**zechielis viij. Das sagt der herr/ hörent wider vñ  
verlassent eüwere götzen/ vnd wendent eüwere hertzen vō

Ezechiel viij.

h

allem vnflut vñ gestanck/ Der text erleitert sich selbs/ Die weyl sie vermant werdent die gözen zü lassen/ vñ widerüb zü de herrē zü kōrē/ dz sie die selbigē für göter habē gehaltē

**Dich. i.**

**¶** Dich. j. Es werdēt zerschlagē werde alle ir geschmizlete gözen/ vnd all ir belonung wirt verbrennen im feür/ vnd ich wil stellen all ir abgötter in die verderbnüß/ dan sie seind züsamen gesamlet vß dem lon der üppigen strawen/ vnd werden widerumb kōmen zü belonen ein üppige strawē zc. Sise wort redt gott durch den prophete allein darumb/ das die Juden den herren verlassen habent/ vñ die geschmizleten gözen für götter anbetter zc.

**Abacuck 7.**

**¶** Abacuck ij. Warzū ist nütz der geschmizlet göz/ die weil in sein werckmeister geschmizlet hat ein falsch bild/ die weyl sein werckmeister inn sein werck gehofft hat das er machte stummendt gözen. Wee dem der sagt zü einem holtz. Wach vff. Vnnd zü einem stein. Stand vff. Wag auch d stein etwan hören. Tymwar er ist bedeckt mit gold vnd mit sylber/ aber kein leben ist in im zc. Hie wirt vff dz aller bestest antzergt/ das sie ire gözen für götter gehaltē/ in sie hoffnung vnd vertrauwen gesetzt haben.

**1. Cor. v.**

**¶** 1. Cor. v. Ich hab eüch geschriben in der Epistel/ da mit ir nit yngemüschet werden mit den vnkeüschen/ vnnd namlich mit den vnkeüschen diser welt/ oder mit den geyrigen/ oder mit denen die den gözen dienen. Hie zergt dz wörtlin (dienēt) an/ dz sie die gözē für götter gehaltē habē

**1. Cor. viij.**

**¶** 1. Cor. viij. Von essenden dingē die den gözen werdent geopffert/ wissen wir dz der göz in der welt nichts ist/ vñ das kein gott ist dan der einig. Was wil Paulus anders hie antzergen/ dan dz die gözen nit für götter sollent gehalten werden/ vnd das ein einiger gott sey.

**1. Cor. x.**

**¶** 1. Cor. x. Ist es nit/ die dz opffer essent seind reylhaff

nig des altars. Was sol ich sagen. Sag ich das so geopffert ist dem götzen etwas sey/oder das der götz etwas sey. Aber das sag ich/was die völder oder Heiden opffern/dz opffern sie den teüfeln. Hie zeygt Paulus miteinander an/wer in disen götzē verborgē sey gewesen/wem sie vor den götzen dienet/geopffert/od wen sie da anbettet haben/wer da ir gott sey gewesen. Wie sich aber das vff vnser bildt reyme/geben wir einem yegklichen Chriſten zū ermessen.

**1. Cor. xij.** Ir wissent do ir Heiden oder vnglaublich **1. Cor. xij.**  
warent/das ir giengent zū den stummen götzen/wie ir gefürt wurdent. Hie redt Paulus mit denē/ die vß Heidnischem vnglauben waren gläubig worden. Wie sie aber ire götzen (dieweyl sie Heiden waren) gehalten habenn/erleert sich Paulus selbs im nechstgemelten ort/vnd zū den Römern am ersten. **Ro. i.**

**Gal. v.** Es seind offembar die werck des fleisches/ **Gal. v.**  
als do ist/vnkeüſcheit/vureinigkeit/vnſchamhaftigkeit/geyheit/dienst der abgötter. Das wörtlin (dienst) zeygt abermals an/das sie die götzen für götter haben gehalten.

**1. Thessa. i.** Sie sagen selbs von vns was wir für **1. Thessa. i.**  
ein yngang haben bey eüch gehabt/vnd wie ir vō den götzen bekört seyen worden zū dienen dē lebendigē gott. Wirt hie gnügsam verſtāden/wie sie yetzund so sie gläubig sind worden/dienē dē warē ewigē gott. Also/dieweyl sie vnglaublich seind gewesen/haben sie dienet den geschmizletē götzē.

**Act. xv.** Dem herzen ist offembar sein werck von d **Act. xv.**  
welt her/darumb erken ich/das die so vß den Heiden bekört werden zū gott/nit sollen vnirwig gemacht werden. Aber das inen geschriben werd/das sie sich entziehent vor der vnſauberkeit der götzen. Hie wirt aber anzeygt/wie sie ire götzen habn für götter gehalten/die weyl sie Heiden

waren/wie dan offte gehört ist.

1. Petri. iij.

**E**s ist gnüg das vergangen zejt erfüllt werden sein den willen der Heiden/ die gewandert haben in geilheit/in bösen begirten/in trunckenheit zc. vnd in vnzymlicher vereerung der götzen. Sifer text zeygt aber an das sie die götzen für götter haben gehalten.

1. Johan. v.

**A**ls d heilig Johānes am v. ca. anzeygt hat/ wie wir vnser vertrauwē allein sollē setzen in Christi/ beschleüßte er zū letst also. Das ist d war got vñ d̄z ewig lebē. Ir siinlin hirtent eüch vor den götzen. Johannes ermant in disen Worten/sie sollen in Christum allein glauben vñ hoffnung setzen/vnd nit wider keren zū den götzen/ die sie vor im vnglauben für ire götter haben gehalten.

**S**iß seind die geschribten/durch wölche eüch fürgeben wirt/dz die bildnüssen d̄ heiligen vnder den Christen nit sollen noch mügen geduldet werden. Wölche aber (als vultaltigklich anzeygt ist/vñ ir rezund selbs müge erkennen) vff vnser bild nit dient/auch daher nit zogen mügen werden/dan wir halten vnser bild nit für götter/wir dienen inen nit wie den göttern/wir setzen kein hoffnung in sie/wir fragen sie nit thats zc. Wir ketten sie nit an/wir offerē inen nit/wir werden durch die bild nit abgefürt vō gott zū dem bösen geist. Wir verlassen gott nit von d̄ bilder wegē. Wir treyben ganz kein abgötterey mit inen/wie gehört ist/das Heiden vñ Juden mit den iren braucht haben. Sunder wir halten vnser bilder nit anders/höher oder größter/dann für gütre nutzliche zeichen/durch wölche ein yegklicher Christen mensch (wie durch die geschribte) die sie lesen vnderweyßt/erinnert vñ ermanet wirt/derē ding die Christus in menschlicher natur vff erd trich/durch sich/sein vßerwelte mütter/vñ andere lieben heilige gewürckt hat.

## Beschluszred.



Vß allen erzeltẽ puncte/ habe ic nun  
gnügsam vnderrichtig/ wie die Hei-  
den vñ Juden ire gözen für götter ge-  
halten vñ vereret/ darneben den was-  
ren lebendigen gott verlassen haben.  
Herwiderumb vß was Christenliche  
fruchtbarẽ vrsachen/ die gemeyn kirch  
die bilder der heiligen zügelassen vnd vffgesetzt hab. Auch  
das vnser bild/ durch kein geschriffte (wiewol eüch vil ort  
verzeichnet seind) verbotten worden. Als wenig vnns re-  
mannts die geschriffte vnd legenden der heiligẽ zü lesen ver-  
bieten mag. Sunder wo geschriffte meldung thut vß Ido-  
lis/ Simulachris ic. wirt sie allein verstanden vß den ab-  
göttern der Heiden vñ Juden/ wölche ganz kein gemeyn-  
same mit vnsern bildern haben/ auch inẽ nrener in gleych-  
seind/ dan in der materi/ wie vilmal gebürt ist. Hierumb  
vermanen wir eüch in der liebe vnser herre Jesu Christi/  
Je wöllent dise vnser verterliche vnderrichtig (wie sich ge-  
horsamen sünden wol gebürt) zü hertzen fassen/ eüch in den  
vnd andern artickeln vß Christenliche verstand vñ einig-  
keit nit so leychtlich trennen vnd absünden lassen/ die  
geschriffte stat nit im lesen/ sund im verstand/ nit im büchsta-  
ben/ aber im geist. Darüb wann die geschriffte vß remannts  
anders dARTHON vñ ynzogen wirt/ dan sie vß anfang der  
Kirchen bis vß vns d heilig geist durch die lieben Christen-  
lichen lerer vßgelegt/ vñ in gemeyne brauch gehalten hat/  
sol sie nit als eylend angenömen/ sund vorhin wol ersücht  
vñ bewert werdẽ/ ob diser geist vß got sey od nit. Si wyl  
dan die heilig geschriffte (so sie recht ermessen vnd ergründet

wirt nach altē Christenlichē verstand nit wiß vnser bild  
sunder mit inen ist (wan sie nit anders seind dan d̄ leyen ge  
schrifft.) So ermanen wir eüch nochmals als eüwer geist  
licher vatter vñ oberer/ir wöllent sie lassen beleyben vñ al  
so behalten/wie sie Christenlich vñ wol vō d̄ gemeynē kir  
chen geordnet seind. Vñ ob yemāts über dise vnser treüw  
verterlich vnderichtung vñ ermanung/vō seinē freuel nit  
würde abston/die bilder mit Worten oder mit d̄ that zū ver  
spotten od̄ schmechen/wöllent dasselbig nit gestatten/ sun  
der mit allem ernst verhütten vñ wören/ dan wie die ver  
erung vor dem bild/dem geschicht/der durch das bild be  
deüt wirt/also auch die enterung/spott vñ schmach/gegen  
inen ist von gott nit minder geachtet/dan ob sie im od̄ sei  
nen heiligen selbs geschehe/wie die historien gnügsam an  
zeigen. Auch die miracel der bild an vil orten Teütscher  
nation offentlich zeügnüß geben. Wöllent auch mit den  
priestern (so in eüwern gebietten oder oberkeiten das gots  
wort verkünden) vermügen vnd verschaffen/wölche wir  
auch vff das höchst ermanen/dz sie ire vnderthon treüw  
lich vnderrichten/vñ inen anzeigen warüß vnd vß was  
vrsach die Christlich kirch die bilder zügelassen/geordnet  
vnd vffgesetzt habe. Wartzü sie dem gemeynen man̄ dies  
nen vnd nütz seyen. Wie vnd warfür sie gehalten sollent  
werden. Wohin die vererung vñ dz gebett vor den bildern  
miteinander reiche ic. Seyen wir ungezweyfelt dz nit allein  
gott vñ seine heiligen nit dardurch erzürnt od̄ geschmecht  
d̄ gemeyn mensch/un glauben/hoffnüg/liebe vñ andern tu  
genten etwas gehindert od̄ abgewend/sunder dz gott vñ  
seine heiligen vilfaltiglich dardurch gelobt vnd gebreyßet  
werden. Wir aber alle (wie vnnser altfordern) dardurch  
mercklich nutz vnd besserung empfaben mügen.

# Von der Meß.

Ob vnser mutter die Heilig Kirch  
im Sacramēt des altars/durch ire diener die Prierster  
etwas vffopffere gott dem Hymelschen vatter.

**S**iewol die Chriſtenlich Kirch vō anfang biß vff vns vil erlittē hat vō iren widerwertigen feynden vñ veruolgeren/ wölche ſich in mancherley weg habē vnderſtanden/ die heilige geſchriſt/ das lebendig wort gotes (vff wölches ſie vertrōſt vñ gründe iſt) zū ſelſchen vnd zū verkeren. Wie wir dan diſer ſchēdlichen irthumb in der kirchen entſtāden vil leſen/ key Tertulliano de hereſibus/ key Auguſtino in Cathalogo hereticorum/ vñ andern. So iſt doch vnder inen allen/ noch nye keiner ſo freuel vnd ſo vermessen geweſen/ der das hochwirdig Sacramēt des altars hab vōrſſen ſo offenlich anzuffen vnd ſagen/ das es nit ein Sacrificium oder ein opffer ſey. Die geſchriſt von der übergebenedeyten gotttheit/ die geſchriſt von der heiligſten menſcheit Chriſti/ von der hochgelobten künigin Marie ꝛc. iſt nit ſicher vor inen geweſen/ ſie haben darinn grübler vnd ſich vnderſtanden die ſelbigen zū ſelſchen. Aber das überheilig Sacrament des altars/ iſt allweg für ein opffer gehalten vnd glaubt worden/ biß vff yetz vier jar verſchinen/ ſo in Teütscher nation etlich veruolger vnd durchſchter aller prierſterſchafft vnd Chriſtenlicher religion. vfferſtanden ſeind. Wölche. diß als

Tertullianus  
Augustinus

ler heiligest vñ fruchtbarst opffer mit sampt den dienern vnderstand vndertrucken vnd abzürhün.

**¶** Darumb vff die frag (eüch zñ einer vnderrichtung) wöllen wir etlich Schlusreden vß der geschufft setzen.

Die Erst  
Schlusred

**¶** Unser seligmacher vñ erlöser Christus Jesus/ so sich rezund was nehern die stund seines bitteren leydes/ hat er vorhin am letzten nachtmal/ vß seiner vngemeinen vn-  
ussprechenlichen liebe/ vns zñ einer letze geben vñ gelassen sein leyb vñ blüt/ vnder d gestalt des brots vñ des weins.

Die ander

**¶** Unser seligmacher/ het vnns höhers vnd größers/ bessers oder fruchtbarers nit müge zñ letze gelassen haben/ dan vnder der gestalt des brots vnd des weins ist warer gott vñ warer mensch. Dife zwo Schlusreden seind gründt im Ewägelio Matth. am xxvj. Marci am viij. Luce am xxvj. Item in Paulo j. Cor. vj.

Matth. xxvj.  
Marci viij.  
Luce xxvj.  
j. Cor. vj.

Die dritt

**¶** Unser seligmacher hat sein leyb vnd sein blüt vnder der gestalt des brots vnd des weins geben zñ niessen den Christglaubigen zñ einer gedechtnüß/ in dem so er spricht. Nement hin vnd essent das ist mein leyb zc. Item nement hin vnd trinckent zc. thünd das in meiner gedechtnüß.

Die vierd

**¶** Unser seligmacher/ hat auch sein leyb vnd sein blüt/ der kirchen zñ einem opffer gelassen/ das sie durch ire diener dz selb vffopffere gott dem vatter/ vñ dif vß zwoeren vrsachen. Die erst zñ einer gedechtnüß seines tods am stämen des Creützes. Wie Paulus sagt j. Cor. xj. Die ander zñ einer erneüwerung der frucht vñ gürtzarten/ wölche vß seinem heiligē leyden geflossen seind. Dan so wir also vffopfferen gott vnserm hymelschē vatter seinen eingekorren sun/ vnder d gestalt des brots vñ weins/ werdē in vns dife frucht erneüwert/ vnserē sünd werden vns verzigen/ d zorn gottes wirt abgestelt/ wir erlangē dz so wir begerē zc.

j. Cor. xj.

## Die Erst Zeügknüß.



Die Schlusred ist an vil orten gnüg  
sam in der geschriffte gründt. Erstlich  
Gen. xiiij. da wir also lesen. Welchi  
sedech ein künig zu Salé/hat herfür  
tragen brot vñ wein ( dan er was ein  
prieſter des oberſten gots) vñ hat im  
gebenedeyet/ oder er hat im den seggen  
geben vñ gesprochen. Gebenedeyet od  
geſegnet ſey Abrahā  
de oberſten gott/ d geſchaffen hat hymel vñ  
erdtrich ꝛc.

Das diſe geſchicht ein vnſelēde figur/ein vngezwey  
ſelte/vnberüglliche bedēütig vñ anzeigung diſes opffers  
des neüwen Teſtaments ſey/bezeügent alle lerer vñ vſ  
leger d götliche geſchriffte/ Friechiſch vñ Latinisch. Es hat  
auch die gemeyn kirch/ die vnbeſteckt ſpons Chriſti (wöl  
che nit irē mag) diſe geſchicht allweg biß vff den heütigē  
tag für ein figur/ diſes opffers des altars gehalten vñnd  
braucht in irem geſang vñnd in irem gebett. Deßhalb ſie  
billich von nyemants/ bey vnſern zeyten anders vſgelegte  
oder (das zu beclagen iſt) gantz verworffen ſolte werden.

Aber wie de allem/ ſo beſchehent nichtdeſtminder wi  
der diſe figur vñnd anzeigung etlich ynteden/ in der geſtalt  
als ſolt die obgemelt figur vff dz hochwürdig Sacramēt  
des altars (ſo bißher gemeyne kirch für ein angenehmſte/  
fruchtbarſte vñ wolgeſelligſte opffer/ mit groſſem ernſt  
vñnd andacht/ gott dem hymeliſchen vatter vffgeopffert  
hat durch die prieſter) nit dienen/ noch vſ rechtē verſtand  
der geſchriffte dahin zogen werden.

Die erſt ynted. Diſer oberſt prieſter hat darumb  
wein vñnd brot fürtragen/ das er Abraham vñ die ſo mit  
Die erſt ynt  
red.

Antwort

im vō dem streyt kamen speysete zc. Also legend vß disen  
tezt die verstockten blinden Juden. Vß das sagen wir.  
Wölche geschriffte wöllent also vßlegen/ verkörent vnn d  
felschen sie mer dann sie die vßlegen. (Circumstantie) die  
vmbstend d vorgehenden vnd nachuolgenden wort/zeygent  
hell an/ das dise vßlegung hie nit statt hat. Dan die vor  
gend geschriffte zeygt an/ wie die vier Künig/ über wölche  
Abraham gesiget/ mit inen von Sodomis bracht hetten  
alles das inen not was zū d speys. Nun möchten sie aber  
dise speys/in so einer kleinē zeyt nit verbraucht haben/ desß  
halb nit not was/ das Abraham oder die seinen gespeysset  
würden von Melchisedech. Es sagt auch die nachgend ge  
schriffte wie Abraham nichts hab wöllent nemen von alle  
raub/ dan allein was seine knecht geessen haben. Samit  
sich nyemants riemen möcht/ sprechend. Ich hab Abrahā  
reich gemacht. Item dieweyl Abraham nichts het wöllē  
nemen von dem Künig von Sodomā/ wölchen er mit  
aller seiner hab erlöset hat von den henden seiner feynd/  
desßhalb er im größers zerbün schuldig were gewesen.  
Warumb hette er mügen etwas nemen von dē/ wölcher  
im (wie Melchisedech) nichts schuldig was. Dartzū zeygt  
d tezt an wie Abraham den Lebenden hab geben Melchi  
sedech von allem dem/ das er gehebt hat. Der tezt sagt  
nit/ das er im die speys bezalt hab/ oder dz er im etwas ge  
ben hab zū einer widerlegig/ sunder spricht. Et hat im den  
Lebenden gebe. Sabey clarlich verständen wirt/ wie Melchi  
sedech hat volbracht dz ampt des priesters ( als do ist opf  
fern.) Also hat Abram im dargegen den Lebenden geben.  
Der vß der geschriffte/ allein den priestern gehört. Vber dz  
alles erleutert vnd legt sich d tezt selbs vß/ so er ale bald  
hernach die vrsach/ wa: umb Melchisedech hab brot vnd

wein herfürtragē antzergt /sprechend. Erat enim ꝛc. San  
er was ein priester des aller höchsten gots. Vbi hec vocula  
(Enim)causalis est cōunctio /wie all Gramatici wissent.

¶ Vß disen vmbstenden allen gnügsam verstanden  
wirt /das Welchisedech brot vnd wein /mit darumb fürtra  
gen hat /das er Abraham speysete / aber das er ein opffer  
thette dem obersten gott /des priester er was. In wölchem  
er auch über Abraham den segen gab als ein priester.

¶ Sie ander yntred. Wie möcht dise geschicht als ein fi  
gur vff die Wess zogen werde / der text Gene. xiiij. spricht  
vstruckenlich proferēs / nit offerēs. Nun weist mengtlich  
wol /was vnterscheids ist zwüschen offerre vnnd proferre  
offerre heist opfferen / proferre heist fürtragen ꝛc. Vff dis  
se yntred sagen wir /das sich die gemeyn kirch /auch kein al  
ter leter nye hat gegründet vff das wörtlin offerēs. Es ist  
vß Cipriano / Hieronymo / Augustino vnd andn (wölche  
dise figur vff die Wess ziehen) offembat / das sie dz wort  
proferens brauchen / vnnd nit offerens. Darumb so gibt  
oder nympt das der figur nichts überal /es stande offerens  
oder proferens /wo nit ander vrsachen vnd anzeygungen  
da weren / das Welchisedech hette geopffert. San durch  
die wort proferēs oder offerens / möchte nit vil bewert wer  
den. Dann ob schon offerens im text stünde / möchte dans  
nocht nit bewert werden / das er geopffert hette / vō wegen  
das es etwan auch fürtragen heist /als Luce xxiiij. Obtri  
lerunt ei partē piscis assi. Sie haben im fürtragen ein teyl  
von einem bratnen visch. Etwan heist es fürbringen /  
Matth. ix. Offerebant ei paraliticū. Sie brachtē im für  
ein betrisen. Itē offerre heist auch darbiētē. Johan. xix.  
Illi autem spongiam plenam aceto / hysopo circūponens  
tes obtulerunt ori eius. Sarnach im gemeynen teütsch /

Die ander yn  
red.  
Gen. xiiij.

Antwort

Luce xxiiij.

Matth. ix.

Johan. xix.

heißt offerre opfferen. Aber kundlich ist es in der Grammatica das kein Composita finden werden/ do eins mer für das ander genommen wirt (dann die vom do vnd fero.) Also hören wir dz die gemeyn kirch die geschicht Melchisedech nit ynzeücht für ein figur des reinen opffers d mels/ vomm wegen des wörtlins offerens. Mein liberal. Aber es seind ander vsachen züm teyl geböt/ vff die ersten ynnred/ die andern werden hernach kömen.

Die dritt ynnred.

Die dritt ynnred. Als Abraham vß der schlacht der künigen widerkeret/ was er heilig vnd mied/ vnd zoch da für Salem/ do kam heruß d künig d selben statt Melchisedech/ vnd trüg herfür brot vnd wein/ erkücht vnd speyßt Abraham/ vñ die so key im waren/ dan er was der vogt vnd okerer d selbigen statt. Das wort im latin sacerdos stat in Hebräischer sprach Cohen/ heißt nit allein ein priester/ sunder ein vogt vnd fürwesser/ dz ist er was ein amptman in der statt. Vnd ist das gemeyn vnd gewondenen so von einer schlacht wider heim kören/ vß den stercken/ für die sie ziehet/ brot vñ wein/ od speyß zü bringē/ vß den okeren vß d statt. Hie merckt man clarlich das dise geschicht Melchisedech nit mag vff dz opffer d mels gezogen werde.

Antwort

Vff dise dritt ynnred sagen wir züm ersten/ das die geschicht gar mit vil andern wortē hie dardon wirt/ dan sie die Bibel meldet/ od ye kein alter bewerter lerer verstandē hat. Gene. am viii. lesen wir also. Aber Melchisedech ein künig von Salem hat herfürtragen brot vñ wein (wan er was ein priester des aller höchsten gots) vnd hat in gesegnet vñ gesprochen. Gefegnet seyest du Abraham dem höchsten gott/ wölcher geschaffen hat hymel vnd erdrich/ vñ vnd gebenedeyt sey gott der aller höchsten/ auß des selb in vñ vnd hilf die feynd in deinen henden seind. Vñ d Abraham

Gen. xiiij.

ham hat im den Lebenden geben von allen Dingen. Da  
Beschicht kein meldung das Abraham heilig vnd mied  
sey gewesen ic. der text meldet wol/er hab seine seynd über  
wunden auß huff vnd beystand gottes mit auß vile oder  
stercke des volckes. Es wirt auch nit anzeygt/das weder  
Abraham noch die seinen geessen oder truncken haben vō  
dem das Melchisedech herfürtragen hat. Wol meldet der  
text hernach/das die jüingling Abrahe geessen habñ von  
dem raub oder beut der künig ic. Aber der text meldet hie  
drei ding/wölche alle anzeygēt/ das Melchisedech hie zū  
einer dancksagung von wegen des sygs/gott habe geops  
fert. Zum ersten spricht er. Melchisedech hat brot vñ wein  
herfürtragen/ wann er was ein priester ic. Nun ist ye das  
ampt des priesters offerē/wie Paulus zū den Hebreern  
offt sagt. Zum andern. Er hat Abraham gesegnet vnd  
gott gelobt. Zum dritten. Abraham hat im den Lebendē  
geben. Gond alle daruff dz Melchisedech da sey gewesen  
wie ein priester/da auch das hab volbracht/ das einē prie  
ster zugehört/vnd nichts anders.

¶ Zum andern/das Cohen in Hebräischer sprach nit  
allein priester/sunder ein vogt/sürwesser od amptman heis  
selassen wir zū/das aber Melchisedech brot vnd wein her  
fürtragē/auch das er Abraham gesegnet hab/wie ein vogt  
oder amptman/oder das Abraham im den Lebendē hab  
geben wie einem vogt/ist nit/sunder dise ding seind alle ge  
schehen/als von oder gegen einem priester/vnd das mag  
in vileley weg bewert werden.

¶ Zum erste/der text in Genesi truckt die vrsach wars  
umb Melchisedech sey Abraham entgegen gangen/wars  
umb er wein vnd brot hab herfürtragen gar hell vñ/so er  
spricht. Erat enim ic. San er was ein priester des oberste

gottes. Were er Ab:abe entgegen gangen/ nur als ein künig/ wer gnüg gesagt. Melchisedech ein künig zu Salem/ hat brot vnd wein herfürtragen. Aber vnder schidlich meldet der text zwey empter Melchisedech. Zum erste. Melchisedech ein künig zu Salem. Darnach. Er was ein priester des obersten gottes. Desselbalben die histori nit leyden mag/ das Cohen da verteütscht werd ein amptman/ sunder ein priester/ wie es der Tolmetscht vß dem Hebreo gelatinet hat Sacerdos/ nach dem sinn des heiligen geists/ besser/ dan hette er/ preses/ prefectus zc. gesetzt. Dann mit dem wort Sacerdos/ truckt er die heimlichkeit d figur vñ des opffers eygentlich vß/ so er spricht. (Dann er was ein priester.) Das ampt aber des priesters vß d Epistel Pauli zu den Hebreern/ ist opffern/ wie auch vor gehört ist.

**Zum andern.** Ob auch würde zügelassen/ das Cohen ein amptman hieß/ vnd Melchisedech ein künig vñ amptman zu Sale sey gewesen des obersten gottes. Also nach seiner ordnung/ were Christus künig zu Salem vnd ein amptman des oberste gots zc. Wie sich aber dz vergleych mit dem sybenden capitel zu den Hebreern/ vnd mit dem Psalmisten. Tu es sacerdos zc. wirt hernach kómen.

Hebr. vii.  
Psal. cix.

**Zum dritten.** Das Melchisedech das habe gethon als ein priester/ nit als ein vogt oder ein weltlicher amptman/ zeigt widerüb d text in Genesi an. Abraham (spricht der text) hat Melchisedech den Zehenden geben. Nun ist ofsembar/ sunder im alten Testament/ das nach vermög d geschriffte/ d Zehend nyemáts zügehört/ oder geben ist worden/ dan allein den priestern. Nu. xviii. Leuit. am letzten ca. Vnd Paulus so er die figur vß Melchisedech ynzücht ad Hebreos vij. spricht er. Sehet ir wie groß ist der/ den Abraham d Patriarch den Zehenden hat geben von den

Nu. xviii.  
Leuit. vlt.

Besten gütern. Vnd gleych volgt hernach. Sie das pries-  
stertthumb annemēt vs den sūnen Leui/habent ein gebot  
den Lebenden zeneimen von dem volck/nach dem gesagte  
Das ist von iren brüder/wiewol sie auch seind vsgangen  
von den lendinen Abrahe. Aber des geburt nit zelt wirt  
vnder inen/ der hat Lebenden genōmen von Abraham.  
Vnd der die verheuffungen hat gehabt/ den hat Melchise-  
dech gesegnet. Nun ist aber on alles widersprechen war/ d  
minder wirt von dem merern gesegnet zc. Siser text mel-  
det vier ding. Zum ersten/ wie Melchisedech die figur sey  
Christus die warheit. Zum andern/ wie Melchisedech in d  
figur grösser vnd höher sey dan Abraham. Zum dritten/  
wie Melchisedechs priesterthumb mer vnd höher sey dan  
dz priesterthumb Leui. Erat enim sacerdotium Melchis-  
sedech (et hoc in figura Christi) qui vniuersalis sacerdos fu-  
turus erat quasi vniuersales quia nō solum ab indigenis  
sed etiam peregrinis decime ei donabantur. Contra vero  
sacerdotium Leui particulare vt cui ab vna gente He-  
brea scilicet preceptum erat decimas accipere. Zum vierdē  
wie Melchisedech vs priesterlichem gewalt Abraham den  
obersten Patriarchen/ des vserweltē volcks gesegnet hab  
dan als ein priester/ ist Melchisedech da ein figur gewesen  
Christi/ in dem gesegnet werden alle geschlecht des erdts-  
richs. Vnd so man also die text vff einander zeücht vnd  
vergleychet/ vndt man clar/ das Melchisedech/ da ist ge-  
wesen ein priester/ auch das ampt eins priesters hat vol-  
bracht mit dem segnen/ vnd mit opfferung wein vñ brots.  
Vnd dieweyl er ein figur Christi ist/ wölcher nach seiner  
ordnung/ ein ewiger priester/ vō Saut vnd Paulo wirt  
genent/ müß ye volge/ dz auch in dē priesterthumb Christi  
dz ist im newen Testamēt/ ein opffer sey/ nach d ord nüg

Melchisedech/wie wir dan sehe in d heilige Wess beschehe.

Zum vierden/ Das Melchisedech als ein priester brot  
vñ wein hab herfürtragen/ den Lebenden empfangen zc.  
nit als ein vogt/verweser oder weltlicher amptman/zeygt  
vns das neuw Testament lauter vñ dar an/ in kurzen  
jaren erst vß dem Hebreischen vnd Griechischen vertol-  
merscht vñnd erneüwert/ da offembar ist/ das durch die  
ganzen Epistel zu den Hebreern/ wo in Hebreo Cohen  
vnd in Greco Hiercus stat/haben wir im latin sacerdos/  
wölchs wort aber im teütsch/nit ein künig/vogt od ampt  
man heist/auch von dem Apostel in der gestalt nye ge-  
brucht ist. Basileus heist ein künig/ hiercus/sacerdos/ als  
wir es teütschen/ein priester. Auch schreybt Paulus an v.  
cap. ad Hebreos/ das er sey pontifex cognominatus/ oder  
pontifex secundum ordinem Melchisedech (zu teütsch) Er  
ist von gott genant ein hoher priester/nach der ordnung  
Melchisedech. Pontifex vom archiercus/ heist ein hoher  
priester/nit ein hoher vogt oder amptman.

Hebr. v.

Zum fünfften/ dz Melchisedech als ein priester Ab: a  
he entgegen sey gangen/wein vnd brot in der figur geopfe-  
fert hab/bezeüget Sauid (wölcher auch allein gnügsam  
were/das überheilig opffer d Wess zu bewerren.) Am cix.  
Psalmen schreybt diser Prophet also: Der herr hat ge-  
schworn vñnd wirt in nit gereüwen/ du bist ein priester in  
ewigkeit nach der ordnung Melchisedech. Diser vers ist  
nach dem büchstaben kurtz/aber vil begrefft er in im.

Psal. cix.

Zum ersten/ dz Melchisedech ein priester sey gewesen/  
vñ also zeygt es an trāslatio Hieronymi vß Hebreischer  
vñ Griechischer zungen/sacerdos/zü teütsch/ priester. Sie  
weyl nun die geschäfte ir selbs (wie auch d heilig geist von  
de sie kompt) nit widerig oder mißhellig sein mag (so müß

an allen orten/do diese geschicht anzogē wirt/als am stinff  
ten/sechsten vnd sybenden capitel zu den Hebreern/vnnd  
erstlich in Genesi daher die geschicht vnd figur von Sa-  
uid vnd Paulo genömen wirt) das wort Cohen/ein pries-  
ter heissen/nit ein amptman oder vogt ꝛc.

Zum andern/zeygt dieser vers an/ das Christus ein  
ewiger priester ist/nit nach Aarons/aber nach der ordnung  
Welchisedech. Das priesterthumb Aarons ist zergeng-  
lich vnd vnvolkōmen gewesen/aber das priesterthumb  
Welchisedech ist ewig. Wie auch Paulus sagt zu den He-  
bre. am vij. so er spricht. Ist nun die volkōmenheit durch  
das Leuitisch priesterthumb (dann vnder dem selben hat  
das volck das gesatz empfangen.) Was ist dan noch ge-  
wesen das ein ander priester vffstünde/nach der ordnung  
Welchisedech/vnnd nit der ordnung Aarons ꝛc.

Zum dritten/wie mit de Aaronischen priesterthumb  
diz gesatz Mose hat vffgehört/also mit de priesterthumb  
Welchisedech/hat das new Testament in Christo ange-  
fangen. Vff die meynung schreybt Paulus am obgemel-  
ten capitel also. Wo das priesterthumb geendert wirt/da  
ist noch das auch diz gesatz verendert werd ꝛc. Volget her-  
nach. Vnnd es ist noch offembarer/ so nach der ordnung  
Welchisedech ein anderer priester vffstat/wölcher nit nach  
de gesatz des fleischlichen gebots gemacht ist/sunder nach  
der krafft des vnusslößlichen lebens. Sann er ketzüiget  
du bist ein priester in ewigkeit nach der ordnung Welchis-  
edech/dann es geschicht damit ein vffhebung vnd hinnes-  
mung des vorigen gesatz/vnnd das vmb seiner vnvol-  
kommenheit vnnd vnnütze wegen (dann das gesatz hat  
nichts vollkommen gemacht ꝛc.)

Zum vierden meldet der vers das Christus ein ewig  
E

Hebre. vij.

ger priester sey nach der ordnung Melchisedech. Nun was  
ist die ordnung Melchisedech gewesen/gerichts; weng/ Ho-  
he gericht zc. Nein/ dan ob er schon als ein König solliches  
hat gehabt/ ist doch diß alles zeytelich vnd zergenglich ge-  
wesen/ auch allein zu Salem/ da er König was. Sartzu  
mag es vff Christum (wölches reich nit ist vñ diser welt)  
nit dienen. Was ist dan sein ordnung gewesen. Die gantz  
Bibel meldet kein andere/ dan er hab wein vñ brot herfür-  
tragen als ein priester/ das ist/ er hab wein vnd brot geopf-  
fert. Dan wie oft gehört ist/ das ampt eines priesters ist  
opfern/ ad Hebre. v. vñ viij. Also hören wir was grosser  
mysteria in dem kleinen verß ligen. Wie er antzeicht das  
priesterthumb Melchisedech vff Christum/ Wie er ynfürt  
das neuw Testament. Item sein ewigkeit/ sein ordnung/  
sein volkommenheit zc. Vñ wölchem von not volget/ das  
die ordnung Melchisedech in dem priesterthumb Christi  
das ist/ im neuwen Testamēt erfüllt müß werden/ dz aber  
sunst nyendert geschicht/ dan im hochwürdigen Sacramēt  
des altars/ deßhalb es ein vnwidersprechenlich opffer ist.

Hebre. v.  
et viij.

Die vierd  
yared.

Die vierd yared. Paulus zu den Hebreern am v.  
vnd vij. ca. da er Melchisedech Christo im priesterthumb  
vergleycht/ sagt er nichts von dem wein vnd brot/ sonder  
vergleycht Christum Melchisedech in dreyen dingē. Zum  
ersten heist Melchi ein König/ vñnd Sedec gerechtigkeit.  
Melchisedech ein König der gerechtigkeit zc. Zum andern/  
was er Melchi Salem/ das ist/ ein König des frides zc.  
Zum dritten/ wirt er vergleychet dem sun gotes/ deßhalb  
das er on vatter vñ mütter was zc. Vff das sagen wir  
zum ersten. War ist es/ Paulus in den yezgemelten capis-  
teln meldet die zwey wort/ brot/ wein/ mit namen nit. Aber  
den verß (Der hertz hat geschworn es wirt in nit reuwent/

Antecur

Du bist ein priester in ewigkeit nach der ordnung Melchisedech) setzt er dreimal/ in wölichem gnügsam verstanden wirt brot vnd wein/ dann die ordnung Melchisedech( wie yez gehört) ist nichts anders dan das opffer mit brot vnd wein. Zum andern/ ist es auch war/ dz Paulus Christum vergleychet Melchisedech in dreyen dingē/ aber so der text recht besichtiget wirt/ vndt man der vergleychnüß mer/ wölche auch mer vff die figur dient/ vnnnd von Paulo ernstlicher ermessen vnd eygentlicher antzeygt seind/ dann die drey ersten/ darumb vff dise drey vergleychnüß gehört noch fünff. Zum vierden/ sirt Paulus yn das priester thümb Christi nach der ordnung Melchisedech/ vnd das im offtgemelten vers Davids. Juravit dominus. Zum fünfften/ dz die ordnung vñ priesterthümb Melchisedech in Christo ewig beleyben sol/ vnd mit Arons/ vnd das in denen Worten. Ist nun die voltkömenheit durch das Leuitisch priesterthümb ꝛc. Zum sechsten/ dz die ordnung vñ priesterthümb Christi nach Melchisedechs ordnung ein new Testament mache/ vnd dz in den Worten. Translatio enim sacerdotio ꝛc. Wo das priesterthümb verendert wirt/ ist not das auch das gesatz verendert werde. Zum sybenden/ das von not das priesterthümb Arons das alt Testament ende/ vnd Melchisedech das new in Christo heilige vnd bleyb in eternum/ vnd das in den Worten. Si ergo cōsumatio. Zum achtenden/ das das priesterthümb Christi durch Paulum surnemer vnnnd eygentlicher ynge sirt wirt dan sein Künigreych. In summa das ganz Capitel gat daruff/ das Christus mit sey ein priester wie Aaron/ der kü/ kelber/ schaff ꝛc. geopffert hat. Aber nach d ordnung Melchisedech/ wölcher wein vnd brot hat geopffert. Also hö:en wir dz Paulus Christū vergleychet Melchis

sedech (principaliter sündlich) in dreyerley weys. Im künig  
reych/vñ dz in anfang des sybendē ca. ad Hebre. Im prie  
stertüm/so er oft spricht. Tu es sacerdos/du bist ein prie  
ster. Im opffer/dañ wie Melchisedech hat brot vñ wein ge  
opffert/also auch Christus. Aber darin ist ein vndercheid/  
Melchisedechs reych/priestertüm vñ opffer/ist irdisch ge  
wesen/vnd allein ein figur. Aber dz reych Christi/sein pries  
stertüm/sein opffer/ist hymelsch vnd die warheit.

¶ Darumb vs allen yetzgehörten antwurten vff die  
vier ynreden/mag ein yeglicher Christen mensch gnügsam  
verston/dz die geschicht Melchisedech in Genesi nach rech  
tem Christenlichem verstand/ein vnselende/vngetzweifel  
te figur ist/des hochwirdigen Sacraments des altars/dz  
auch Christus vnnder der gestalt des brots vñ weins/  
müß vffgeopffert werden/dañ die figur nach der prophe  
cey des Psalmisten/vnd der Epistel Pauli/zeucht es also  
an/vñ wer sie vnderstat zñ leugnen/der thüt wider die  
meynung der prophecey im Psalter/vñ wider Paulum.  
in der Epistel zñ den Hebreern.

### Die Ander Zeügknüß.

Malachie j.



Als vnnder der gestalt des brots vnd weins  
Christus werde vffgeopffert gott dem hymel  
schen vatter/ bezeugt d̄ prophet Malachias  
am ersten Capitel/so er also spricht. Ich hab  
kein willen oder gefallens gegen euch spricht  
der herz der hertzogen/ vnd die gab oder das opffer würd  
ich nit nemen von eüwern henden/ dan von vffgang bis  
zñ nidergang der sunnen/ist groß mein nam bey den Hei  
den/vnd an allen orten oder stetten/wirt sacrificiert vñ ge  
opffert meinem namen/ ein rein opffer &c.

Mit diesem spruch zu beweren/ das die Mess ein opf  
fer sey/ist zu mercken dz der prophet Malachias sie weyß  
sagt/ das die opffer des alten gesetzes abgon/vnnd gott  
nit mer angemem vnnd wolgefellig sein werden. Aber an  
statt deren/werde ein ander opffer vffgesetzt vnd geordnet/  
wölches gott angemem vnnd gefellig sein werde. Also legt  
diesen text vß der heilig Augustinus de Ciuitate dei. Li  
bro xvij. Capi. xxxv. vnnd spricht. Malachias weyßsa  
gend/ die kirchen/wölche wir yetz durch Christum gepflan  
zet sehen/sagt in der person gottes offenlich zu den Juden  
Ich hab kein gefallen in eüch/ vnd würd kein gab nemen  
von eüwern henden/ dan von vffgang bis zu nidergang  
der sonnen ist groß mein name bey den Heiden/vnnd an  
allen orten oder stetten wirt sacrificiert vnd geopffert meis  
nem namen ein rein opffer. Siweyl wir nun sehen/ das  
an allen stetten/vö vffgang bis zu nidergang der sonnen/  
dises opffer durch das priestertüm Chrißti nach d ord  
nung Melchisedech geopffert wirt/vñ das das opffer der  
Juden(zu denē gesagt ist. Ich hab kein gefallē in eüch zc.)  
vffgehört hat/als sie selbs nit mügen leugnen. Warumb  
warten sie dan noch vff ein andern Christum/ so sie doch  
lesen was geweyß sagt ist/ schon alles erfüllt sein/ vnd aber  
an nyemants hat mügē erfüllt werden/ dan in Christo vn  
serm herren. Dife vßlegung Augustini ist so clar/vnd dē  
text des Prophetē so gemeh/zergt auch so hell an die mey  
nung gottes/durch den Propheten/das nach den opffern  
im alten gesatz/im newen Testament/ ein einigs opffer  
werd sein durch die gantzen kirchen/das hochwirdig Sa  
crament des altars zc. Das billich nyemants widersprechen  
solt/oder ander glosen süchen/dan wie der Text vö allen  
Christenlichen leeren/vßgelegt vnd verstanden ist/ vö an

Aug. de ciui.  
dei. li. xvij. c.  
xxxv. et li. ad  
uersus Jude  
os. c. ij.

**Psal. xxxij.**

**Hiere. vi.**

fang der kirche bis vff vns. Von verwerffung der opffer  
des alten Testaments / schreyben auch David vnd Hie  
remias. David am xxxij. Psalmen. Sacrificium et ob  
lationem noluisti: aures autem perfecisti mihi. Holocaus  
stum et pro peccato non postulasti &c. Hieremias am vi.  
capitel. Holocaustomata vestra non sunt accepta: et vis  
crime vestre non placuerunt mihi.

**C**Soch zu bessern vñ clarem verstand / das dise pros  
phecy Malachie allein auff das opffer der Wess diene /  
müß man die wort eygentlich besichtigen. Der Prophet  
spricht. An allen stetten wirt sacrificiert meinem namen  
ein rein opffer. Hie werden vßgeschlossn alle vßwendige  
opffer der Juden. Zum ersten / dan der text sagt vō einem  
gemeynen opffer das allenthalben geopffert werd. Der  
Juden opffer aber / seind vil vnd mancherley gewesen / wie  
in sunders Leuiticus vñ Numeri anzeygen. Zum andern  
die opffer der Juden seind besleckt gewesen / wie Malachis  
as in disem ca. anzeygt. O sacerdotes qui despiciatis nomē  
meum &c. Et offertis super altare panem pollutū &c. Aber  
in obgemeltem text redt er von einem reinen opffer. Zum  
dritten / die sichtbarlichen opffer der Juden waren allein  
zu Hierusalem geopffert. Das rein opffer aber / wess sagt  
d Prophet geopffert werden / in omni loco ab ortu solis &c.  
an allen stettē. Zum vierden / vßwendige sichtbarliche opf  
fer / pflag nyemants nach dem gesatz zu opffern dann die  
Juden / ja auch allein durch die hend d priester. Der Pros  
phet aber sagt / d; dis rein opffer sol geopffert werden / vñ d  
den Heiden an allen stetten &c. Darnach werden vßges  
schlossen alle geistliche opffer so von vns Christen sunder  
lich geopffert werden. Als David spricht. Sacrificiū deo  
spiritus contribulatus &c. Ein opffer das got gefelt / ist ein

**Aug. II. aduer  
sus iudeos.**

**Psal. I.**

reiwender geist. Oder wie Paulus sagt zu den Römern  
am vij. cap. *Ro. vii.* Ich bitt euch durch die Barmherzig-  
keit Gottes/ das ir eüwere leyb dargebent ein lebendig op-  
fer/ ein heiligs/ ein got gefelligs. Vff die vnd deren gleyche  
opffer vö sundern menschen geopffert/ mag der text auch  
nit zogē werden. Zum ersten/ dan der Prophet weyffagt  
hie/ das die opffer der Juden abgon/ vnd nit mer gott ge-  
fellig sein werden. Sarnach das sein nam groß werd vñ  
der den Heiden/ vnd die werden im als dan ein rein opffer  
vffopffern. Herwiderumb/ die vorgemelten opffer/ *Spiri-  
tus contribulatus/ Castigatio carnis per ieiunium/ vigilis  
as/ orationes* zc. Ein reiwēder geist/ Casteyung des leybs  
durch fasten/ wachen/ betten/ abbruch d speyß zc. seind gott  
allweg angenehm vñnd gefellig gewesen. Im natürlichen/  
im geschribnen vnd Ewangelischen gesatz/ hats nye ver-  
worfen. Hie spricht er aber. Ich hab kein gefallen in eüch  
vnd die gab würd ich nit nemen vö eüwern henden. Zum  
andern/ das der Herr nit von einem geistlichen opffer sag/  
truckt er hell auß. Ich würd kein gab nemen von eüwern  
henden. Die geistlichen gaben gond nit von henden/ aber  
vö hertzen. Vnd das ist die vfflegung Augustini in li. ad  
uersus iudeos. Zum Dritten/ so vil dero seind/ die dise geist-  
liche opffer ehünd/ so vil seind auch der opffer/ *id est/ ad ni-  
merū sacrificantiū est numerus sacrificiorū.* Hie meldet d  
text ein rein opffer/ das an allen stettē werd geopffert/ vñ  
das ist Christus/ vnder der gestalt des brots vnd weins/  
dann wiewol er an vil orten geopffert wirt/ ist es doch ein  
Christus vnd ein opffer. Zum vierden sagt der text hie (de  
sensibili quodam et exteriori omninūq; cōmuni sacrificio:  
qd in loco reali sit offerendum.) (zu teütscht) von einē em-  
pfindlichen sichtbaren vñnd all gemeynen opffer/ als do

Ist Christus vnder den sichtbare gestaltē brots vñ weins/  
wölches aber vff vnser sundliche werck nit dienē mag.

**Esaie lxiij.**  
**Gen. iij.**  
**Psal. iij.**  
**Psal. xlix.**  
¶ Sarnach spricht der Propheet (ein rein opffer) werde  
abermals vnnsere sundere werck vffgeschlossen/ dann dise  
müigen wir nymmermer für rein vnd vnbesleckt scherzen/  
oder geben. Esaias spricht. All vnser werck seind wie ein  
vnrein tuch. Sartzu so seind vnser werck (wie ein güten  
schein sie auch habenn) gott nit höher oder mer angemen/  
dan als vil wir im vorhin gefallen/ wie der text Genesis  
am vierden anzeygt. Respexit dñs ad Abel et ad munes  
ra eius. Der herr hat ein vffsehen gehabt vff Abel vñ vff  
seine gaben. Hie aber spricht Malachias. In allen stettē  
wirt nit geopffert ein rein opffer/ thut kein meldung von  
denen die opfferen werde/ allein spricht er. Ein rein opffer  
wirt geopffert an allen stetten/ zu einem anzeygen/ dz got  
diß opffer (ex seipso nō ex ministro offerente) vñ sein selbs  
nit von wegen des dieners/ angemen vñ wolgefellig sein  
wirt/ das aber kein anders vff erden sein mag/ dan sein ein  
geborner sun Christus Jesus/ vnder der gestalt brots vnd  
weins/ wölcher yetzund durch die ganzē Christenheit/ als  
ein opffer der gerechtigkeit. Psal. iij. vnd ein opffer des lo  
bes. Psal. xlix. gott dem hymelschen vatter wirt vffgeopf  
fert durch die hend der priester.

¶ Also stat die propheteey Malachie steuff vñ vest/ das  
im newen Testament (zu wölcher zeyt den Heiden das  
licht des glaubens/ der segen vnd die seligmachung ver  
heissen was) ein einzig opffer würd sein/ ein gemeyns an  
allen orten/ mit vil sundere. Ein reins vnd vnbeslecks/ nit  
ein vnreins/ ein vnstetigs. Siser opffer aber/ wie yetz auch  
gehört ist/ mag in der ganzen Christenheit keins anzeygt  
werden/ dan Christus vnser seligmacher vnder der gestalt

Des brots vnd weins/ Wölcher yetz im ampt der Weso  
von vffgang bis zu nidergang der sonnen ( wo der nam  
gottes vnder den glaubigmachten Heiden groß ist/ das  
ist/ wo man in gott glaubt/ wo man gott recht erkennet) vff  
geopffert wirt/ als das aller reinest/ heiligest/ fruchtbarrest  
opffer für die sünd der menschen.

¶ Wider dise offembare Prophecey geschehen auch et  
lich ynred. Die erst Malachias d prophet oder got durch  
in bescheletet die Jüdischen priester mit sampt dem volck  
das sie (so sie opfferen wolten) das bösest vnder der herd  
vffsuchten zc. Vff die ynred sagen wir. War ist es/ der  
erst teyl dises texts/ dienet vff die Juden/ wölchen gott der  
Herz vffhebt ir manigfaltig sünd vñ misserbar. Vnd des  
halb kündt er in ab freundschaft vñ genad/ so er spricht.  
Non est mihi voluntas in vobis zc. Ich hab kein gefallen  
in eüch zc. Sarnach tröwet er inen vil erkend vnd trübse  
ligkeit/ als im andern capitel. Mittam in vos egestatem et  
maledicam benedictionibus vestris zc.

¶ Das aber das annder teyl/ so der Prophet spricht.  
Von vffgang bis zu nidergang der sonnen/ ist groß mein  
nam zc. allein ein glychnüß sey/ ist nit/ wie da anzeygt wirt  
(mit denen Worten.) Wan ich an opffern ein wolgefallen  
het/ so bin ich ein sollicher (Paraphrastos) grosser got/ vnd  
ist mein nam so groß/ vñ vffgang bis zu nidergang d son  
nen/ auch bey den Heiden/ das sie mir vil bessere opffer vff  
opfferent dan ir. Dis ist ein vergleychung/ damit sie gott  
zu schanden machet/ das sie böser opffer bringent dan die  
Heiden zc. Das aber der verstand vnd vfliegung vñ di  
sem text nit zogen müg werden/ berzeügen wir vns vff bei  
de translation/ Hieronymi vñ der Sykentzig. Sarnach  
vff alle alt vnd neüw bewert lerer/ wölche geschriben ha

Die erst ynre  
de auff die fi  
gur malachie

Antwort

Die prophe  
cy Malachie  
ist nye für ein  
glychnüß ge  
hale worde.

ben/vō anfang der kirchen biß vff vns/ disen text ein prop  
phecy lassen sein/nit ein gleychnuß daruß machen. Die  
wort des Prophten ston in indicatiuo. Non est mihi vo  
luntas in vobis. Aber wie sie da teütscht werden/ müssen  
sie in Coniunctiuo ston. Si esset mihi voluntas in sacri  
cijs zc. Hie geschehent züsetz/ als da. Wan ich ein wolge  
fallen in opffern het zc. Unser text meldet deren gar keins  
aber allein. Ab ortu enim solis zc. von vffgang zc. wie der  
text oben gemeldet ist. Item wie het gott mügen sagen/ dz  
zū d zert Malachie sein nam groß sey gewesen vnder den  
Heiden zc. auch dz im an allen stetten sey vffgeopffert ein  
rein opffer/ so doch die erlösung/d segen vñ das liecht des  
glaubens den Heiden/in Christo erst verheissen ist/ Gene.  
xxij. In semine tuo benedicentur omnes gentes. Ad Gal.  
ij. Nō dicat et seminibus quasi in multis: sed quasi in vno  
et semini tuo qui est Christus. Et Esa. lx. Ambulabunt  
gentes in lumine tuo. Ad idem Mat. viij. Multi ab orien  
te et occidente zc. Esaie xlix. Sedi te in lucē gentiū zc. Itē  
Esaie xlij. et Mat. xij. Ecce puer meus quē elegi: dilectus  
meus in quo bene complacuit anime mee: ponam spiritū  
meum super eum et iudiciū gentibus annuntiabit. Si  
se text zeygent vff das bellest an/ wann die Heiden zū  
glauben sollen kōmen/ durch wen sie selig sollen werden/  
allein durch Christum vñnd vff sein zükunfft. Was ire  
görter vñnd ire opffer seyen gewesen/ biß vff die zükunfft  
Christi/ zeygent alle geschrifften an. Darzū so ist in der  
materi von den bildern reyllich danō gesagt. Item wie erst  
nach der vstende od vffart des herren (wölcher den Apos  
steln besalch/ sp: echend. Gond hin vñ lerēt alle völcker zc.)  
die Heiden zū dem glauben seyen kōnnen/ zeygent Acta  
apostolorum vñd Paulus. vilfaltig an. Deshalb auch

Gen. xxij.  
Gal. ij.

Esaie lx.

Paulus ein Doctor der Heiden genent wirt. Vnd darüß vnangesehen dise yned/stat die Prophecey noch als wir achten ir selbs yetzund mügen erkennen.

Die ander yned. Oblatio munda heist nit ein rein vnbesleckt opffer/sunder das wörtlin munda das vnser interpretes also transferieret hat/heist in Hebreischer sprach/ Thehora/ dz ist in vnserm teütsch/ als vil als gätz/ gangz/ heilig zc. Vff dise yned sage wir kurzlich/ dz wir es halten/wie es translatio Hieronymi lert/dann wir achten er hab Hebreisch als wol verstanden/als yetz einer mag funden werden/vñ sey seiner translation als vil glauben zü geben/als denen/die ir Hebreisch von den Juden zü vnsern zeyten lernen. Dan offenbar ist/das die text der Juden/wo sie Christi vñ vnser new gesatz antreffent/mercklich durch sie gefelscht vnd vnrecht vffgelegt werde. Vß dem Hebreischen hat es der heilig Hieronymus transferiert Oblatio munda/vß den Sybenzigen/ Sacrificiū mundum/heissent beide zü teütsch ein rein opffer. Es cōcordiert auch diser text Malachie mit dē text Exo. am xij. (wie er hie antzogen wirt) des Osterlambts halb/ dz gantz solte sein das im nichts gebrest/überal nit/dan das Osterlambt opfferten die Juden/vñ allein zü Hierusalem/da sie jerslich vff dz österlich fest hin müsten. Aber Malachias sagt hie vß einē opffer dz die heiden an allen orten gott sollen auffopffern. Darzū sagt Malachias hie nit allein von blindem/lamem/bresthafftigem vich/sunder auch (vñ an anfang) de polluto pane/vß beslecktem brot. Vnd damit wöllen wir auch verantwurt haben die ander yned.

Die dritt yned. Es heist offertur in presenti/ vñnd nit offeretur in futuro/darumb mag es nit vff die Wess zogen vnd verstanden werden/sunder vff die opffer/die da

Die ander  
ynred.

Antwort

Exo. xij.

Die dritt  
ynred.

**Antwort** zermal bey den Heiden/gott volkommer vnd besser geopffert wurden dan bey den Juden. Vff dise ynced sage wir das nit ein wunder ist/das zum dickermal die geschuffte wider iren eygnen rechten verstand bogen wirt/ vnd ir gewalt geschicht. Auch macherley irthumb entspringen/ wo man mer sucht d natuerlichen sin vß Püsciano vnd Diomed/ dan den rechten Christenlichen verstand vß Augustino/ Hieronymo/ vnd der gleychen.

Wie die propheteyen sollen verstandt werden.

¶ Wir achten/es wiss ein yeglicher klein verstendiger/was der brauch vnd die art der Propheceyen sey/ das ist/ das sie zum offtern mal/die ding so erst über vil zeyt kommen vnd geschehen sollen/vßsprechen/ als ob sie vergangen seyen. Vnd das vß wegen/ als vnmüglich es ist das ein ding/ so schon geschehen ist/ nit geschehen sey/ also vnmüglich ist es/was gott durch die Propheten redt/das es zu seiner zeyt nit werde geschehen. Also seind die Propheceyen Sauids/ wo er von dem leyden des herren Ihesu schreybt. Namlich am xxj. Psalmen. Circumdederunt me canes multi. Mich habent vmbgeben vil hund. Foderunt manus meas et pedes meos &c. Sie habent durchgraben meine hend vnd meine füß/ vnd habent gezelt all mein gebeit. Desgleychen vindt man am xl. vnd lüij. Psalmen. Item am cix. Psalmen. Du bist ein priester in ewigkeit nach der ordnung Melchisedech. Sise wort wie oft gehört ist/seind got des vatters zu Christo/wölcher aber erst über vil jar (nach dem vnd es sie Sauid geschriben hat) mensch ist worden/ vnd das priesterthumb angenommen hat &c. Desgleyche Propheceyen stont vil in Esaiafunderlich am l. lüij. vnd am lxvij. cap. Item in Hieremia/ wer wil mag sie lesen. Darumb setzt hie der Prophet/ dz auch mit dem reinen opffer/ als gegewürtig/wölches aber

¶ Psal. xxj.

¶ Psal. xl. lüij. et cix.

erst in de priestertümbs Christi/ do die Heiden zum glau-  
ben sind komen/ erfüllt ist. Darzu erclert sich der Propheet  
selbs gar hell/ am driten capitel/ so er spricht. Nym war ich  
wird schicken meinen engel/ vnd er wirt bereiten den weg  
vor meinem angesicht. Vnd als bald wirt komen in sein  
tempel d do herrschet den ir sünden ic. Vnd gleych vff die  
wort spricht der Propheet. Et erunt domino offerentes sa-  
crificium in iustitia: et placebit domino sacrificium Iuda  
et Hierusalem ic. Die sün Leut werden opffern dem Her-  
ren ein opffer in der gerechtigkeit/ vnd dem herren wirt ge-  
fallen das opffer Iuda vñ Hierusalem. Da hören wir  
offenbar/ wie der Propheet im ersten capitel das opffer be-  
schriben hat als gegenwürtig/ in tempore presenti offeretur.  
Also beschreybt er es hie erst künfftig in futuro offeretur.  
Wenn. So Johannes der Teuffer Christo den weg be-  
reit hat ic. San diese wort des Propheete zeücht Christus  
selbs vff sich vnd Johanne. Matthei xj. Luce vij. Mar-  
ci j. Deshalb auch dis opffer von keiner andern zeyt ver-  
standen mag werde/ dan so Christus komen ist in mensch-  
licher natur/ vñ gereiniget hat die geistlichen sün Leut vñ  
Juden in zu opffern das opffer der gerechtigkeit/ das ist  
das hochwirdig Sacrament des altars/ das auch in dis-  
ser yued gesagt ist/ dz zu der zeyt Malachie/ die opffer bey  
den Heiden vollkommer vnd besser geopffert seyen wordē  
dan bey den Juden ic. ist on grund gesagt/ dan wie alle ge-  
schufft antzeygt/ seind die Heiden darzumal Idolatre/ ver-  
erer der abgötter gewesen/ haben von gott nichts gewist.  
j. Thessa. iij. Sicut et gentes que ignorant deum ic. Ir  
heilmachung ist erst vff Christum gestellt/ nit vff die zeyt d  
Propheeten/ wie oben gnügsam antzeygt ist.

Vnd so also die propheetey Malachie/ hin vñ herwis

L iij.

Malachie 10

Concordat Jo  
iij. Sacrifici-  
te sacrificium  
iusticie.

Matthei xj.  
Luce vij.  
Marci j.

Mal. iij.

j. Thessa. iij.

der zogen wirt/haben wir yetz gnügsam gehört/ D; sie nach  
 rechtem verstande/sich nyendert hin reympt/ Dann (wie sie  
 bißher die gemeyn kirch/auch alle Chrißtenliche lerer ver-  
 standen vnd braucht haben) vff das hochwürdig Sacra-  
 ment des altars/wölches rein/heilig/gott gefellig opffer/  
 yetzund an allen orten gott dem hymelschen vatter wirt  
 vffgeopffert durch die hend der priester.

### Die Dritt Zeügknüß.



Als die Wess ein opffer sey/ seind die  
 nachuolgenden figuren. Leuitici am  
 andern lesen wir/ das got der heer die  
 Juden leit/wañ sie wölten opffern/ so  
 sollen sie von semel vngeshöflet oder  
 vngeteismet kuchen backen/ vnd die  
 selbigen opffern zc. Vff die meynung

Leuit. 4.

Leuit. vj. vñ.  
 et xxij.  
 Leuit. xxij.

Nume. vij.

Sacrificium  
 heist nict all-  
 weg ein gerö-  
 det opffer. vi.  
 de Leuit. ij. et  
 vi. Nu. vij. et  
 xxij.

Exo. xxx.

stat geschriben Leuitici am vj. am vij. am xxij. in dē sel-  
 bigē büch am xxij. ca. redt gott zū Mosi. Du solt semel  
 nemen/vñ daruß backen xij. brot/ derē yetzliche hab zwo  
 zehend. Sechse vñ denen (nach od vmb einander) solt du  
 legen vff den reinesten tisch für den herren zc. Darnach  
 Numeri am vij. ca. Nach dē vñ Moses den tabernackel  
 het vffgebauwen/mit dē altar vñ allem dē d; dartzū ge-  
 hört/ da haben die obersten durch die zwölff geschlecht ire  
 opffer vor dem altar gethon. Vnd vnder andern meldet  
 d text/wie sie haben geopffert syberin schüslen vñ schalen  
 vol semels/wie dan da lang anzeygt wirt. Von dē opffer  
 des semels stat auch geschribē Numeri xxvij. Itē Exo.  
 am xxix. sagt der text/wie gott Mosi befalch vnd gebot/  
 das man im solt opffern vngeshöflet brot/ als kuchen vnd  
 fladen vngeteismet/ die do weren besprengt mit öl zc.

**W**ie die figuren ist zu wissen/ Das alle geschichten/ ja  
 dz ganz alt Testament miteinander/figuren/ bedeutungē  
 vnd heilige zeichen seind/ deren ding die in Christo vnd in  
 der kirchen erfüllt vnd wargemacht seind/ vñ noch teglich  
 werden. Also das die geschichten der Patriarchen vñ des  
 gesetzes/ es sey in opffer oder andern/ von sein selbs wegen  
 nit geschēhē seind/ sunder zu einer bedeutung künfftiger ding  
 in Christo/ vnd in der kirchen. Das man auch über den  
 büchstabilichen sinn im alten Testament/ müß sūchen ein  
 geistlichen/ von Christo vñ der kirchen/ wölche vnder den  
 büchstaben verschlossen vnd verborgen seind. Wie dann  
 Christus selbs zu den Juden redt/ Johā. v. Ersūchent vñ  
 erso: schent die geschriffte/ dan die gebent zeugtnuß vō mir  
 vñnd so ir Wosi glaubtent/ villeycht würdent ir mir auch  
 glauben/ dan der hat von mir geschriben. Wo hat Mo-  
 ses von Christo geschriben. Nach dem büchstaben nyenen  
 Aber nach dem geistlichen sūn allenthalb. Exodi am xij. **Johan. vi.**  
 so er schreybt vom Osterlamb/ zeygt er Christum an/ wöl-  
 ches semblin durch sein vffopfferung vñ sterben hinnympf  
 die sünd der welt. Sarnach Exodi am xv. do er vñ de  
 geheiß gottes/ das holtz in das bitter wasser stieß/ wölches  
 als bald süß ward/ hat er anzeygt das wasser des tauffs  
 das süß vnd heilsam ist worden/ durch das Creutz vñnd  
 sterben Christi. Item Numeri xxj. do er den örinē schlan- **Exo. xxi.**  
 gen vffrichte ꝛc. zeücht Christus dise figur selbs vff sich/ Jo- **Johan. iij.**  
 hānis am dritten/ so er spricht. Wie Moses vffgericht hat  
 den schlangen in der wüste/ also ist not erhöcht zu werden  
 den sūn des mensche/ vff das/ ein yeglicher d in in glaube  
 nit verdeck/ sunder hab das ewig leben. Item Exodi am **Exo. xvi.**  
 Sechzehende schreybt Moses/ wie got der herz hab vom  
 hymel herab gesperst die Juden. Johannis am sechsten/ **Johan. vi.**

Lucę xliij.

zeiçht der Herz dise figur vff sich 2c. Vnd also durch vnd durch/was Moses vnd all Propbeten schreyben/ dienet vff Christum. Wie auch Lucas anzeygt am xxiiij. Der Herz sieng an von Mose vnd allen Propbeten/ vnd legt inen vß in allen geschribten/ die von im waren.

Augu. ii. que/  
stionū trac. v.  
Exo. xxv.

¶ Sieweyl nun vß vil erzelten geschribten gnügsam gehört ist/ das alte Testament eytel figur sein/ vff Christū dienende/ so müssen ye die vorgemelten brotopffer/ als semmel mel/semelbrot/brot von weizen/ vnghebestet oder vngeseürt/zeltlin/lüchen/fladen 2c. auch figuren sein/ ettwas künsttrigs bedeüten/ein annder opffer anzeygen 2c. wölches im newen Testament geschick vnd erfüllt werd. Dann

Matthę v.

Christus spricht Matthei v. Ich bin nit kōmen vff zūlösen das gesatz od die Propbeten/sunder zū erfüllen. Vnd für war sag ich eüch/biß das hymel vnd erdtrich zergat/ wirt der wenigest büchstab oder titelin nit zergon vom gesatz/ bisß das alle ding geschehen. Darumb so volgt von not das dise brotopffer mitteinannder ein figur seyen gewesen/ des aller reinsten vnd höchsten opffers Christi Jesu vnsers Herren/wie er vnder der gestalt des brots 2c. wirt vffgeopffert. Es halt auch die gemeyn kirch vnd ire leher dise brotopffer einhelligklich für figuren der heiligen Mese.

## Die Vierd Zeügknüß.

Hebre. v.



As opffer d Mese wirt auch bestetiget durch Paulum zū den Hebreern am v. capi. so er spricht. Ein yegklicher hoher priester vß den menschen genōmen/ wirt fürgesetzt den menschen gegen gott/ darumb das er opffere gabe

Hebre. viij.

ken od hostien für die sünd 2c. Darnach am viij. ca. Ein yegklicher hoher priester wirt gesetzt zū opffern gaben vnd

hostien. Dese text Pauli mügen nit zogen werden allein  
vff die priester des alten gesetzes/ dan am fünfften capitel  
nach dem vñ Paulus in einer gemeyn hat anzeygt/ was  
ampt eines regtliche priesters sey (opffern für die sünd des  
volcks) darumb er auch sagt. Omnis pontifex/ facht er erst  
an vndercheid zü geben zwüschē dem priesterthūmb Aa-  
rons vnd dem priesterthūmb Christi.

¶ Züm ersten/ die Aaronschen priester/ zü dem das sie  
mit blödigkeit waren vmbgeben/ waren sie auch vnder/  
wo:ffen der sünd. Christus was vmbgeben mit blödig-  
keit/ wie Esaias schreybt am luj. ca. Desiderauimus eum  
despectum et nouissimum virorum/ virum dolorum et sci-  
entem infirmitatē/ aber kein sünd hat er nye thon. j. Pe. ij.  
Qui peccatū non fecit nec inuentus est dolus in ore eius.

¶ Züm andern/ die Aaronschē priester warden zü dem  
priesterlichen ampt erwelt als knecht vñ diener gottes/  
wie Paulus anzeygt. Nemo sibi assumit honorē zc. Chri-  
stus ist erwelt als ein natürlicher sun gottes/ als ein freyer/  
als ein herz zeygt aber Paulus an. Sic Christus non se-  
metipsum clarificauit/ vt pontifex fieret: sed qui loquutus  
est ad eum filius meus es tu zc.

¶ Züm dritten/ die Aaronschen priester opfferten für  
ir eygne sünd/ vñ für die sünd des volcks/ zeygt Paulus  
an. Quoniam et ipse circūdatus infirmitate: et propterea  
debet quemadmodum et pro populo. Ita etiam et pro se  
metipso/ offerre pro peccatis. Christus opfferet sich allein  
für ander nit für sich selbst. Also zeücht disen text Paulus  
auch an/ am achten capitel/ nit für die priester allein im al-  
ten gesatz/ sunder in einer gemeyn/ dann er spricht. Omnis  
pontifex. Ein regtlicher priester wirt gesetzt zü opffern ga-  
ben vñ hostien. Darumb ist es not das diser (er verstat

Anderscheit  
zwüschē de  
priesterthūm  
Aarons vñ  
dem priester/  
thūm Christi  
Esaiē luj.

j. Pet. ij.

filii nullo  
Et liber  
dominus

Gal. ij.

Hebr. vij.

Christum) auch etwas habe/ d; er opffere. Nun was seind  
die gaben vñ opffer die Christus opffert. Nit ein schaff zc.  
wie Aaron opffert/ dan Christus ist nit ein priester nach d  
ordnung Aarons (wölche in Christo vff hat gehört) aber  
sein gaben oder opffer seind wein vñnd brot/ dann er ist ein  
priester in ewigkeit/ nach der ordnung Melchisedech. Die  
weyl er sich nun vñnder die gestalten im letzten nachtmal  
ewiglich zusein versprochen hat/ so er sagt. Das ist mein  
leyb zc. Sarnach. So it das thünd/ so thünd es in meis  
ner gedechtniß. So volgt von not/ das er sich vffopffere  
vñder der gestalt brots vñd weins. Dan nach dem text  
Pauli müssen ye die zwen Sillogysmi war sein/ Christus  
ist ein priester in ewigkeit. Ein reglicher priester ist gesetzt  
zū opffern gaben vñd hostien/ ergo Christus muß etwas  
haben das er opffere. Sarnach. Christus ist ein priester  
in ewigkeit nach der ordnung Melchisedech. Melchisedech  
hat wein vñnd brot geopffert/ ergo Christus opfferet dise  
gaben. So er aber sich versprochen hat/ wann die priester  
consecriri/ das er da wölle sein/ wie kan es dan sein/ das  
er nit geopffert werd. Also hören wir das Paulus hie vñ  
einer andern gestalt des opffers redt/ dan im ix. vñd x. ca.  
Hie zeygt er an wie sich Christus vffopffere in misterijs/  
verborgen/ vn sichtbar/ vñnder der gestalt des brots vñnd  
weins/ nach der ordnung Melchisedech/ vñd das zū einer  
gedechtniß. Am ix. vñd x. ca. schreybt er/ wie sich Christus  
leydlich/ leydlich vñd sichtbarlich ein mal hab vffgeopffert  
für die sünd der welt/ nit das d; opffer des altars ein an  
der opffer/ von dem leydlichen ( am Creütz beschehen) sey.  
Wiewol es in einer andern gestalt geschicht/ oder das sein  
sterben nit ein gnügsam opffer sey gewesen. Nein. Hostia  
Christi in cruce fuit vere vñuersalis : et efficacissima zc.

Primus sillo  
gylinus.

Secundus

Das offer am Creutz ist zu erlösung menschliche ges  
schlechts zu ablassung der sünd/ allgemeyn vnnnd krefftig  
gnüg gewesen/ darumb nit not ist ( der gestalt) Christum  
denno in cruce per mortē offerri. Christum mer geopffert  
werden. Aber dieweyl alle menschen durch dz leyden Chri  
sti vnnnd vß crafft desselbigen/ müssen selig werden/ so hat  
sich Christus der kirchen zu einem ewigē offer/ vnder der  
gestalt des brots vnd weins/ zu letze gelassen/ vnd beuols  
hen/ das wir das thūen in seiner gedechtnüß/ das wir sein  
tod verkünden. Es ist auch nit vngbürllich oder wider die  
geschrifft/ ob schon Christus von vnser sünd wegen/ ein  
mal gestorben ist/ das wir in dannoch vffopfferen/ die fi  
gur gibts also zu. Wie wir lesen Exodi am vij. do d hertz  
das volck von Israhel wolt außföhren von dem gewalt  
Pharaonis/ leret er sie/ wie sie ein lemblin soltē nemen on  
masen 2c. das vffopfferē/ darnach essen/ wie der text lang  
meldet. Vnd gebot inen darbey/ das nit ein mal zu thūn/  
sunder sprach er. Den tag sollen ir haben zu einer gedech  
nüss/ vnnnd sollen in halten zu einem fest dem herren mit  
ewiger vererung. Darnach Moses im selben cap. sprach  
zu den Juden. So ir werdent yngon in das erdrich/ das  
euch der hertz wirt gebn/ wie er euch verbeissen hat/ so sollē  
ir dise Ceremonias also halten. Auch lert er sie/ wartzu es  
nütz würd sein. Dartzu das sie ire kind dabey leretē/ was  
grosser barmherzigkeit gott inen bewisenn hab in Egy  
pto 2c. Also hören wir wie die Juden ( nach dem sie auch  
vß Egypto erlöset wurden/ bis vff das leyden Christi) nit  
desterminder das Osterlemblin opfferten vnnnd assen alle  
jar zu einer gedechtnüss der erlösung vß Egypto. Also die  
weyl es ein figur ist Christi des vnschuldige lembkins got  
tes/ sollen wir es auch opffern/ vnnnd das zu einer ewigen

Exo. vij.

gedechtniß seines bitteren sterbens an dem stammen des  
Creuzes. Sisen verstand der anzognē wort Pauli hat  
die gemeyn kirch mit sampt den Christenlichen lerern alle  
weg im brauch gehebt bis vff vns.

## Die Fünfft Zeügknüß.

Actū xij.



V Bestetigung dieses opffers/ lesen wir in der  
neiwē translation vß dem Griechischen 309  
gen/ Actuum am xij. also. Erant autē quis  
dam in ecclesia: que erat Antiochie Prophe-  
te et doctores Barnabasqz et Simō qui vo-  
cabatur niger: et Lucius Cerenēsis: et Manaben qui erat  
Herodis tetrarche a puero familiaris et Saulus. Cum  
autem illi sacrificarent domino ieiunaretqz dixit spiritus  
sanctus. Segregate mihi Barnabā et Saulū in opus  
ad quod accessiui eos. Cumqz ieiunassent et orassent: im-  
posuissentqz eis manus/ dimiserunt. Im teütsch also lau-  
tend. In d kirchen oder versamlüg die zū Antiochia was/  
waren etlich Prophten vñ doctores/ Barnabas vñ Si-  
mon genant Nigē/ Lucius Cerenensis/ vñ Manaben/  
vñ Saulus. So sie aber opfferten dem herren vñ fas-  
steten/ sprach der heilig geist. Sündere mir ab Barnabā  
vñ Saulum zū dem werck dartzū ich sie berüfft vñ ge-  
widmet hab ic. Vß diesem text hören wir/ das sie geopff-  
ret haben/ dan das wort Sacrificarent/ gibt das teütsch  
opfferen (vñ nit dienē wie etlich verteütscht haben.) Nun  
was haben sie geopffert/ on zweyfel nit nach dem alten ge-  
satz/ kñ vñ schaff ic. dan het der heilig geist die zwen dar-  
von genōmen vñ die andern darinn gelassen/ so wer es  
inen erlaubt gewesen. Auch het Paulus nit darein verwil-  
ligt/ dan in allen seinen Episteln schreybt er von vnuols

Könnenheit vnd abgang des alten gesetzes vnd seiner opffer. Es mag auch nit ston das yemants wölt sprechen/sie haben geistliche opffer geopffert/wie oben daruon gesagt ist. Spiritus contribulatus/Castigatio corporis per ieiunium/orationes/vigilias &c. Daruon wirt nyemants gesünderet/sünder mer dartzü vermanet. Es schreybt auch Paulus nach diser absündrüg/wie er sein lyb festiget hat/ gefastet/bettet &c. Nun sagt der text vstruckenlich/ sie haben geopffert/vñ haben aber nit Jüdische opffer geopffert/wie gehört ist/so seind sie nit abgesündert vñ den geistliche. Wüß ye volgen/das sie haben geopffert das rein opffer Malachie/durch Melchisedech bedüt/vnd vñ Christo vffgesetzt. Ob aber yemants wölte bestreytē/lito hieß auch ministrare/sagen wir die translatio hat sacrificare/heißt opfferē. Daz vñ was dienst het sie gott genömen/wan schon litare.i. ministrare stünd/nit vom fasten/betten/ dan das wort lito/hat sollichs nit vff im/darumb so volget/ dz sie der heilig geist hat abgesündert/vom Weshalten/nit als von einem bösen vnrechten werck. Aber dz sie dem gots wort vnd predigen möchten obligen. Dan d text spricht. sie seind gesant worden in Seleuciam vnd Ciprum &c.

i. Cor. ii.  
Dhil. j.  
i. Thessa. j.  
ij. Timo. j.

### Die Sechst Zeügknüß.



Als die Wess ein opffer sey wirt auch bewert vñ den wortē des herren Jesu/ Luce xxij. so er spricht. Thünd das in meiner gedechnüß. Sise wort begreyffen in inē zwey ding. Zum ersten/ die vsach warumb Christus dis Sacrament hat vffgesetzt. Zum andern/wie man endtlich dz sacrament brauchen sol. Aber beide fürnemlich darüb/ dz man sein da gedenccken sol. Nun stat aber dise gedechnüß

Luce xxij.

Ad ij

in vier pünctlin. Zum erste/wie Christus an dem ort/das  
 neuw Testament hat vffgesetzt. Zum andern/wie er sich  
 selbsts als ein Testamentierer hat vffgeopffert. Zum drit-  
 ten/wie er vō vnser wegen sein blüt hat vergossen. Zum  
 vierden/wie er das neuw Testament/das heilig Ewan-  
 gelium (vonn dem Hieremias sagt/das er es schreykenn  
 werd in die hertzen der glaubigen) durch sein tod confir-  
 miert vnd bestetiget hat. Je eygentlicher nun vnd vnder-  
 scheidlicher/dise vier puncten von den Christglaubigen be-  
 dacht vnd betrachtet werden/so vil mer volkommer vnd  
 ganzer wirt erfult der will vnuud endlich meynung/war-  
 umb es Christus vff hat gesetzt. Wie aber gehö:it ist/so  
 hat das Sacrament vnser behalter endlich vffgesetzt zu  
 einem zeichen darbey wir gedenccken seines leydens/vnuud  
 vffopfferung am Creutz/vß grōster liebe für vnns besche-  
 hen/wie dan seine wort in der vffsetzung selbsts anzeigen.  
**Das ist mein leyb der für eüch dargebē wirt. Darnach.**  
**Das ist mein blüt/das für eüch vergossen wirt. Darvß**  
 so mag nyemants widersprechen/dan das dise vier pünct-  
 lin/heller vnd volkommer anzeigt vnuud bedelit werden/  
 durch die opfferung vnuud niessung durcheinander/dann  
 durch die niessung allein. Sebhalb so volget endlich  
 vß den Worten des herren/so er gesprochen hat. Thünde  
 das in meiner gedechtniß/das wir seine willen vnd ende-  
 lich meynung/volkommer vnd vstruckenlichen nachkö-  
 men/so wir das hochwürdig Sacrament vffopffern vnd  
 darnach niessen/dann so wir es allein niessen. Es volget  
 auch darvß/dz die liebe/so vns Christus am creutz/durch  
 sein bitter sterben erzeygt hat/clarer anzeigt/vnd in vns  
 tieffer erinnert wirt. Sebgleichchen der glaub mer geybet/  
 die hoffnung höher erhebt/vnd die liebe ynbrünstiger vñ

mer entzündt wirt/ so wir in vunder der gestalt brots vnd weins opffern/ dan so wir in allein niessen.

**E**s ist auch nit wider einander/ das man wölt sprech en. Christus hat sich selbst zu einer speyß gekenn/ darumb mag er kein opffer sein. Wir wissen/ do das Osterlemblin den Juden zu einer ewigen gedechtniß/ der erlösung auß Egypto/ ist vffgesetzt/ vnd jarlich zu begon gebotten/ das sie es am ersten haben geopffert/ darnach geessen zc. Die weyl nun diß Osterlemblin ein figur ist/ des bitteren sterbēs Christi am Creüz/ vnd wir in dem Sacrament den tod Christi (durch wölchen wir erlöset seyen worden von der dienstbarkeit Pharaonis/ des reißels) mit ewiger bedechtniß begangē/ sollen wir auch Christum das vnschuldig lemblin/ am ersten opffern/ darnach niessen. Ja vil volkommer trucken die zwey/ das ist die opfferung vnd die niessung/ die gedechtniß des leydens Christi vñ/ so wir betrachten sein vngemeßne liebe/ die er vns in zwen weg hat erzeygt. Zum ersten/ das er sich selbst von vnser wegen am Creüz vffgeopffert hat/ den vatter versönet/ vñ alle gnad erlanget. Zum andern/ das er sich durch sein gnaden reiche gegenwürdigkeit/ vnder der gestalt des brots vnd weins/ vns zu einer speyß hat gebē/ durch wölche wir geistlich erquickt werden an der seel.

**H**ie geschehen aber etlich vñreden. Zum ersten. Christus hat sich einmal (vñ dz selbst am Freytag/ für die sünd der ganzen welt/ am Creüz vffgeopffert/ vñ ist gestorben/ darumb ist nit nor/ das in yemants mer opffere.

**V**ff das sagen wir zum erste/ Paulus in der Epistel zu den Hebreern schreybt vom zweyerley gestalt/ in denen Christus ein priester vnd ein opffer hat wölken sein. Ein mal (vnd das am fünfften/ sechenden vnd achtenden capi

Christus ist  
ein speyß vnd  
ein opffer.  
Ero. xij.

Vñred dz Cri  
stus diß sacra  
ment nit als  
ein opffer ha  
be vffgesetzt.

Antwort  
Christus hat  
in zweyerley  
gestalt ein op  
ffer vñ ein prie  
ster wölle sin.

Die Erst ge-  
stalt des opf-  
fers.

wer in d meß  
opffere.

Principalis  
offerens.

Hebr. v.

Alius offerens  
i. Cor. xij.  
Ephe. iij. et v  
Col. j. et iij.

tel) spricht Paulus/ das Christus ein priester sey in ewig-  
keit nach der ordnung Melchisedech. Nun was ist nach d  
ordnüg Melchisedech/ dan Christus opffert eben das/ das  
Melchisedech hat geopffert wein vnnnd brot. Siweyl sich  
aber Christus am letzten nachmal versprochen hat/ vn-  
der die gestalten des brots vnnnd weins/ so oft die priester  
dz brot vnd den wein benediciern vnd consecriern/ darbey  
auch beuolhen/ so oft wir das thun/ sollen wir sein geden-  
cken. So muß ye volgen/ so oft der priester Wess halt/ dz  
da ein opffer geschehe. Nun wer opffert aber/ principaliter  
fürnemlich/ so opfferet Christus als der recht/ war/ ewig/ le-  
bendig priester sich selbs gott seinē hymelschen vatter/ vn-  
sichtbarlich in misterijs/ vnnnder der gestalt des brots vnd  
weins. Dan also hat David in der person gott des vat-  
ters/ von im vor langem geschriben. Tu es sacerdos &c.  
Du bist ein priester in ewigkeit &c. Ist er nun ein priester.  
Ja vnd dartzu ein hoher priester/ pontifex cognominatus  
wie Paulus sagt ad Hebr. so muß er ye opffern. Quia  
omnis pontifex &c. Ein yeglicher hoher priester wirt ge-  
setzt das er opffere gaben vñ ostien. Weyter ist er ein pries-  
ter in ewigkeit so sol er in ewigkeit ( das ist biß zu volen-  
dung der kirchē/ biß die zal der vserweltē erfüllt wirt/ dan  
nach dem wirt offerents nyemandts nortürffrig) gaben  
vnd hostien opffern. In was gestalt. Nach der ordnung  
Melchisedech/ sich selbs vnnnder der gestalt des brots vnd  
weins/ dan also hat er sich ye versprochen in der vffsetzūg  
des Sacramēts. Sarnach die gemeyn kirch (ecclesia cas-  
tholica) als ein geistlicher leyb/ vffopffert Christū in haupt  
vnd inn gemabel/ gott dem hymelschen vatter zu einer on-  
vnderlasslichē dancksagung seines sterbens &c. Vnd nach-  
gendigs offeriert sie im/ vñ zeygt sie im an/ oder helt im für

wie Christus in haupt vnd einiger gespons/ für sie vnd ire  
glieder sich am Creutz hab vffgeopffert/ durch sein bitter ley  
den vnnnd sterben. Darbey so bitt sie gott den hymelschen  
vatter/ er wölle sollich opffer für sie vnd ire glider gnedig  
klich annemen/ zü verzeyhung der sünd/ vnnnd erwerbung  
alles des/ so ir vnd iren glidern angelegen ist ꝛc. Zum drit  
ten opfferen die priester/ mit vß inen/ oder für sich selbs/ als  
were das opffer ir/ aber als diener vnd vßteyler der misse  
rien vnd heimlichkeiten gots. Wie Paulus sagt. Sic nos  
existimet homo vt ministros Christi ꝛc.

Tertius offe  
rens.

i. Cor. iii.

¶ Vß dem volget/ das sich die priester in der Mess kei  
nes gewalts annemen oder berümen (also ob sie vß inen/  
oder vß irem verdienen) gott etwas wolgefelligs vnd an  
genems opfferen für die sünd der menschen. Nein iüberal/  
Dan sie seind selbs blöd/ presthaftig vnd mit sünden belas  
den/ wie andere menschen. Aber wie gehört ist/ d recht/ war/  
ewig opfferer/ vnnnd das opffer miteinander in der Mess/  
ist Christus/ die priester thünd allein das/ so inen vß Chri  
sto als dienern/ dartzü geordnet am nachtmal/ beuolhē ist  
do er sprach. Nement hin das ist mein leyb/ der für eüch  
dargeben wirt ꝛc. vnnnd als oft ir das thünd/ so thünd es  
in meiner gedechtnüß.

Hebr. ix.

¶ Vnnnd ob schon der gemeynen kirchen/ auch sundern  
personen/ nye weder frucht/ noch einicherley geistlicher trost  
oder hilff/ vß dem opffer der Mess/ widerfaren vnnnd ent  
sprungen were (wie das offentlich widersprechen all Histo  
rien/ all geschriefften/ vñ dartzü die Christenlich kirch selbs.  
Auch am tag ligt/ das die gemeyn kirch kein trostlichs/  
fruchtbarers od höheres opffer hat/ vñ ymmer haben mag  
dann wie sie Christus gelet hat/ durch die Zwölffboten)  
so volget dannocht nit/ dz die priester gott erwarin schme

¶

hen/wie gesagt wirt. Warum. Sie thünd d; allein/wie knecht vnd diener der kirchen/von gott dartzü verordnet Sie vollstrecken den letzten willen/wie es Christus seinē einigen gespons der kirchen zü letze gelassen hat/vf dem iren oder für sich selbs thünd sie nichts.

Die ander ge  
stalt des opf-  
fers.

Heb. ix. et x.

Ro. vi.

In w; gestalt  
Christus hab  
gnüg ton für  
aller mensche  
sünd.

¶ Züm andern/so hat sich Christus sichtbarlich in einē tödlichen leydlichen leyb (corpore mortali et passibili) ein mal vffgeopffert/für alles menschlich geschlecht/am stam men des heiligen Creützes. Vnd von dem opffer schreybt Paulus zü den Hebreern am ix. vnd x. ca. Christus sey ein mal yngangen durch sein eygen blüt in sancta zc. Er sey ein mal geopffert. Er hab mit einē opffer in ewigkeit vollēdet die geheulgetē zc. Wölche wort aber nit abthünde die yetzgehörten gestalt des opffers/so teglichs beschicht in der Wess/dan Paulus schreybt hie wie Christus ein mal von vnser sünd wegen gestorben sey/vnnd am stammen des Creützes sein blüt vergossenn/sich selbs vffgeopffert hab gott seinem hymelschen vatter. Wie er auch sagt in der Epistel zü den Römern am vi. Christus semel mortuus est pro peccato zc. Christus ist ein mal gestorben von d sünd wegen/yezund wirt er nit mer sterben/der tod wirt fürohin über in nymmer herschen.

¶ Weiter so in diser yntred gesagt wirt. Christus was rer gott vnd mensch/sey so theür/hoch vnd werd/das sein tod (nun einest vffgeopffert) reych vnd theür gnüg sey/für aller welt sünd in die ewigkeit zü bezalen zc. Siß alles ist war/nymants hat es ye widersprochē/doch müß es recht verstanden werden. Christus durch sein sterben hat genüg thon für aller menschen sünd. Nit also/das wir darumb nichts thün sollen/od gar frey seyen/sunst würd nyemāts verdampft. Das leyden des herzen/ist reych vnd theür ge

nüg/sür aller menschen sünd. Ja/ die sich des teylhafftig  
machen/oder teylhafftig werden. Wie. Schrifft sagt/ wöl-  
cher glaubt vnd taufft wirt/ d wirt selig. Sa werden züm  
ersten vßgeschlossn/ von d frucht des leydens Christi/ alle  
die in ynglauben od on taufft sterben. Schrifft sagt. Wilt  
du yngon zü dē leben/ so halt die gebott gottes. Sa wer-  
den ab gesündt/ alle die als übertreter (vt preuaricatores)  
sterben. Schrifft sagt zü den sündern. Penitentia agite ic.  
Würckent büß über eüwere sünd. Wölche dz nit thünde  
habent an dem leyden des herzen kein teyl ic. Vnd derges  
leychen vil geschriffen mügen anzeygt werde. Darumb  
so wir hören/ Christus hab gnüg thon sür aller menschen  
sünd/ sollen wir nit meynen oder gedencen/ dz wir darüb  
nit mügen verdampft werden/ es gehört mer dartzü/ Chris-  
tus hat vns darneken gebott vnd verbott geben/ die wir  
sollen halten. Vnd so wir vß blödigkeit vnser natur/ die  
selbigen übertreten/ hat vnns der barmhertzig Christus  
mittel vnnnd weg (als die heiligen Sacrament ic.) geben  
vnd anzeygt/ durch wölche wir widerüb gnad vnd barm-  
hertzigkeit mügen erlangē. Vnder denen allen (preuia per-  
nitētia sine qua nemo deo placere potest) diß hochwürdig  
Sacrament des altars das höchst/ sürnemest vñ frucht-  
barest ist. Dann so wir gott dem hymelschen vatter vffo-  
pfferen vnd sürhalten das bitter vnnnd schmerzlich ster-  
ken des herzen Jesu/ so wil er vns die sünd verzeyhen. In  
summa/ er wil vnns des leydens seines eingebornen suns  
teylhafftig machen. Sise meynüg zeyget die geschriffen an  
vil orten/ als namlich Matthei xxvj. Ephe. j. Hebre. ix.  
Es sol auch hie nit verstanden werden/ das der priester in  
der Mess der meynung opffere/ als ob das sterben Chri-  
sti nit gnügsam sey gewesen ic. Oder was der priester thüt

Darel xvj.

Matthei xij.

Dat. 2 Jo. j.

Datt. xxvj.  
Ephe. j.  
Hebre. ix.

Das es ein ander opffer sey/ dan wie er sich am Creütz vff  
geopffert hat/wiewol es in einer andern gestalt geschicht.  
Christus (wie gehöret ist) hat gnüg thon für aller mensche  
sünd/also das nyemant nichts fruchtbars oder verdiens  
lichs thun mag vnd endelich selig werden/dann vß crafft  
vnd mitwürcken des leydens Christi. ij. Cor. j. Sicut ha  
bundat passiones Christi: ita et per Christum habundat  
consolatio nostra. Ro. v. Recōciliari sumus deo per mor  
tem filij eius. Ad Hebr. ix. Christus ist kōmen ein hoher  
priester der künfftigen gütter/durch ein grösser vnd vol  
kommen tabernackel/wölcher nit von der hand gemacht  
ist/das ist nit von diser schöpfung/auch nit durch dz blüt  
der böck oder der kälber/aber durch sein eygen blüt ist er ein  
mal yngangen in sancta/vnd hat erfunden ein ewige erlö  
sung. Dan so das blüt der böck vnd der ochsen/vnd die  
esch der kü/so sie vßgesprengt wirt/heiliget die vnreine zu  
der reinigung des leybs/wie vil mer das blüt Christi/der  
sich selbs vnbesleckt durch den heiligen geist got geopffert  
hat/reiniget vnnsere gewissen von den todten wercken/zü  
dienen dem lebendigen got. Vnd darumb ist er auch ein  
mitler des neüwen Testaments/vff das durch sein tode  
(zū erlösung der übertretung/die da waren vnder dem  
vorigen Testamēt) die verheißung empfaben/die da bes  
rüfft seind zū dem ewigē erb zc. Wie nun ein Christus ist/  
vnd ein ewiger priester/Also ist ein ewigs priestertümbl  
vnd ein ewigs opffer/des neüwen Testaments. Christus  
ist der priester vñ das opffer. Ein mal hat er sich sterblich  
vffgeopffert/Aber teglich opffert er sich in mysterijs vff/zū  
einer gerechtnis seines sterbens. Item wie sein sterben ein  
ewige erlösung ist/Also ist es ein ewigs opffer. Wo/nit  
mer am Creütz/aber nach der ordnung Melchisedech vñ

ij. Cor. j.

Ro. v.  
Hebr. ix.

der der gestalt des brots vñnd weins. Vff die meynung  
schreybt gar schon daruon Chrystomus super Paulum  
ad Hebre. iij. Homel. xvij.

¶ Noch hanget in diser yntred ein hecklin/ so gesagt ist  
Christus hab sich am Freytag/ nit am Sonsttag vffge-  
opffert. Daruff sagen wir. Christus hat zu der zeyt sei-  
nes sterbens ein Testament angefangen/ das annder be-  
schlossen vñnd vollendet. Das alt Testament hat er am  
Freytag d opffer halb ganz vollendet/ do er sprach. Con-  
sumatum est. Das neuw Testament hat er am Son-  
sttag in der auffsetzung des hochwirdigen Sacraments  
angefangen. Nach der ordnung Arons ist er ein priester  
gewesen am Freytag/ so er durch sein eygen blüt ist yngan-  
gen in Sancta/ in das heilig. Am Sonsttag hat er war  
gemacht die figur Melchisedech vñnd der andern brotopf-  
fern/ vñ Exodo/ Leuitico vñnd Numeri/ oben antzeygt.  
Die vich opffer Arons/ habent sich durch den tod Chri-  
sti am Freytag geendet vñ sind vntöglich worden. Das  
priesterthümb vñnd opffer nach der ordnung Melchisedech  
hat Christus am Sonsttag angefangen/ vñnd wirt hinc  
für ewigklich also bleybē. Dis alles schreybt Paulus am  
v. vj. vij. viij. ix. vñnd x. capitel. Das opffer so sich Chri-  
stus am Creütz geopffert hat/ wirt fruchtbar vñnd erschieß-  
lich sein in ewigkeit. In remissionem peccatorum/ zu ab-  
lassung d sünd/ denen die das thünd in seiner gedechtniß  
Was aber hoc facite in meā cōmemorationē sey/ ist über-  
flüssig gehört/ das es das opffer in sich beschließ. Also ist  
gnügsam offembat/ wie vñnd in was gestalt sich Christus  
am Freytag hab vffgeopffert/ auch wie er am Sonsttag  
nach der ordnung Melchisedech sich zu einem gedechelichē  
opffer in sacrificium rememoratū sue amarissime passi

Beda super  
Barcū li. iij  
c. xiiij. ibi man  
ducantibus.

onis/der kirchen geben. Vnnd irret nichts Das er dis ge-  
dechlich opffer hat vffgesetzt/ee vnd er gestorben ist/ dann  
die figuren haben in seinem sterben müssen vollbracht vñ  
**Luce. viij.** war gemacht sein. Wie er Luce am xvij. sagt. *Ecce ascē-  
dimus Hierosolymā et consumabuntur omnia que scri-  
pta sunt per prophetas de filio hominis.* Es ist auch die  
geschicht Melchisedech (dises überheiligen opffers ein vnge-  
zweyfelte figur) lang vor den blütopffern Aarons/wölche  
den tod Christi anzeygent/beschehen/zū einem anzeygen  
Das die vffsetzung des Sacraments auch würd vorgon-  
de tod Christi. Weyter so wissen wir/ dz Maria Magda-  
lena dem herren Jesu sein füß gesalbet hat/vnd nit allein  
die füß/sunder wie Marcus schreybt/Sie hab die büchsen  
vffgethon oder zerbrochen/vnnd dem herren die salb über  
sein haupt abgossen/deren auch der herz zeügknüß hat ge-  
**Matth. xxvi.** ben/das sie ein güt werck hab thon/vnnd sey fürkōmen zū  
salbē sein leyb zū der begrebnüß. Also auch hie/wie Ma-  
**Marc. xliij.** ria zū d begrebnüß den herren vorhin gesalbet/hat Chris-  
tus zū einer ewigen gedechtnüß seines leydens/ dis opffer  
vorhin vffgesetzt ee vnd er stürb.

### Die Bybend Zeügknüß.



Als dis hochwürdig Sacrament nit allein  
ein wider gedechtnüß oder Testamēt sey/sun-  
der ein sacrificiū/ein opffer/berzeygent die für-  
nemesten Christenlichen leyer einhelliglich  
allsampt/als vil iren in Griechischer vñ La-  
tinischer kirchen von den Aposteln her über die Bibel ge-  
schriben haben. Vß denen wölten wir etlich nennen. Nit  
als vil sie von disem opffer geschribenn haben/ dann das  
würd gar zū lang/vnnd erheiste ein eygen büch. Aber wir

wöllen antzeygen die ort/wo sie dau on geschriben haben.  
Samit mengtlich sehen müg/so er lifet wie reyllich vnnnd  
schon/von diesem gebenedeyten opffer/dise heiligen erleüch  
ten menner geschriben haben. Vnd desßhalb abstand der  
Kirchen diß trostlich opffer zü erleiden oder verachten.

**Der erst ist sanctus Dionysius**/wöl  
cher gelebt hat zü der zeyt der Aposteln/vnd vmb des ge  
laubens willen ist gemartert wordē zü Paryß/vnder dem  
Keyser Somiciano/vmb dz xc.jar nach der geburt Chri  
sti. Sifer lerer heist das Sacrament des altars offens  
lich ein opffer. Darzū beschrybt er gar schon/in was form  
vnd mit was Ceremonien/darzumal die Wess sey gehal  
ten worden. Im büchlin genant *Ecclesiastica hierarchia*/  
am dritten Capitel.

**Der Ander ist Sanctus Ignacius**/  
wölcher auch zü den zeyten der Aposteln gelebt hat/dan  
er ist ein Junger Johannis des Ewangelisten gewesen.  
Hat von des glaubens willen den tod gelitten vnder dē  
Keyser Traiano/wie Hieronymus schreybt/vmb das C.  
jar nach d geburt Christi. Sifer Ignacius heist dz sacra  
mēt des altars ein opffer/in d vj. Epistel ad Smyrneses.

**Der Dritt ist Ireneus**/wölcher et  
wan ein Bischoff zü Leon vnd ein junger Policarpi des  
grossen Bischoffs vnnnd Marterers zü Smyrna in Asia  
gewesen ist. Hat gelebt zü der zeyt Anthonij Commodi/  
vmb das clxxxj.jar nach der geburt Christi. Sifer lerer  
heist es ein opffer/wölches die kirch vō den Aposteln ems

pfangen hab/vnnd werd yetz allenthalten in der kirchen  
geopffert. In quinq; libris aduersus hereticos.

**Der Vierd ist Tertullianus/wölch**  
er gelebt hat vnder Seuero Pertinace vñ Antonio Cas  
ratalla den keisern/vmb das cly.jar. Sifer leter heist es  
ein oppfer. Zum erste in libro de corona militis. Sarnach  
in libro de velandis virginibus. Item in libro ad vxore.

**Der Fünfft ist Origenes/wölcher**  
gelebt hat vnder dem keyser Seuero/vnd vnder allen key  
sern/bis vff Volusianum ( wie Eusebius schreybt ) vmb  
dz cclij.jar. Sifer leter neit es ein oppfer/libro j. in Job.

**Der Sechst ist der heilig marterer**  
Ciprianus/wölcher gelebt hat zu der zeyt Valeriani vnd  
Galieni der keyser/vnd von des glaubens wegen gemar  
tert ist worden/vmb dz cclj.jar. Sifer heilig Bischoff vñ  
grosser leter/schreybt an der dritten Epistel des andern  
büchs ad Cecilium gar schön ding von disem oppfer/zeucht  
die figur Melchisedech vnd ander figuren yn/ damit er vñ  
der geschriffte bewert/ dz es ein oppfer sey. Er neit es auch  
ein oppfer in Epistola ad Cornelium papam/ que est se  
cunda in primo libro. In Epistola ad Magnium/ libro pri  
mo. In epistola contra hereticos: In sermone de cena dñi.

**Der Sybend ist Eusebius Emese**  
nus/wölcher gelebt hat vnder Constancio de keyser/vmb  
das Dreihundert vnd vierd jar. Sifer leter ( wie in ano  
zeucht Gratianus in Secretis. de Cose. dis. ij. c. Quia cor

De cose. dis. ij.  
c. Quia.

pus.) schreybt schön Ding (wiewol Kurtz) von dem Sacra-  
ment des altars / vnd heist es offentlich ein opffer.

**Der Achtend ist d̄ groß Basilus /**  
erwā Bischoff zū Cesarea gewesen / wölcher gelebt hat vn-  
der d̄ Keyser Gratiano / vmb d̄ ccclyxxvij. jar. Dieser hei-  
lig leter neint es ein opffer / in sermone de Gordio martyre.  
Item in sermone intitulado *¶ mandata preterimus.*

**Der Neünd ist d̄ heilig Ambrosius**  
wölcher gelebt hat vnder Valentiniano / Valente Grati-  
ano vnd Theodosio den Keysern / vmb das Sc̄ribun-  
dert vnd Achtzigst jar. Dieser groß leter schreybt an vil  
orten von diesem hochwürdigen opffer. Als namlich am  
vierden büch de Sacramentis am sechsten Capitel / Da er  
auch ynzeichet ein teyl des Canons / wölchen wir brauchē  
in der Mess. Darnach in oratione preparatiua ad missē  
celebrationem / schreybt er wie sich die priester sollen vo:hin  
bereitē zū der Mess. Item libro quinto Epistolarū / Epi-  
stola xxxij. que est ad Marcellinam sororem.

**Der zehend ist Sanctus Hierony-  
mus / wölcher gelebt hat vnder dem grossen Theodosio /**  
vmb das cccyc. jar. Dieser hochberümpft leter / nennet es  
auch ein opffer. Zūm ersten aduersus Iouinianū. lvi. Si  
laicus &c. Zūm andern / wie in Gratianus angezeichnet in de-  
cretis Canoniciis. de Conse. dis. ij. c. de hac. Zūm drittē / su-  
per illud Matthei xxxvj. Tenantibus. Zūm vierden / super  
illud Luce viij. Et biberunt ex eo omnes. Zūm fünfften /  
super illis verbis. Non bibam de genuine vitis &c.

De Cōse. dis.  
ij. c. de hac.

D

**Der Eylfft ist sanctus Augustinus/**  
wölcher gelebt hat zū den zeyten Ambrosij vnd Hierony  
mi. Diser heilig vnd fürtreffentlich lerer schreybt von dem  
opffer der Mess mit ynziehung der heiligen geschrifft so  
reyllich/das er allein gnüg were/das zū bewerren. Zūm ers  
sten/in suo Enchiridion.ca.cij.per totum. Zūm anndern/  
de fide ad Petrum ca.xvij.per totū. Zūm dritten/ de Ci  
uitate dei.libro x.ca.xx.per totum. Item libro xvij. capi.  
xvij. Item libro xx.capi.ix. Item libro xxij.capi.v. Zūm  
vierden/in libro sententiarum Prosperi (wie in anzeücht  
Gratianus in decretis Canonis de Conse.dis.ij.c. Cum  
frāgitur.) Et eadem dis.c. Hoc est illud ex eodē libro. Itē  
eadem dis.c. Semel. Itē libro primo ad inquisitiones Iaa  
nuarij. Capitulo secūdo/quarto/quinto et septimo. Item  
libro secundo contra Epistolam Parmeniani/capi. quins  
to per totum. Item libro nono Confessionum.capi.xj. et  
xij. Item wie in anzeücht Gratianus in decretis Canos  
nicis.de Conse.dis.ij.c. Vtrum. Da auch ein teyl des Ca  
nonis geschriben funden wirt.

**Der Zwölfft ist Johannes Chryso  
stomus/erwan Bischoff zū Constantinopel gewesen/wöl  
cher gelebt hat (wie Volaterranus anzeigt) vnder dem  
Keyser Honorio/vmb das Vierhundert vnd Zehend jar.  
Diser heilig vñ groß lerer/schreybt auch vil von dē Sac  
rament des altars/wie es ein opffer sey. Zūm erste in der  
lxxxij. Homelia super Mattheum. Zūm anndern/ über  
Paulū zū den Hebreern vff das ix.capi. Homelia xvij.  
Zūm dritten/Homelia lx.ad Populum. Zūm vierden/  
Homelia lxxix.ad Populum/da er auch hell anzeigt. D  
is opffer von den Aposteln her geweret hab.**

Der XIII. ist Johannes Damascenus/wölcher vnder de Keyser Theodosio gelebt hat/ vmb das Vierhundert vnnnd Sechshundneüzigst jar. Diser Griechisch lerer in dem vierden büch so er geschribē hat vō de Chriſtenlichen glauben/am Vierzehenden capitel für er yn die figur Melchisedech/ die figur Leuitici/ am Vier undzweintzigsten. Die prophecey Malachie/vnd kewart damit das Sacrament des altars ein opffer sein.

Der XIII. ist Sanctus Bernardus wölcher gelebt hat vnder dem Keyser Conrado dem Dritte des namens/vmb dz Lylffhundert vnd Sechzigest jar. Diser heilig lerer nennt es auch ein opffer. Zum ersten in suis sententijs. capitulo cyiij. Sarnach/super Missus est Homelia tertia in fine.

Vß dise heiligen grossen erleuchten lerer d götlichen geschrifft/ Martirer vnd Berrichter/ wölche die gemeyn kirch all miteinander heilig glaubt vñ vereret. Wölken wir anzeygen ettlich heilig Bepst/ deren keiner gelebt hat in Achthundert jaren. Vß wölchen auch ettlich ir blüt vergossen habenn von des glaubens wegen. Durch die andern hat gott zu einer zeigknüß irs heilige lebens/vil wunderwerck in irem leben vnnnd todt gewürcket zc. wie die Chronici schreyben.

Der erst ist Sanctus Clemens/ der Dritt Bapst nach sant Petro. Diser heilig Bapst vnnnd Martirer ( wie es anzeygt Gratianus de Conſe. dif. ij. c. Tribus.) nennt das Sacrament ein opffer.

De cōſe. dif. ij. c. Tribus.

D ij

De cōse. dif. j.  
c. Episcopus.

**Der Ander ist Anacletus/** welcher von des glaubens wegen gelitten hat vnder dem Keyser Traiano/ vmb dz hundertst jar nach d geburt Christi. Siser heilig Bapst vñ marterer (wie in auch antzeücht Gratianus de Conse. dif. j. c. Episcopus.) heist es ein offer.

De cōse. dif. ij  
c. Nihil.

**Der dritt ist Alerāder/** der erst des namens/ wölcher von des glaubens wegē ein marterer ist worden vnder dē Keyser Adriano/ vmb dz cxxij. jar. Siser heilig Bapst vnd marterer (wie es antzeücht Gratianus in decretis. de cōse. dif. ij. c. Nihil.) neit es ein offer/ zeygt dar Key an/ was frucht der kirchen daruß entspring/ vñnd wie man es empfaßen solle. Er hat auch ( wie wir yetzund lesent) die wort Qui pudie/ biß vff die wort Hoc est corpus meum/ in der Weis zū sprechen/ geordnet.

lxxi. dif. c.  
Ministri.

**Der Vierd ist Lucius** der erst des namens/ wölcher vō des glaubēs wegē gelittē hat vnder dē Keyser Valeriano/ vmb dz cclj. jar. Siser Bapst vñ marterer ( wie in antzeücht Gratianus lxxij. dif. c. Ministri.) neit das Sacrament des altars ein offer.

De cōse. dif. j.  
c. Consulto.

**Der fünfft ist Eusebius/** welcher gelebt hat zū den zeyten des Keyfers Constantij vmb dz ccc. jar. Siser Bapst vñnd marterer ( wie in Gratianus antzeücht de Conse. dif. j. c. Consulto.) neit es ein offer.

**Der Sechst ist Julius** der erst des namens/ wölcher gelebt hat zū den zeyten des grossen Constantini/ vmb dz ccc. vñ y. jar. Siser heilig Bapst ( wie in

Gratianus antzeücht de Conse. dif. ij. c. Cū omne crimē.)  
nennet es ein opffer.

De cōse. dif. ij.  
c. Cū omne cri.

**Der Sybend** ist Syricius/zwelcher  
gelebt hat zū den zeytē Valentiniani vñ Valentis/ vmb  
das ccclyx. jar. Siser Bapst hat die wort Cōmunicans  
tes 2c. in den Canon der Wess geordnet/ darinn das fürs  
bitt der heiligen gemeldet wirt.

**Der Achtend** ist Innocentius/zwöl  
cher gelebt hat zū den zeyten Theodosij vñnd Archadij/  
vmb das Vierhundert vñnd Achtest jar. Siser Bapst  
neñt es ein opffer. Wie seine Secreta antzeücht Gratia/  
nus lxxxij. dif. c. Proposuiti. Et xxxj. dif. c. Tenere. Itē  
de Conse. dif. c. De nominibus.

lxxxij. disti. c.  
Proposuiti.  
xxxj. dif. c. Te  
nere.  
De cōse. dif. j.  
c. De noibus.

**Der Neünd** ist Leo der erst des na  
mens/wölcher gelebt hat zū den zeyten Theodosij vñnd  
Marciani/vmb das Vierhundert vñnd lxiiij. jar. Siser  
heilig Bapst neñt es ein Sacrificium ein opffer in sermo  
ne xij. De Passione et Resurrectione domini. Item in  
sermone vj. De Feiunio septimi mensis. Itē in Epistola  
ad Anatholium Episcopū. Siser Bapst hat geordnet  
in den Canonem die oration Hanc igitur oblationē.

**Der Zehend** ist Gelasius/zwölcher  
gelebt hat zū den zeyten Zenonis vñd Anastasij der Key  
ser/vmb dz cccxc. jar. Siser heilig Bapst hat in 8 Wess  
geordnet die neün Prefationes vor dem Sanctus zū le  
sen. Wie das antzeygt Gratianus de Conse. dif. j. c. Inue

De cōse. dif. j.  
c. Inuenimus

nimus. Er hat auch (wie die Historici schreybēt) den Ca-  
nonem so wir in der Mess brauchen in ein ordnung; ges-  
setzt/wie wir in noch brauchen. Sakey gemerckt wirt/ d̄  
der Canon nit erst in vier oder fünffhundert jarē gemacht  
ist/sunder ob den Tausent jaren her geweret hat.

**Der eylfft ist Sanctus Gregorius/**  
wölcher gelebt hat zū den zeyten des Keyseris Mauriciij  
vmb d̄z fünffhundert vñ Neünzigst jar. Siser groß leter  
neht das hochwirdig Sacrament ein oppfer/ vñ das an  
vil orten. Zūm ersten/in ca. ultimo/partis prime pastoras  
lis cure. Zūm andern/in libro quarto dialogorū cap. lvij.  
et ca. sequenti. Zūm dritten/in Homelia xxxvij.

**Der zwölfft ist Martinus/ der erst**  
des namens/wölcher gelebt hat zū den zeyten Constanti  
ni des dritten mit dem namen. Siser heilig Bapst neht  
es auch ein oppfer/wie sein decret antzeygt Gratianus  
de Conse. dis. ij. c. Non oportet.

De cose. dis. ij.  
c. Non oportet

**Mit disen heiligē lerern vñ Bepstē**  
geben auch zeügknüß die gemeynen Conclia vñnd vers  
samlungen/als namlich das groß Conciliū Nicenū von  
cccxxvij. Bischoffen gehalten/ wie es antzeycht Gratianus  
xxij. dis. c. Peruenit ad sanctū Concliu. Item d̄z dritt ge  
meyn Concliu zū Epheso/mer dan vñ cc. Bischoffen ge  
halten/de Cose. dis. ij. c. Necessario. Item d̄z ander Conci  
lium Constantinopolitanum (inter Conclia vniuersalia  
septū) de Cose. dis. ij. c. Sidiimus. Et c. Iacobus. de Cō  
se. dis. j. Item d̄z dritt Concliu Cartbaginense/de Conse.

xxij. dis. c.  
Peruenit.

De cose. dis. ij.  
c. Necessario

dis. ij. c. In sacramento. Item das zwölffte Concliu To-  
leranum/ de Conse. dis. ij. c. Relatum. Item dz Concliu  
Cabilonense/ de Conse. dis. j. c. Visum preterea.

De cose. dis. h  
c. In sacramē  
to 7c.



Iser heiligen vnd frömen lerer/ Bepst  
vnd Conclia/ geschribten haben wir  
für die sybend zeügknüß vff das aller  
kürzest hie wöllen antzergē. Nur das  
wir das hochwirdig Sacrament ein  
opffer sein glauben/ darumb dz sie es  
gesagt haben. Oder das vnser fundas

Es was vzt  
sach die heili-  
gen lerer. 20/  
cilia 7c. müge  
für zeügen an  
zogen werde,

ment in dem oder andern articeln vff inen standen. Nein/  
vnser fundament ist die heilig geschribt/ wölche aber dise  
lerer Christenlich vnnnd recht (gleych wie wir rezund) vere  
standen vnd vßgelegt haben. Aber darumb ziehen wir sie  
mit sampt der geschribt an.

Zum ersten/ damit mengtlich verston müg/ das dz  
hochwirdig Sacrament zu iren zeyten/ in Friechischer vñ  
Latinischer kirchen allen halb für ein opffer gehalten/ ges  
laubt vnd braucht sey on allen zweyfel/ ynred vnd widers  
sprechen. Vnnnd deshalb on grund gesagt wirt von den  
Wessseynden/ das die irigen psaffen erst in vier oder fünff  
hundert jaren von ired gertz wegen ein opffer darauß ges  
macht haben/ so doch offembar ist vß irem schreyben/ das  
es von den Aposteln her also an vns kompt.

Zum andern ziehen wir sie an für zeügen. Dan wir  
achten ire glosen vñ vßlegung über die heiligen geschribt  
sol als vil gelten/ auch als billich von allen Christen an-  
genommen werden/ als deren die zu vnnsen zeyten sich vns  
derstond die Bikel anders zu glosiern vnd vßlegen/ dann  
sie von den Aposteln her von keinem Christenlichen lerer

re gliosiert vnd verstanden ist. Wer wolt vermüthē) anges  
sehen ir heiligs leben/ des do gnügſame zeigknüß geben/  
die groſſen wunderwerck/ so gott durch sie nach vnd vor  
irem tod gewürckt hat. Auch das iren vil vmb des glau  
bens willen geſtorben ſeind) dz sie gott in einem so ſchwe  
ren verdamlichen irthumb habe laſſent abſterben/ durch  
wölchen alle die so nach iren biß vff vns ir vſlegung ge  
laubt/ vnd die Wels für ein oppfer gehalten vnd braucht/  
geirret hetten vnd verſürt weren worden. Ja das ſey verz  
von vnns/ gott ein ſollichs zulegen. Darumb iſt vil mer  
zü glauben/ wie sie wol vnd heilig gelebt haben/ vnd deſſ  
halb iren der heilig geiſt bergewonet hat/ also haben sie  
wol vñ recht die geſchufft verſtanden/ vſgelegt vñ gelet/  
auß dem heiligen geiſt/ ſunſt were er im ſelbs widerwertig  
geweſen. Spiritus veritatis quantū ad vitā corū: et ſpi  
ritus erroris quantū ad doctrinā/ dz aber vnmüglich iſt.

¶ Zum dritten ziehen wir sie an für zeigen der kunſt  
halb/ dann nyemandes wer achter ire bücher (so sie vñ yn  
ſprechen des heiligen geiſtes/ zū Chriſtenlichem verſtand  
der Bibel hinder iren gelassen haben) hō: t leſen oder liſt/  
mag es widerſprechen/ dann das sie (auch hūdan geſetzt  
ir heiligs leben) als gelet ſeyen geweſen/ Hebreiſch vñnd  
Eriechiſch als wol haben verſtanden/ dieweyl doch etlich  
auß iren geboren Eriechen ſeind geweſen. Auch das die  
Bibel in Hebreiſcher/ Eriechiſcher vnd Latinischer zungē  
darzumal als wol emendiert vñnd corrigiert ſey geweſen  
als ſich zū vnſern zeyten ymmer erſunden wirt. Wie vnd  
wo yetz Hebreiſch vnd Eriechiſch gelernet wirt iſt offem  
bar/ ſunderlich des Hebreiſchen halb ligt am tag/ das es  
von den Juden gelernet wirt/ von den ſeynden des Crei  
ſtes Chriſti/ von den ſchmehern ſeiner gebenedeyten mü  
tē

ter/von den widersprechern/hassern vnd verspottern vn-  
sers glaubens vñ gemeyner Christenlicher religion. Dese  
halb wie menglich weist ire Text bey Inen vñnd Iren  
Scribenten/wo sie vff Christum/die Sacrament zc. dies  
nent/vil anders verstanden/vsgelegt/ja auch verkeret vnd  
gefelscht werden/dan die recht Translation von Hiero-  
nymo vñnd andern Christenlichen leeren auß dem Hes-  
breischen gelatinet/zügibt vñnd innhalt. Aber das vnans  
gesehen/das sie vnser vñnd vnseres glaubens tödliche  
seynd seind/das sie iren ewigen hasse zum offtern mal an  
dem hochwürdigen Sacrament des altars/an den bilde  
nüssen Christi vñnd seiner gebenedeyten mütter/auch an  
den vnschuldigen kindlin/mit grosser schmach vnd grau-  
samlichem mord/mit wercken erzeygt habenn. Item vñnd  
angesehen/das der herr den Juden selbs hat gesagt/sie iren  
vñnd verstanden die geschriffte nit Matthei am zwey-  
undzweintzigsten Capitel. Sie seyen blind vnd fierer der  
blinden Matthei am fünffzehenden Capitel. Item dars  
umb red er durch gleychnüssen mit Inen/dann mit gehö-  
renden oren gehörent sie nit/vñnd mit gesehenden augen ses-  
hen vñnd verstanden sie nit/vñnd das an Inen erfüllt werd  
die prophecey Esaie am Sechsten Capitel. Mit dem ges-  
hörd werden ir hören vñnd nit verstou zc. Matthei am  
Dreyzehenden Capitel. Item das er sein reyck von inen  
wöll nemen/vñ das geben einem volck das frucht bringi  
Matthei am Einundzweintzigsten Capitel. Item das  
ir hauß öd werd beleiben Matthei am Dreyundzweins-  
zigsten Capitel. So fragen wir sie dannocht/wir lernen  
von inen/wir glauben irer vertolmerschung vñnd vñfles-  
gung/als ob sie noch das vñserwelt volck seyen/vñnd den  
geist gottes haben/die geschriffte allein recht verstanden zc.

P

Vnd darneben der lieben frömen heiligen erleuchten lerer  
vnd Scribenten/ der grossen liebhaber vnd freunden vn-  
sers Christenlichen glaubens verstand vñ vñslegung (wie  
wir leider zu vnser zeit vñ vilen freuenlich hören) wirt ver-  
spottet vnd verworffen. Es ist menschen tant. Sie müß-  
sen geirret hon zc. Ob das Christenlich sey/ vñ mit der zeit  
vnserm glauben zu gütem werd dienen/ geben wir allen  
Christen hertzen zu ermessen. Hebreisch vñnd Friechisch  
lernen/wissen vnd verston/ist vast nütz vñ gut/ aber doch  
das in allweg der alt recht Christenlich verstandt nit ges-  
etzt werd/ vnd nit der seynd die Bibel vñslegen nach dem  
rechten sijn mer glaubens habe/ dan der freind.

Zum vierden ziehen wir sie an für zeügen/ dan offen-  
bar ist es/ das wir irem verstand/ glosen vñnd vñslegung  
über die schrift in gleychem vñnd merern/ glauben geben.  
Namlich do sie schreyben wid die ketzer/ als Hieronymus  
contra Heluidium/ Iovinianum/ Vigilantiū/ Luciferia-  
nos zc. Augustinus cōtra Manicheos/ Pelagianos/ So-  
natistas zc. Tertullianus contra Marcionem/ Hermo-  
genē/ Valentianos et omnes hereses zc. Ambrosius con-  
tra Arrianos. Ciprianus aduersus Marcialem et Basili-  
dem/ Nouacianum/ Semerianū zc. Beleyben wir nit  
da bey dem verstand vnd vñslegung der geschriff/ wie es  
dise lerer disputiert vnd geschriben/ auch die gemeyn kirch  
angenömen hat/ als wir billich beleyben sollen. Warumb  
solt inen dan in dem artickel dz hochwürdig Sacrament  
betreffend (so sie doch ynziehen die figurē/ prophecerey/ vñ  
ander heiligen geschriff nit auch glaubt werden. Herwider  
umb ist ir glos vñ verstand in disem vñ andern artickeln  
(so yetz bey vns Teütschen von etlichen freuenlich wider-  
sprochen werden) menschen thant. So müß ye volgen/ das

in obgemelten articulen (in wölchen sie wider die ketzer hat  
kent disputiert vnd geschriben) auch mensche thant sey ge  
wesen/ vnd damit seind schon widerumb lebendig vnd er  
weckt all ketzererey/ wölche doch mit grosser mü vnd ar  
beit von disen lerern/ Concilij vnd der kirchen seind vff  
gereit vñ hüngelegt worden. Darumb wer vast heylsam  
vnd gut/ wo über die geschriffte ein oder mer lerer allegiert  
würd/ dz man es nit also schympflich soluierte/ sprechende.  
Es seind mensche gewesen als wir. Es ist mensche thant  
gleychsam dise nit mensche/ sunder götter oder engel seyen/  
oder als ob sie nit mügen irren/ vñnd allein für all annder  
menschen den geist gottes haben die schriffte vffzelegē. Es  
ist wol möglich were der geist der demüthigkeit bey sollich  
en/ sie würden dise heiligen lerer/ angesehen ir leben vñnd  
kunst/ neben inen lassen bleyben. Das were aber Christen  
lich gehandelt/ ee man d heilige lerer vfflegung verwerffe/  
oder ein traum vñ menschen thant hiesse/ das vorhin wol  
vnd ernstlich die Text durch die geleerten besichtiget wür  
den vnd ermesen/ ob ir vfflegung dē Text gleychförmig  
oder wider were/ alsdann were kein zweyfel/ es würd zūm  
offtern mal funden/ das ir vfflegung dē Text als gemess  
were oder mer dan deren die sich des geists vil berümen.  
Auch würd also nit einem yeglichen sein freuel vñ müß  
will in der geschriffte zū grüblen gestattet. Sunder möcht  
man sprechen wie geschriben stat Prover. xxij. Ne trasgres  
diaris terminos antiquos/ quos posuerunt patres tui. Bes  
leyb bey der altē zūstatt/ die deine vetter haben gesetzt. Es  
würd auch alsdann mer einigkeit Christenlichs verstands  
in der geschriffte sein/ dan wir leider vor augen sehen.

Die Achtend Zeigknüß.

P ij



Als die Wess ein offer sey/ Bezüigen  
die vilfaltigen verheissungē so Chris-  
tus seinem einigen gespons/ der heil-  
gen kirchen gethon hat. Zum erstē zū  
einer steten ewigen vermehelung sein  
vnnnd der kirchen/ meldet er das wort  
(Sponsabo) durch den Propheten.

**Osee li.** Oseam dreimal vnd spricht. Ich wil mich dir vermehes-  
len in ewigkeit. Ich wil mich dir vermehelen in der gerecht-  
tigkeit/ in vrteyl/ in d̄ barmherzigkeit/ vñ in den erbermdē.  
Ich wil mich dir vermehelen in glauben/ vnd du würdest  
wissen d̄z ich der herz dein gott bin. Sarnach damit die  
heilig kirch so ir widerwertigkeit würd zūston vō Heiden/  
Tyränen oder Ketzern/ nit möcht als ein trostlose veelass-  
ne gespons sagen. Der herz hat mich verlassen/ der herz  
hat mein vergessen. Tröstet sie d̄ herz durch den propheetē

**Esaię xliij.** Esaiam/ vñ brauchet dise gleychnüß. Mag auch ein weyb  
vergessen ires suns/ das sie sich nit erbarme über den sun  
ires leybs. Vnd ob sie sein würd vergessen/ so wil ich doch  
dein nit vergessen. Von der verheissung stat auch geschri-

**Matthel xvi.** Ben Matthei xvj. do d̄ herz seine junger fraget/ wo s̄ir sie  
in hetten/ vnd Petrus antwurt vñ sprach. Du bist Chris-  
tus ein sun des lebendigē gottes. Da sagt der herz. Ses-  
lig bist du Simon Bariona/ dan̄ fleisch vnd blüt hat es  
dir nit geoffenbaret. Vnd ich sag dir du bist Petrus/ vnd  
vff den felsen wil ich bauwen mein kirchen/ vnd die portē  
der hellen werden sie nit übergwaltigen. Item da sich das  
leyden des herze nahet/ durch wölches die hertzen d̄ junger  
betrübt vnnnd wanckelmürtig warden/ sprach der herz zū  
**Lucę xxiij.** Petro. Nym war Satanas hat eüwer begert/ d̄z er eüch  
reiterte wie den weitzē/ ich hab aber s̄ir dich gebeten/ dein

gründt. Zum andern/ werden ir vernemen Das sich die  
priester (wie etlich sürgeben) nit darfür vstünd als ob sie  
Christum opfferen für andere menschen zc. Dan vil mal  
angezigt ist das der recht war ewig priester vnd opfferer  
in der Mess/ Christus sey/ vñ nachgendigs sein vserwelte  
einige gespons die heilig kirch. Die priester aber thügende  
vñ inen/ vñ irem gewalt oder verdienen (so vil es das opfo  
fer an im selbs antrifft) überal nicht/ dan allein dz sie als  
diener Christi vnd der kirchen (zñ dem ampt verordnet)  
da vollstrecken den letzten willen des herzen Jesu/ wie er  
dan den Jungern am nachmal vnd in inen/ allen pries  
tern beualch zñthün/ do er sprach. Thünd das in meiner  
gedechenüß. Solt das ein freuel sein od ein vermessenheit  
wann die priester wie yez gemeldet ist/ Mess haltent vnd  
opfferent als diener der kirchen/ so müßt das auch ein fre  
uel sein/ wann sie taufftent/ da die erbsünd nachgelassen.  
Item wan sie in der kerche absoluierten/ da die todesünd  
vertzügen werden/ das aber nyemant sagen mag/ dan sie  
thünd die ding allein wie diener/ nit vñ inen oder irem ge  
walt. Zum dritten/ das gott durch das opffer nit allein  
nit geschmecht werde (wie anzeigt wirt) sunnder auff das  
höchst kreyßt vnd gelobt/ auch allweg als ein wolgefellig  
gests opffer annemen wölle. Dann also kerzeiget er es  
selbs durch den propheten Malachiam. An allen orten  
wirt mir geopffert ein rein opffer zc. Item Marci am erste  
ca. vnd Luce am dritten ca. spricht gott der vatter zñ sei  
nem eingebornen sun. Du bist mein lieber sun/ in dir hab  
ich ein wolgefallen. Wie möcht gott dem hymelschē vater  
wolgefelligers vnd angeneiners beschehen/ dan so in  
die heilig kirch durch ire diener die priester/ vffopffert vnd  
fürhelt seinen eingebornen sun Christum/ wie er von ir ein

Argumentum  
a simili.

wegen sich ein mal am Creütz hat vffgeopffert vnnnd ge-  
storben ist. Hat es gott dem vatter wolgefallen vnd ist  
im angemen gewesen zü bezalen die sünd d gantzen welt  
do sein eingeborner sun am Creütz gestorbē ist wie möcht  
er dan yetzund geschmecht werden so die kirch (wölche im  
auch selbs nit mag mißfallē) eben dasselb offer (doch in  
einer andern gestalt) zü einer gedechtnuß des sterbens Chri-  
sti gott vffopfferet im Sacramēt des altars. Züm vier-  
den werden ir bericht empfaben/ das wir gott wol etwas  
höbers mügen vffopffern/ dan vns oder vnserer leychnant  
Warumb Christus ist vnser haupt/wir seine glider. Von  
Christo dem haupt fleußt das leben vnd alle gnad. On  
das haupt seind vnnnd vermügen die glider gantz nichts.  
Was die glider seind/was sie thünd/ kompt alles von dē  
haupt. In ipso et cū ipso et per ipsum sunt omnia. In im/  
mit im/ vnd durch in seind alle ding. Die gantz Ewang-  
gelisch geschriffte berzeügt das/nyemants wirt oder mag es  
laugnen. Darumb so vil das haupt übertrifft die glider/  
so vil es edler/höher vnnnd besser ist/ so vil mer wolgefellig  
ist gott dem hymelschen vatter/so im d geistlich leyb (cor-  
pus mysticū ecclesia scilicet) für sich vñ seine glider ir haupt  
vffopffert. Paulus ermant vnns wir sollen vnserer leyche-  
nam vffopffern zc. das hat nye nyemants gescholten oder  
verworffen. Es ist auch not/ das wir es alle thüegē. Aber  
darneben sollen wir das annder nit vnnnderwegen lassen.  
Dan durch das leyden Christi (wölches die kirch im opf-  
fer der Wess am höchsten anzeücht vnd betrachet) mies-  
sen wir alle selig werden. On das seyen weder wir noch vn-  
sere werck nichts vor dē angesicht gottes. Das yemants  
die Wess hat mißbraucht oder noch thüt/geistlich od welt-  
lich/wöllē wir nit verfechten/laffen es keleyben wie oben

Ephe. i. et v.  
I. Cor. vi. 2 rü  
Collo. i.  
Johan. i.  
Ro. vii.  
I. ad Timo. i.  
Actu rü.  
I. Johan. v.  
Johan. xv.

Ro. xij.

vō mißbrauchung der bilder geredt ist. Die kirch brauche  
das opffer d' Mess allweg wol/ ist ir allweg fruchtbar vñ  
erschießlich gegen got. Ob es diser oder ihener mißbraucht  
irret nit. In allen dingen seind mißbreiuch/ wie im erste ar  
tikel gehört ist. Hierumb vermanē wir eüch nochmals  
vff das allerhöchst vnd freüntlichest/ Ir wölken diß rein/  
vnbesleckt vñ fruchtbar opffer (durch wölches teglich der  
zorn gottes versonet/ alles hymelsch heer erföwet vñnd  
vereret wirt. Den lebendigen vnd todten/ vnussprechen  
licher geistlicher nutz vñ vilfaltiger trost entspringt) nit vn  
derlassen oder abthün. Auch nyemants es sey geistlich oder  
weltlich sollichs zürhün gestatten oder bewilligen/ sunnder  
mit allem ernst (wie ir auch zürhün schuldig seind) darob  
halte vñ verschaffen/ damit die alten loblichen stiftungē  
vñnd letzten willen so sich vff die Mess ziehen (von Key  
sern/ Herren/ auch eüwern altfordern) gott zū lob/ den  
lebendigen vñnd todten zū trost/ fundiert/ vñnd vil  
hundert jar Christenlich vnd wol key eüch gehal  
ten seind worden) durch die Priesterschaft für  
vnd für mit allem andacht gehalten vnd  
volstreckt worden. Saram werden Ir  
thün/ das den abgestorbenen tröst  
lich/ eüch vñ eüwern nachkömen  
gegen gott vnd der welt lob  
lich/ erschießlich vnd vnuer  
weyßlich wirt sein.

\* \*  
\*

Faint, illegible text, likely bleed-through from the reverse side of the page. The text is arranged in several lines, but the characters are too light and blurry to transcribe accurately.

\* \* \*

